

37-2-C-3.

~~37~~





CONSTITVTIONES

SOCIETATIS

IESV.



ROMÆ,

In Collegio eiusdem Societatis.

M D LXXXIII.

Cum facultate Superiorum.

GREGORIUS XIII. Institutum Socie-
tatis à Paulo III. & Iulio etiam III. confir-
matum, & à Paulo IIII. diligentissime examinatum,
nec non & à Concilio Tridentino commendatum non
modo refert; sed ipse etiam illud atque Constitutiones,
& Statuta approbat, & confirmat in hæc verba.

MOTU PROPRIO, certaue scientia no-
stra, & de Apostolicæ potestatis plenitudine, laudabi-
le huiusmodi Institutum ac prædicta ceteraque om-
nia dictæ Societatis Privilegia, Facultates, exem-
ptiones, immunitates, gratias & indulta tam à præ-
dictis, quam alijs prædecessoribus nostris, & etiam
à nobis concessa; Constitutiones quoque & Statuta
qualiacunque sint, ea omnia, ac si ad verbum præsen-
tibus insererentur, pro expressis habentes, auctori-
tate Apostolica tenore præsentium approba-

mus & confirmamus; suppletes


omnes iuris et facti defectus,

si qui interuenerint in

prædictis Constitu-

tionibus & sta-

tutis, &c.

 In litteris Apostolicis datis Calendis Februarij

Anno Incarnationis Dominicæ.

M D LXXXII.



AC GENERALE

EXAMEN

IIIS OMNIBVS, QUI IN SOCIE-

tatem IESV admitti petent, pro-
ponendum.

DE INSTITVTO SOCIETATIS

IESV, & varietate personarum,
quæ in ipsa sunt. Cap. I.



- 1 **H**ÆC minima Congregatio, quæ
à sede Apostolica prima sui in-
stitutione Societas IESV no-
minata est, primū fuit approba-
ta per felicitis memoriæ Paulum Pa-
pam III. anno 1540. & per eundē postmodū 1543.
confirmata, ac rursus per Iulium III. illius succes-
sorem anno 1550. Vt interim omittantur diuer-
sæ litteræ Apostolicæ, in quibus de ea sermo ha-
betur, & ei variæ facultates (supposita magna ap-
probatione, & confirmatione) conceduntur.
- 2 Finis huius Societatis est, non solum salutem &
perfectionem propriarum animarū cum diuina gra-
tia vacare; sed cum eadem impense in salutem, &
perfectionem proximorum incumbere.
- 3 Ad hunc finem melius consequendum, tria
Vota in ea, Obedientiæ, Paupertatis, & Castitatis

emittuntur : sic Paupertatem accipiendo, ut nec velit, nec possit redditus ullos ad suam sustentationem, nec ad quidvis aliud habere. Quod non tantum in particulari de vnoquoque, sed etiam de Ecclesijs & Domibus Societatis professæ est intelligendum. Nec etiam (quamvis alijs sit licitum) pro Missarum sacrificijs, vel Prædicationibus, vel Lectionibus, vel ullius sacramenti administratione, vel quouis alio pio officio exijs, quæ iuxta suum Institutum Societas potest exercere, stipendium ullum, vel eleemosynam, quæ ad compensationem huiusmodi ministeriorum dari solent, ab alio, quàm à Deo (ob cuius obsequium omnia pure facere debent) possunt admittere.

4 Et quamvis habeat Societas Collegia, & Domos Probationis: redditibus dotatas ad Scholasticorum sustentationem, antequam in Societatem Professam, vel eius Domos recipiantur: non possunt tamen huiusmodi redditus in usum aliû, iuxta Litteras Apostolicas in Constitutionibus declaratas, expendi: nec Domus Professorum, nec aliquis eorum, aut etiam Coadiutorum, eisdem uti poterit.

5 Professæ itidem Societas, præter tria dicta, Votum facit expressum Summo Pontifici, ut Vicario qui nunc est, uel pro tempore fuerit, Christi Domini Nostri; nimirum ad proficiscendum sine excusatione, non petito uiatico, quocunque gentium eius Sanctitas iusserit, inter fideles, uel infideles, ad res, quæ ad diuinum cultum, & religionis

gionis Christianæ bonum spectant.

6 Ceterum ratio viuendi in exterioribus iustas ob-
causas, maius Dei obsequium semper intuen-
do, communis est: nec ullas ordinarias pœnitentias,
vel corporis afflictiones ex obligatione subeundas
habet; sed illas assumere quiuvis poterit, quæ sibi
videbuntur (cum approbatione Superioris) ad
maiores sui spiritus profectû conuenire; & quas
propter eundem finem Superiores eis poterunt
imponere.

7 Personarum autem, quæ admittuntur in hanc
Societatem, generaliter sumptam, quatuor sunt
classes; si finem, quem ipsa spectat, intueamur: ta-
meti omnes, qui ingrediuntur, quod ad ipsos
attinet, quartæ classis esse debent, de qua dicitur,

8 In primis aliqui admittuntur, vt Professionem
in Societate quatuor solemnibus Votis (vt dictum
est) emissis, faciant; peractis prius experimentis &
Probationibus debitis: & hos sufficiēter in litteris
eruditos (vt in Constitutionibus postmodum di-
cetur) & in vita, ac moribus diu (quemadmodum
hæc vocatio exigit) probatos & omnes ante Profes-
sionem Sacerdotes esse oportet.

9 Secundæ classis sunt, qui in Coadiutores ad
diuinum seruitium, & Societatis auxilium in re-
bus spiritualibus, vel temporalibus admittuntur,
& ij quidem post experimenta & Probationes,
Vota simplicia, Obedientiæ, Paupertatis, & Casti-
tatis (omisso quarto ad Summum Pontificem
pertinente, & alio quouis solemnî) debent emit-

tere. qui sua sorte contenti esse debent, intelligentes eos in conspectu Creatoris & Domini Nostri magis mereri, qui maiori charitate se impendunt auxilio & obsequio omnium, ex amore diuinæ maiestatis, siue in rebus altioribus, siue in alijs inferioribus & humilioribus.

10 Tertiæ classis sunt, qui in Scholasticos admittuntur, si ingenio, & reliquis dotibus ad studia conuenientibus præditi inueniantur; ut postquam docti euaserint, in Societatem ingredi, & Professi, vel Coadiutores (prout iudicabitur expedire) esse valeant. Hi autem, ut Scholastici Societatis approbati censeantur, post experimenta, & Probationes, eadem tria Vota simplicia, Paupertatis, Castitatis, & Obedientiæ, cum promissione ingrediendi Societatem in altero prius dictorum modorum (ut in Constitutionibus videbitur) ad maiorem Dei gloriam emittent.

11 Quartæ classis sunt, qui indeterminate ad id admittuntur, ad quod idonei esse, temporis successu inuenientur; nondum statuente Societate ad quem ex dictis gradibus eorum talentum magis sit accommodatum. Illi autem indifferentes ingredientur ad quemuis ex dictis gradibus, qui Superiori videatur: & ex parte sua omnes (ut dictum est) eadem animi dispositione ingredi oportet.

12 Ad hæc, antequam quisquam admittatur ad Professionem, vel simplicia Vota Coadiutorum, vel Scholasticorum superius dicta secundum Institutum nostrum emittere teneatur; biennium integrum

tegrum ad Probationem habebit: & vt admittatur Scholaſtici ad quẽuis ex prioribus gradibus Profeſſorũ, uel Coadiutorum formatorũ, unũ adhuc annum poſt abſoluta ſua ſtudia expectabũt: quod tẽpus, cũ Superiori uiſum fuerit, poterit prorogari.

13 Hoc mediõ tempore duorum annorum (in quo habitus ullus certus Societatis non ſumitur) ante præſinitum tempus, in quo Votis eos ligari in Societate oportet, videre unusquiſque, & conſiderare debet diplomata Apoſtolica Inſtituti Societatis, & Conſtitutiones, ac Regulas, quas in ea eſt obſeruaturus; idq; non ſemel: Primum enim id fiet, dum in Domo Primæ Probationis erunt, in quã, qui Societatem ingredi uolunt, hoſpitiũ more ad duodecim, uel quindecim dies, ut res ſuas melius conſiderent, ſolent admitti, antequam in Domum, uel Collegiũ Societatis ad cohabitandum alijs, & inter eos uerſandum ingrediantur. Secundo id fiet, ſex menſibus Experimentorum, & Probationis elapſis. Tertio poſt alios ſex menſes; & ſic deinceps, donec Profeſſionem, qui ſtudijs abſolutis Profeſſus, & tria Vota qui Coadiutor, & tria itidem Vota cum ſua promiſſione qui Scholaſticus approbatus eſt futurus, emitat. quod ideo fit, ut utrinque maiori cum claritate, & cognitione in Domino Noſtro procedatur, & vt quanto fuerit magis probata ſingulorum conſtantia, tanto ſtabiliores, ac firmiores ſint in diuino ſeruitio, & uocatione prima, ad gloriam, & honorem diuinæ Maieſtatis.

DE QUIBUS DAM CASIBVS,

quos interrogari oportet, an acciderint

his, qui in Societatem ingredi

petunt. Cap. II.

¶

- 1 **E**X ijs casibus, de quibus honestas ob causas omnes interrogari oportet, 1. Primus est, recessisse à gremio sanctæ Ecclesiæ, fidem abnegando, vel in errores contra ipsam sic incurrendo, ut damnatus ob aliquam propositionem hæreticam quis fuerit; vel ut suspectus hæresis per sententiam publicam declaratus; vel si infamis ob excommunicationem tamquam schismaticus, spreta auctoritate & providentia sanctæ matris Ecclesiæ, extiterit.
- 2 Secundus est, homicidium aliquo tempore perpetrasse, vel publicè infamem propter enormia peccata fuisse.
- 3 Tertius est, habitum sumplisse alicuius Religionis Fratrum, vel Clericorum; vitam aliquamdiu in Obedientia cum eis agendo, siue emissâ, siue non emissâ Professione; vel heremitam cum vestibus monachalibus fuisse.
- 4 Quartus est, vinculo matrimonij consummati, vel servitutis legitimæ ligatum esse.
- 5 Quintus est, infirmitatem pati, unde obscurari, vel partim sanum iudicium ei reddi solet; vel dispositionem notabilem ad huiusmodi infirmitatem habere.
- 6 Prædicti casus impedimenta sunt, cum quo-

rum

rum aliquo nemo in Societatem admitti potest: cum nobis in Domino videatur (præter alias causas) quod qui in eam sunt ingressuri ad bene & fideliter euangelizandum, & in agro Domini verbum diuinum seminandum, eo aptiora ad id instrumenta erunt, quo minus primi, & secundi defectus notam habuerint, propter consuetam multis & communem infirmitatem.

Cum tertio etiam non admittuntur, quod nobis in Domino videatur, cum, qui bonus Christianus sit, debere firmum esse in sua prima vocatione, præsertim cum illa tam sit sancta, in qua scilicet quis, vniuerso sæculo relicto, se totum dedicat maiori seruitio, & gloriæ sui Creatoris & Domini. Postremo sic nobis persuademus (præterquam quod maior sit futura ædificatio proximorum) eo melius in Domino, ipsius gratia aspirante, conseruari posse omnes Professos, Coadiutores, atque Scholasticos, quo magis liberi fuerint ab huiusmodi impedimentis, ac veluti vnius coloris, & similitudinis omnes.

Nullus etiam admittitur cum duobus vltimis impedimentis. Nam quartum esset cum detrimento proximorum, si vxoris, vel domini consensus non obtineretur, aliæque circumstantiæ, prout ratio iuris exigit, obseruarentur. Quintum etiam in damnum esset non mediocre ipsius Societatis.

- 7 Si aliquod ex his impedimentis in quoquam detegeretur, non est quod vltius in interrogationibus

tionibus procedatur; sed qui Examinatoris officio fungitur, quoad eius fieri poterit, eundem consolando, dimittat: si nullū esset tale, vltcrius examinetur sequenti modo.

DE QVIBVS DAM INTERROGA-

tionibus: ad eos, qui ingredi volunt, an ali-
magis cognoscendos.

Cap. III.

- 1 **A**D maiorem personarū notitiam aliqua sunt interroganda; quibū vere omnino, & sincere respondere oportet: & siquid erit, quod secretum requirat, id obseruabitur, vt par erit, & interrogato placuerit. Incipiendo itaque à nomine, interrogetur primum, Quo nomine vocetur; Quot annos natus sit, Quæ sit eius patria.
- 2 An sit ex legitimo matrimonio, necne: quod si ex illegitimo, quo pacto id sit, interrogetur. Num à progenitoribus iam olim Christianis; an à modernis descendat.
- An aliquis ex eius progenitoribus notatus fuerit, vel declaratus ob aliquem errorem contra nostram Christianam Religionē, & quo modo id sit.
- An patrem habeat, & matrem; & quæ sint eorum nomina: quæ conditio, & officium; & modus viuendi sit illis: & an rerum temporalium penuria premantur: an illarum commoditate potiantur: & quo pacto id habeat.

- 3 Si quo tempore in difficultatem, vel dubium

ali-

aliquod incideret circa æs alienum, vel quòd teneatur subuenire parentibus, vel consanguineis in spiritali, vel corporali, vel quauis alia temporali necessitate constitutis, eos inuifendo, vel alia ratione; num proprio sensu ac iudicio deposito, conscientia, vel iudicio Societatis, vel sui Superioris id velit relinquere, vt cū statuerit ille quod in Domino iustum esse sēferit, ei acquiescat.

- 4 Quot fratres & sorores habeat, & quis eorum sit status, num matrimonij, an alius; Quod officium, aut viuendi modum habeant.
- 5 Num aliquando verba ediderit, quæ ad matrimonium illum obligare videantur, & quo pacto id sit, An habuerit, vel habeat filium aliquem.
- 6 Num habeat æs alienum, aut ciuiles obligationes: quod si habeat, quantæ & quales ea sint.
- 7 Num didicerit artem aliquam mechanicam; Num legere, & scribere sciat: & si scit, probetur quo modo vtrūque faciat, si aliunde non sciretur.
- 8 Num habuerit, vel habeat morbum aliquem occultum, vel manifestum, & qualem; eum speciatim interrogando, num vexationem aliquam stomachi, vel capitis, vel quoduis aliud impedimentum naturale, seu defectum in aliqua sui parte patiatur. & hoc non solum interrogetur, sed, quoad fieri potest, inspiciatur.
- 9 Num aliquos Ordines Ecclesiasticos susceperit. Num aliquam obligationem Voti habeat, quale est peregrinationis, vel aliud quodcunque.
- 10 Quem modum, vel animi propensionem habuerit

buerit in tenera aetate, & postea hucusque ad res
sue conscientiae salutiferas: primum circa oratio-
nem, quoties orare solebat interdum & noctu, qui-
bus horis, qua corporis compositione, quibus ora-
tionibus, & cum qua deuotione vel sensu spirituali.

Quo modo se habuerit circa audiendas Mis-
sas, & alia diuina officia, & Conciones: Quo mo-
do circa lectionem rerum piarum, & bonorum
virorum familiaritatem. Quo modo circa medita-
tionem, vel considerationem rerum spiritualium.

II Interrogetur, an habuerit, vel habeat conce-
ptus aliquos, vel opiniones ab ijs differentes, quae
communius ab Ecclesia, & Doctoribus ab eadem
approbatis tenentur: & si quando huiusmodi opi-
niones animum subierint, num paratus sit ad iudi-
cium suum submitendum, sentiendumque, vt fue-
rit constitutum in Societate de huiusmodi rebus
sentire oportere.

12 Interrogetur, an quibusuis in serupulis, vel
difficultatibus spiritualibus, vel alijs quibuscun-
que, quas patiatur, vel aliquando pari contigerit,
se diiudicandum relinquet, & acquiescet aliorum
de Societate, qui doctrina, & probitate sint prae-
diti, sententijs.

13 An omnino decreuerit seculum relinquere, &
consilia Domini Nostri IESU Christi sequi,
Quam dudum decreuerit, in genere scilicet,
mundo renunciare. Postquam id apud se statuit,
an in ea animi sententia remissior factus fuerit,
& quatenus, A quo tempore desideria haec renun-
ciandi

ciandi seculo, & consilia Christi Domini Nostri
sequendi suboriri ei coeperint; vel quibus signis,
aut causis ad id mouentibus, ei in mentē venerint.

14 Num deliberatum habeat animi propositum
viuēdi, & moriendi in Domino cum hac, & in hac
Societate I E S V Creatoris, & Domini Nostri;
& à quō tempore, vbi, & per quem primum ad
id motus fuerit.

Si negaret se à quoquam de Societate motum
fuisse, progrediendum erit vltcrius: si affirmaret
se fuisse motum (quamuis licite, & cum merito
moueri potuisset) ad maiorem tamen ipsius vti-
litatem spiritualem fore videtur, si tempus ei ali-
quod præscribatur; vt ea de re cogitando, Cre-
tori & Domino suo se totum commendet; perin-
de ac si nullus de Societate ipsum mouisset; vt
maiori cum robore spiritus procedere ad maius
obsequium & gloriam diuinæ Maiestatis possit.

15 Si post huiusmodi considerationem senserit ac
iudicauerit sibi valde conuenire Societatis ingres-
sum ad maiorem laudem & gloriam Dei, &
vt melius salutis, & perfectioni tum ani-
mæ suæ, tum proximorum suorum
incumbat; & postulauerit in
eandem nobiscum in Do-
mino admitti, tunc vl-
terius in examine
procedi po-
terit.

DE REBUS QUIBUSDAM QUAS
 præcipue scire eos conuenit, qui in Socie-
 tatem admittuntur, ex ijs, quas
 in ipsa obseruare debent.

Cap. IIII.

1 **P**roponatur illis, quod hæc mens fuerit co-
 rum, qui primi in hanc Societatem conuene-
 runt, vt in ea ij admitterentur, qui seculo renun-
 ciaissent, & Dei seruitio se omnino mancipare si-
 ue in hac, siue in alia Religione statuissent. Quo-
 circa quicumque Societatem ingredi uolent, an-
 tequam in Domo aliqua, vel Collegio eius uiue-
 re sub Obedientia incipiant, debent omnia bona
 temporalia, quæ habuerint, distribuere, & renun-
 ciare ac disponere de ijs, quæ ipsis obuenire pos-
 sent: Eaque distributio primum in res debitas, &
 obligatorias, siquæ fuerint (& tunc; quam citissi-
 me fieri potest, prouidere oportebit). Si vero ta-
 les nullæ fuerint, in pia & sancta opera fiet, iux-
 ta illud; Dispersit; dedit pauperibus; Et illud
 Christi; Si vis perfectus esse, uade, & vende om-
 nia, quæ habes, & da pauperibus, & sequere me:
 Dispensando tamen hæc bona iuxta propriam de-
 uotionem, & à se omnem fiduciam subinouendo
 eadem ullo tempore recuperandi.

2 Quod si statim propter aliquas honestas causas
 bona non relinquet, promittat se prompte relictu-
 rum omnia (vt dictum est) post vnum ab ingressu
 absolutum annum, quandocunq; per Superiorem
 iniun-

iniunctum ei fuerit in reliquo tempore probationis, quo completo, ante professionem Professi, & ante tria Vota publica Coadiutores re ipsa relinquere; ac pauperibus (vt dictum est) dispensare debent, vt consilium Euangelicum, quod non dicit, Da consanguineis, sed pauperibus, perfectius sequantur; & vt melius exemplum omnibus exhibeant, inordinatum erga parentes affectum exuendi, & incommoda inordinatæ distributionis, quæ à dicto amore procedit, declinandi; atque vt ad parentes, & consanguineos recurrendi, & ad inutilem ipsorum memoriam aditu præcluso, firmiter & stabilius in sua vocatione perseuerent.

- 3 Si tamen dubitaretur, num maioris foret perfectionis dare vel renunciare consanguineis huiusmodi bona, quam alijs, propter parem, vel maiorem ipsorum penuriam, & iustas alias ob causas; nihilominus ad declinandum errandi in huiusmodi iudicio periculum, quod ab affectu sanguinis solet proficisci, contenti esse debebunt negotium hoc arbitrio vnus, duorum, aut trium, qui vita & doctrina commendentur, quos vnusquisque cum Superioris approbatione elegerit, relinquere, & in eo conuiuiscere, quod illi perfectius, & ad maiorem Christi Domini Nostri gloriâ esse censebunt.

Interrogetur itaque, num placeat ei statim (sicut dictum est) bona sua distribuere; vel certe, num paratus sit ad huiusmodi distributionem, quandoque exacto primo anno per Superiorem ei fuerit iniunctum.

4. Admoneantur, quod post ingressum in Domum nemō pecuniam apud se, nec apud amicum aliquem externum in eodem loco habitantem, habere potest; quin potius eam in pia opera dispenset, vel asseruandam ei tradat, cui cura huiusmodi Domi commissa est: Qui quidem, quidquid unusquisque feret, scribendum curabit; ut id sciri possit, si quando scitu opus fuerit.

Interrogentur itaque, num aliquam habeant pecuniam, & an eam dispensare. (ut dictum est) sint contenti.

5. Admoneatur itidem, si Ecclesiastici sint, quod postquam in Societatis corpus ut Professi, vel Coadiutores cooptati fuerint, nulla ecclesiastica beneficia possunt retinere: & quod tempore probationis, post primum annum absolutum (ut superius diximus) quando cunque Superiori visum fuerit, ea relinquere debent, iuxta suam deuotionem, vel ei, qui contulit resignando, vel ad pia opera applicando, vel alioqui dignis viris, quibus hæc instrumenta sint ad Dei obsequium, conferri curando. Quod si consaguineis conferenda esse viderentur, id non facient, nisi ab vno, duobus, aut tribus (ut superius dictum est) iudicetur, quod id magis conueniat, & ad maius Dei obsequium sit futurum.

6. Cum autem communicatio, quæ cum amicis, & sanguine iunctis verbo, aut scripto sit, potius ad quietis perturbationem, quam ad eorum qui spiritui vacant profectum, præsertim in initijs, facere soleat, Interrogentur, num contenti sint

cum

cum huiusmodi non communicare; nec litteras accipere; nec scribere; nisi aliqua occasione Superiori aliter videretur: Et quando Dominus fuerint, munus contenti sint, ut videantur litteras omnes; & que ipsis scribentur; & quas ipsi alijs scribent; et cui huiusmodi munus commissum est; cura relicta; ut eas det, vel non det, quemadmodum in Domino Nostro magis expedire iudicabit.

7. **¶** Vnusquisque eorum, qui Societatem ingrediuntur, consilium illud Christi sequendo; Qui dimiserit patrem, &c. existimet sibi patrem, matrem, fratres, & sorores; & quidquid in mundo habebat; relinquendum: immo sibi dictum existimet verbum illud; Qui non odit patrem, & matrem, in seipso & animam suam, non potest meus esse discipulus.
- ¶** Et ita curandum ei est, ut omnem carnis affectum erga sanguine iunctos exuat; ac illum in spiritualem conuertat: eosque diligat eo solum amore, quem ordinata charitas exigit, ut qui mundo ac proprio amori mortuus, Christo Domino Nostro soli uiuat; eumque loco parentum, fratrum, & rerum omnium habet.

8. **¶** Ad maiorem in spiritu profectum, & precipue ad maiorem submissionem & humilitatem propriam interrogetur, an contentus sit futurus, ut omnes errores, & defectus ipsius, & res quaecunque, quae notate in eo & obseruatae fuerint, Superioribus per quemuis, qui extra confessionem eas accepit, manifestentur.

Num, etiam boni sit consulturus (quod & ipse, & cuius alius facere debet) ab alijs corrigi, & ad aliorum correctionem iuuare; Ac num manifestare sese inuicem sint parati debito cum amore, & charitate ad maiorem spiritus profectum; præsertim ubi à Superiore, qui illorum curam gerit, fuerit ita præscriptum, aut interrogatum, ad maiorem Dei gloriam.

9 Præterea antequam quisquam in Domum, uel Collegium ingrediatur, uel postquam ingressus fuerit, sex experimenta præcipua, præter alia multa, de quibus ex parte inferius dicitur, requiruntur. Poterunt ea tamen anteponi, & postponi, & moderari, & aliquo in casu auctoritate Superioris, habita ratione personarum, temporum, & locorum, tum ceterorum quæ occurrerint, in alia permutari.

10 Primum est, in spiritualibus exercitijs, mensem unum plus minus uersari; id est, tum in examinanda conscientia, & anteacta uita recogitanda, & confessione generali facienda, ac peccatorum suorum meditatione, tum in contemplatione rerum ac mysteriorum Vitæ, Mortis, Resurrectionis, & Ascensionis Christi Domini Nostri; tum etiam in oratione uocali & mentali iuxta cuiusq; captum, prout in Domino edocti fuerint, se exercere.

11 Secundum est, seruire in uno, uel pluribus Xenodochijs per mensem alium, ibidem cibum capiendo, & dormièdo; uel per aliquam, uel plures horas quotidie pro temporum, locorum, & personarum ratione auxilium, & ministerium omnibus

agris, & sanis prout iunctum eis fuerit, impen-
dendo: ut magis se demittant, & humilient, ac eo
ueluti argumento demonstrent se prorsus ab hoc
seculo, eiusq; pompis ac uanitate recedere: ut om-
nino suis Creatori & Domino pro ipsorum salute
cauic fixo seruiant.

12 Tertium est, peregrinari mensem alium sine pe-
cunia: immo suis temporibus ostium pro Chri-
sti amore mittere; ut possint ad incomodi-
tatem comedendi, & dormiendi assue fieri: atque
adeo ut omni spe illa abiecta, quam in pecunijs,
& rebus alijs creatis possent constituere, integre
uera cum fide & ardenti amore eam in suo Crea-
tore & Domino constituent. Vel utrumque men-
sem ministerio Hospitalium, uel aliorum eorum,
aut etiam utrumque peregrinationi prout Super-
iori usum fuerit, impendant.

13 Quartum est, post ingressum in Domum, dom-
inam diligentia, & sollicitudinem uarijs officijs
abiectis, & humilibus se exercere, bonum sui exem-
plum in omnibus exhibendo.

14 Quintum est, doctrinam Christianam, uel ali-
quam eius partem pueros, & alios rudiores homi-
nes publice, uel priuatim, & prout occasio se ob-
tulerit, & in domino commodius usum fuerit, &
iuxta personarum proportionem debere.

15 Sextum est, postquam in probationibus bonæ
ædificationis speciem præbuerint, ulterius ad
prædicandum, uel confessiones audiendas, uel in
utroque se exercendam pro tempore, & loco, &

omnium dispositione progredi.

- 16 **¶** Antequam ingrediantur in secundum annum probationis, quæ fit in Domibus, uel Collegijs, per sex menses omnes uacare huiusmodi sex experimentis debent, & totidem alios diuersis alijs probationibus impendent. Poterunt tamen illa sex experimenta fieri uel in totum, uel ex parte toto probationis tempore, ut aliquando hæc, aliquando illa præcedant; & à Scholasticis quidem uel studiorum tempore, uel post studia absoluta, habita personarum, locorum, & temporum ratione; prout in Domino conuenire videbitur. Illud tamen omnino obseruabitur; ut antequam Professores futuri professionem, & Coadiutores formati tria uota sua publica, licet non solemnia, emittant, duo anni experimentorum, & probationum expleantur; & in Scholasticis, studijs absolutis, præter tempus quo probantur, ut Scholastici approbati censeantur, tertius alius annus, antequam ad professionem, uel in Coadiutores formatos admittantur, in uarijs probationibus, & speciatim in dictis. (si prius illis perfuncti non sunt, immo quamuis perfuncti fuerint) in nonnullis earum, ad maiorem Dei gloriam, exigetur.
- 17 **¶** Quandiu huiusmodi experimenta, & probationes fiunt, nullus dicat ex Societate, se esse; sed potius qui examinatus fuerit ad Professionem, ex parte ipsius Societatis. (quamuis ex parte sua cum indifferentia ad omnes gradus sit ingressus), cum loquendi occasio se obtulerit, dicere debet se in experimentis.

perimentis versari, atque optare se admitti in Societatem, quocunque in gradu ipsa Societas ad gloriam Dei eo vti volet. Si vt Coadiutor examinatus fuerit, dicet se in probationibus adhuc esse, atque optare in gradum Coadiutorum recipi. Simili modo de Scholasticis, & de alijs qui vt indifferentes examinati sunt intelligatur: vt quisque iuxta sui examinis rationem respondeat.

- 18 Circa huiusmodi experimenta diligenter, quod sequitur, est obseruandum; scilicet, vt, vbi aliquis in primo experimento, nempe exercitiorum spiritualium versabitur, is qui illum exercet, ad Superiorem referat, quid de eodem sentiat ad finem Societati præfixum.
- 19 Cum in secundo, seruiendi in Hospitalibus, afferat qui probatur, Gubernatoris testimonium, vel Præfecti eorum, qui inseruiunt Hospitali, de boni nominis odore, quem in eo reliquerit.
- 20 Cum in tertio, peregrinationis, ab ultimo loco, ad quem peruenit, vel non procul ab eo, testimonium ab aliquibus, vel vno certe fide digno secum ferat, quod suam deuotionem sequutus, sine vlla cuiusquam querela eo peruenit.
- 21 Cum in quarto, exercendi se in officijs domesticis humilitatis, pro testimonio erit data omnibus, qui Domi sunt, ædificatio.
- 22 Vbi vero in quinto, de doctrina Christiana, & sexto, de prædicatione, & confessionibus audientis, vel de vtroque munere obeundo, versabitur; eius testimonium erit (si quidem Domi nostræ ha-

bitauerit) & Domesticis accipiendum; & ex ædificatione, quam populus, ubi Domus est, acceperit. Si prædicare, & confessiones audire acciderit alijs in locis extra huiusmodi populum, ac Domum; testimonium afferre debet ab huiusmodi locis, ubi diutius uersatus fuerit, vel à personis publicis. (præcipuam habendo rationem Prælatorum Ordinarios) quæ fidem plane faciant, quod cum doctrina sana, ac bonæ vitæ exemplo, sine cuiusquam offensione, verbum diuinum seminatit, & officio Confessarij functus est.

23 Præter hæc testimonia, poterit Societas, quando id expedire videretur, curare, ut aliunde certior fiat, ut ipsa sibi magis ad Dei & Domini Nostri gloriam satisfaciat.

24 Si huiusmodi testimonia in prædictis experientis non afferrentur, diligenter causa inquirenda erit, curandumque, ut rei totius veritas intelligatur: quo melius omnia, quæ convenient, provideri possint; ut melius bonitati diuinæ, ipsius gratia aspirante, inseruiatur.

25 Præterea postquam domi fuerit, egredi eam sine facultate non debet: & si laicus fuerit, confiteatur oportet, & sanctissimum Sacramentum Eucharistiæ sumat octauo quoque die; nisi Confessatio ali quod esse impedimentum ad communionem videretur. Si Sacerdos est, confitebitur ut minimum octauo quoque die, & crebrius Missæ sacrificium offeret, simul Ordinationes, vel Constitutiones alias Domus (ut in eius Regulis edoctus

erit

erit) obseruabit. Omnes, qui domi sunt, in addiscenda doctrina Christiana se exercebunt, & etiam in prædicatione illi, quibus Superior Domus id faciendum iudicabit; inter quos nullus erit eorum, qui in Coadiutores temporales admissi sint.

- 26 Sui victus, potus, vestitus; & lecti rationem, si Societatem sequi velit, sibi persuadeat fore vt pauperibus accommodatam, quodque quæ viliissima erunt ex ijs, quæ domi sunt, ei tribuentur, propter ipsius maiorem abnegationem, & spirituales profectum; & vt ad quandam æqualitatem & veluti mensuram ab omnibus perueniatur. Cum enim qui primi in Societatem conuenerunt, per huiusmodi indigentiam, ac penuriam maiorem rerum corpori necessariarum probati fuerint; qui post eos accedent, curare debent, vt quoad poterunt, eo pertingant, quo illi peruenierunt; uel ulterius etiam in Domino progrediantur.

- 27 Ad hæc, præter reliquas peregrinationes, & probationes sic declaratas, antequam Professi suam Professionem, & Coadiutores sua uota emittant, & (si Superiori videbitur) Scholastici, antequam approbati censeantur, & Vota sua, ac promissionem superius dictam faciant, per triduum suis constitutis temporibus, uestigia sequendo primorum, de quibus mentionem fecimus, ostiatim pro Christi Domini Nostri amore mendicare debent, ut contra quàm est communis hominum sensus, ad diuinum obsequium & laudem magis se possint submittere, magisque in spiritu proficere, ad gloriam

diuinæ maiestatis: ut etiam magis sint dispositi ad id ipsum faciendum: quando illis iniunctum fuerit, uel conueniens, aut necessarium erit dum per varias mundi partes, iuxta quod eis præscriptum, uel constitutum per Summum Christi Vicarium, uel eius loco per Superiorem Societatis fuerit, discurrent: quandoquidem exigit nostræ professionis ratio, ut parati, & in procinctu simus ad ea omnia, quæ quouis tempore in Domino nobis iniuncta fuerint, nec petendo, nec expectando præmium ullum in præsentī hac, & labili uita, sed eam, quæ undecunque æterna est, ex summa Dei misericordia semper sperando.

18 Et ad particularia quædam descendendo, in probationibus humilitatis, & abnegationis sui, & in exercendis officijs abiectis, & humilibus (cuiusmodi sunt, in culina seruire, domum euerrere, & reliqua omnia seruitia obire) promptius ea suscipi cōuenit, à quibus sensus magis abhorrebit: si quidem iniunctum fuerit, ut in eis se exercent.

29 Cum aliquis ad ministeria culinæ obeunda ingreditur, vel ad eum iuuandum, qui Coquus est, eidem obedire cum magna humilitate, in rebus omnibus ad ipsius officium pertinentibus, debet. si enim ei integram Obedientiam non præstet, nec ulli ex Superioribus, ut videtur, præstaret, quandoquidē vera Obedientia non considerat personam, cui fiat, sed propter quem fiat: & si propter solum Creatorem & Dominum Nostrum fiat, eidem omnium Domino obeditur. Vnde nulla ratione consideran-

defendū est, an sit Coquus, & vel Superior Domus:
an hic, vel ille sit, qui iubet; quandoquidem nec il-
lis, nec propter illos, (sane intelligēdo) vlla Obedi-
tia præstatur, sed soli Deo, & propter solum Deū
Creatorem ac Dominum Nostrum.

30 Ideo melius est, vt Coquus non roget sibi infer-
uientem, vt hoc, aut illud faciat, sed cum modestia
iubeat vel dicat; hoc fac, vel illud: Si enim rogat,
potius vt homo hominem alloqui videbitur: &
Coquum laicum rogare Sacerdotem, vt ollas ab-
stergat, vel res huiusmodi faciat, nec decens, nec ius-
tum videretur: sed si iubeat, vel dicat, fac hoc, vel
illud, significabit magis quod vt Christus homini
loquitur, quandoquidem ipsius loco iubet: atque
ita qui obedit, considerare ac perpendere vocem à
Coquo, vel alio, qui sit ei Superior, egressam debet,
vt si à Christo Domino Nostro egrederetur, vt om-
nino placere diuinæ Maiestati possit.

31 Hoc ipsū in alijs humilibus officijs intelligatur,
quādo aliquis in eis ministerium suum impendit;
atque eodem modo accipiatur in officialibus sub-
ordinatis, qui accepta à Superiore auctoritate Do-
mum gubernant.

32 Aegritudinis tempore non solū obseruare vnus-
quisque Obedientiam magna cum puritate debet
erga Superiores spirituales, vt ipsius animam re-
gant; sed cum eadem humilitate erga Medicos cor-
porales, & infirmarios, vt corpus eius regant; quā-
doquidem illi plenam ipsius sanitatem spirituale,
hi vero corporalem omnino curant. præterea qui
ægrota,

agrorat, humilitatem & patientiam suam præfere
rendo non minorem edificationem, dum morbo
laborat, ijs, qui ipsum inuident, & cum eo versabun-
tur & agent, quam dum valebat corpore, ad maio-
rem Dei gloriam, præstare curret.

33 Ad maiorem firmitatem omnium, quæ sic nar-
rata sunt, & ad maiorem spirituales profectum
eius, qui examinatur, interrogetur, an omnino obe-
dientem se exhibere in omnibus, quæ hic dicta &
declarata sunt, velit, subeundo & adimplendo quas
tuis penitentias, quæ propter defectus, & negligenti-
am suam, vel quiduis aliud fuerint iniunctæ.

34 Re in Domino considerata, visum nobis est in
diuinæ Maiestatis conspectu mirum in modum
conferre, vt Superioribus subditi omnino perspe-
cti sint: quo melius regi & gubernari, & per eos in
viam Domini dirigi possint.

35 Præterea quanto exactius Superiores res omnes
internas, & externas suorum nouerint, tanto ma-
iori cum diligentia, amore, & sollicitudine iuuare
eos, ipsorumq; animas à varijs malis, & periculis,
quæ in progressu possent accidere, conseruare po-
terunt. Cum etiam semper parati esse, iuxta nostræ
professionis rationem, & procedendi modum, ad
discurrendum per has & illas mundi partes debea-
mus; quandocunque per Summum Pontificem, vel
Superiorem nostrum immediatum fuerit nobis
iniunctum; Vt melius secundum Dei voluntatem
huiusmodi missiones fiant, his, & non illis mitteren-
dis; vel his ad hoc munus, illis vero ad alia, non so-
lum

lum refert valde, sed summopere, vt Superior plenam habeat notitiam propensionū, ac motionum animi, & ad quos defectus, vel peccata fuerint, vel sint magis propensi, & incitati, qui sub eius cura sunt: ut eius rei habita ratione, melius ipsos dirigere possit; nec supra mensuram virium suarum in periculis, vel laboribus gratioribus, quam in Domino ferre suauiter possint, Constituat: & etiam vt (quæ audit sub secreti sigillo custodiendo) melius Superior possit ordinare ac prouidere, quæ corpori vniuerso Societatis conueniunt.

36 Ideo quicumque hanc Societatem in Domino sequi volet, & in eadem ad maiorem Dei gloriam manere, priusquam ad primam probationem accedat, vel postquam ingressus fuerit, antequam generaliter examinetur, vel postexamē, intra aliquot menses (si Superiori differendum videretur) sub sigillo confessionis, vel secreti, vel quacūque ratione ei placuerit, & ad maiorem ipsius consolationē fuerit, debeat conscientiam suam magna cum humilitate, puritate, & charitate manifestare, re nulla qua Dominum vniuersorum offenderit, celata: & totius antea vitæ rationem integram, vel certe rerum maioris momenti Superiori, qui tum fuerit Societatis, vel cui ex Præpositis, vel alijs ex inferioribus ille iniungeret, prout magis conuenire videretur, reddat, vt melius omnibus in Domino prospiciatur, ipseque magis in spiritu cum gratia vberiori ad maiorem diuinæ bonitatis gloriā proficiat.

37 Sic igitur progredientes in gratia atque spiritus incre-

incremento, plenoque cum desiderio ingrediendi,
& perseverandi, quoadiu vixerint, in hac Societate;
tantundem facient aliquoties antequam ad profes-
sionem qui Professi, & ad sua Vota qui Coadiuto-
res formati sunt futuri, admittantur; & id, quo se-
quitur modo.

38 ^o Postquam primo aliquis eorum integram vitæ
rationem Superiori Domus reddidit, ab eodem die
inchoando, prioribus, quæ eidem dixit, non repeti-
tis, iterum post semestre proximum plus minus
ei, vel cui à Superiore fuerit constitutum, vitæ ra-
tionem reddet. Deinde à secunda hac ratione inci-
piendo, eodem ordine procedetur; & sexto quoque
mense rationem hanc sui quisque reddet. Ultima
vero circiter triginta dies antequam Professi futu-
ri suam professionem, & Coadiutores sua vota
emittant, reddetur.

39 ^o Scholastici eodem modo procedent, præterquā
quod absolutis suis studijs cum primum rationem
vitæ suæ reddent, ab ultima quam reddiderunt in
Domo unde ad studia missi sunt, vel ab initio vitæ,
si aliqua de causa numquam reddiderūt, incipient.

40 ^o Sic etiam videtur quod Coadiutores formati, &
Professi, si alicubi agent vbi Præpositi alicuius So-
cietatis Obedientiæ subiaceant, singulis annis, vel
crebrius, si Præposito videbitur, suæ conscientiae
rationem dicto modo ab ultima quam reddiderūt
incipiendo, ei reddant.

41 ^o Qui senserit ad omnia quæ dicta sunt, animum
tac vires sibi à Domino dari, ac ad maiorem Dei

glo-

gloriam fore, suæque animæ magis salutiferum, iudicat in corpus huius Societatis admitti, præter litterarum Apostolicarum, & Constitutionum, & reliquorum, quæ ad eius Institutum pertinent, ipso initio; ac postea sexto quoque mense, ut dictum est, considerationem; debet generalem vitæ totius confessionem apud aliquem Sacerdotem à Superiore assignatum propter multiplicem spiritus utilitatem, quæ ea in re deprehenditur, facere. Quod si aliquando generaliter confessus fuerit alicui de Societate, vel in exercitijs spiritualibus, vel extra illa, satis erit generalem confessionem ab alia etiam generali ad id usque tempus inchoare, & post eam Sacratissimum Christi Domini, Nostri Corpus sumere; & sic sexto quoque mense eodem modo generaliter, ab ultima inchoando, confitebitur. Deum continuum puritatis ac virtutum augmentum, & inflammata in Domino desideria multum in hac Societate diuinæ maiestati seruiendi procurando, exactis duobus annis probationis, & se perpetuo obedientem exhibendo, & in sua conuersatione, & varijs experimentis adificationem præbendo, ac penitencias pro erratis, & negligentijs, & defectibus iniunctas magna cum humilitate subeundo, si & ipse, & Societas, uel Superior Domus contenti fuerint, in Societatis corpus admitti poterit. consideratis prius litteris Apostolicis, & Constitutionibus, & confessione generali peracta, ut superius est dictum; quam ut melius instituat, seseque in sua prima deliberatione confirmet, per unius heb-

hebdomadae (spatium se colligendo) & aliqua spūi-
tūalia exercitia ex iam factis, vel alijs, faciendo, po-
stermo suam oblationem, ac Vota suae solemnīa
sint in Professis, sine simplicia in Coadiutoribus,
& Scholasticis, quemadmodum in Constitutioni-
bus declarabitur, ad maiorem Dei gloriam, uberio-
remque fructum animae suae, emittat.

42. Admonentur, quod Votis huiusmodi emissis,
iuxta tenorem litterarum Apostolicarum, non pos-
sint ipsi ad alias Religiones sine facultate à Sup-
riore Societatis concessa transire.

43. Quod si exacto probationis tempore, contentus
quidem ipse est, & exoptat sic ad Professionem, vel
in Coadiutorem, vel in Scholasticum admitti, ne-
tamen dubitare Societas de ipsius talento, vel mori-
bus, securus uti in alium annū, vel tempus, quod
videbitur, ad prorogandum donec utrique parti plene
in Domino sit satisfactum.

44. Praeterea diligenter animadvertant oportet, qui
examinantur (magnificando, summiq; momenti
esse ducendo in conspectu Creatoris ac Domini
Nostri) quanto opere iussit ac conferat ad vitae spūi-
tualis profectum, omnino, & non ex parte abhor-
rere ab omnibus, quae mundus amat, & amplecti-
tur, & admittit, & eo cupiscere totis viribus quid-
quid Christus Dominus Noster amavit, & ample-
xus est. Quemadmodum enim quidam homines,
qui ea, quae spūm sancti sunt, sequuntur, diligūt, & qua-
runt magna cum diligentia honores, famam, ma-
gni nominis existimationem in terra, sicut mun-
-

us

dus eos edocet: sic qui procedunt in spiritu, & se-
 rio Christum Dominum Nostrum sequuntur, amant
 & ardenter exoptant quæ ijs omnino contraria sunt;
 indui nimirum eadem veste, ac insignibus Domi-
 ni sui, pro ipsius amore ac reuerentia; adeo ut si se-
 ne offensione vlla diuinæ maiestatis, & absq; pro-
 ximi peccato foret, vellent contumelias, falsa testi-
 monia, & iniurias pati, ac stulti haberi & existima-
 ri (nulla tamen ad id per eos data occasione) eo
 quod exoptant assimilari, ac imitari aliquo modo
 Creatorem ac Dominum Nostrum I. E. S. V. M.
 Christum; cuiusque vestibus & insignibus indui
 quandoquidem illa ipse propter maiorem profes-
 sum nostrum spirituales induit, nobisque exem-
 plum dedit, ut in omnibus, quoad eius fieri pote-
 rit, diuina gratia aspirante, eum imitari, & sequi, cū
 vera sit via, quæ ducit homines ad vitam, uelimus.
 Igitur interrogentur, an huiusmodi desideria tam
 salutaria, & ad perfectionem animarum suarum
 tam fructuosa in se sentiant.

- 45 Quod si quis propter humanam nostram debi-
 litatem ac miseriam, in se huiusmodi tam inflami-
 mata in Domino desideria non sentiret; interroge-
 tur an certe desiderium in se sentiat, huiusmodi de-
 sideria sentiendi. Si affirmando responderit, opta-
 re se nimirum huiusmodi tam sancta desideria ani-
 mo concipere, quo melius ad eorum effectum per-
 ueniat; interrogetur, an decreuerit, paratusq; sit
 huiusmodi iniurias, illusiones, & opprobria in
 Christi insignibus inclusa, & alia quæuis, quæ ei
 infer-

inferrentur siue per quemq; ex Domo, vel Societate (in qua obedire, & humiliari, ac a se ipsis beatitudinem consequi exoptat) siue extra eam per quemvis viuentium, nulli malum pro malo, sed bonum pro malo reddendo, admittere; & patienter cum Dei gratia ferre. *ut in hunc modum*

46 *ut* melius ad hunc perfectionis gradum in spiritali vita tam preciosum perueniatur, cuius maior ac impensus studium sit, quærere in Domino maiorem sui abnegationem; & continuam in rebus omnibus, quoad poterit, mortificationem. Nō struam autem erit in eisdem iuxta gratiam, quam Dominus nobis conferre ad suam maiorem laudem ac gloriam dignabitur, eum iuuare.

DE ALIO EXAMINE AD PARTICULARIA aliquanto magis descendente, quod eruditus, & Coadiutoribus spiritualibus, & Scholasticis conuenit. *Cap. V.*

1. **Q**UO melius intelligi, atque cognosci queat quæ ad huiusmodi homines spectant; vnusquisque eorum interrogetur: Vbi studuerit; Quam facultate; Quibus auctoribus ac doctrinarum deditus; Quantum temporis studiis impenderit; Quam tumq; suo iudicio profecerit, ac nominatim; Quam sit ei familiaris Latina lingua.
2. **AN** ad gradus Artium liberalium, vel Theologiae, vel Iuris Canonici, vel alterius cuiusvis facultatis sit promotus.

An exi-

- 3 An existimet se memoria ad bene capiendum, & retinendum quod didicerit, esse præditum.
 An sibi videatur pollere intellectu, qui cito, ac bene penetret ea, quibus studuerit.
 An in se propensionem naturalem, aut voluntariam ad studia sentiat.
- 4 An existimet studia sanitati sui corporis aliquid detrimenti attulisse.
 An vires sibi corporales, & spirituales suppetere sentiat ad labores qui in Societate requiruntur ferendos, siue in studijs, quandiu illis vacat, siue in vinea Domini, cum in ea laborandum est.
- 5 Si Sacerdos fuerit, An se in audiendis confessionibus, vel in prædicatione, vel alijs ministerijs ad proximum inuandum exercuerit.
- 6 Cum ad huiusmodi officium ac ministerium diuini verbi seminandi, & spirituali proximorum auxilio attendendi, litterarum bonarum sufficiens eruditio requiratur, & Scholasticos etiam aliquod sui profectus in litteris quibus studuerunt specimen præbere oporteat, omnes examinentur. quod fiet, si quisque lectionem vnā in quauis facultate cui operā dederit, prælegat; & postea exhortationem vnā quisque (idque ante egressum à prima probatione) faciat: & postea in secundam ingrediendo, si ei fuerit iniunctum, vt inferius dicetur, hoc ipsum faciet.
- 7 Præterea intelligat (si Sacerdos est, vel quando-
 cunque promotus ad Sacerdotium fuerit) quod confessiones nec Domi, nec foris audire, nec vlla Sa-

cramēta ministrare sine peculiari probatione, ædificatione, & facultate sui Superioris per totū probationis tempus debet: sed nec publice Missam dicere debet, donec coram aliquo, vel pluribus domesticis priuatim eam dicat, & admoneatur, vt in modo dicēdi conueniat cum alijs de Societate inter quos agit, & se ad ædificationem eorum qui illā sunt audituri, componat.

- 8 — Ad maiorem humilitatē & perfectionē eruditorum Coadiutorū spiritualium, & Scholasticorum, si de eo qui in Societatē est ingressurus dubitatur an idoneus sit futurus, vt ad Professionem, vel in Coadiutorem spiritualement, vel Scholasticū eius admittatur; cum id tanquam certissimum statuatur, quod multo melius & perfectius sit, vt ipse iudicari, & regi se à Societate sinat; quandoquidē non minus, quā ipse, quod exigitur, vt in ea maneat, Societas intelliget, ipsi vero maiori humilitati, & perfectioni tribuetur, maioremq; dilectionē, ac fiduciā in his, à quibus est gubernādus, ostendet; interrogetur, an velit proprium sensū, ac iudicium Societati submittere, vel eius Superiori; ita vt acquiescat eius sententiā; siue inter eos illum constituat, qui in Societate professionem emittunt, & Christi Domini Nostri Vicario obligantur, siue inter Coadiutores, siue inter Scholasticos Societatis; in studijs vltcrius progrediendo. Interrogetur vltcrius, si Superior vellet semper eundem solum vt Coadiutorem in rebus exterioribus Societatis curandis occupari, ac sic in suæ animæ salutem incumbere; an para-

paratus sit in humilibus, & infimis officijs se exercere, vitamque omnem in vtilitatem, & auxilium eius exigere; sibi persuadendo, quod dum ei inseruit, Creatori ac Domino suo (pro cuius amore, & debita reuerentia omnia facit) inseruit.

DE ALIO EXAMINE AD SOLOS
Coadiutores accommodato.

Cap. VI.

- I **A**D maiorem rei notitiã declaretur unicuique; ex huiusmodi Coadiutoribus latius, quod in initio attingebatur; Quod scilicet in hanc Societatem Coadiutores spirituales, & temporales admittuntur; Spirituales quidẽ, qui Sacerdotes sunt, & litteris sufficienter ornati, vt in rebus spiritualibus Societatem iuuent: Tẽporales vero ad sacros Ordines non promoti, cum litteris, vel sine illis, in rebus externis quę neccessarię sunt, possũt iuuare.
- 2 Priorum magis proprium est, Societatem in audiendis confessionibus, in exhortationibus, in Doctrina Christiana, & alijs litteris edocendis iuuare: His Vero eadem gratiã ad animarum auxilium communicari possunt, quã Professis ipsis solent.
- 3 Posteriorum magis est proprium (licet possint in rebus maioribus pro talenti eis à Domino concessi ratione occupari) vt in ministerijs omnibus inferioribus, & humilioribus, quã ipsis iniungentur, se exercent; persuasi quod Societatem iuuando, quo melius illa saluti animarum uacare possit,

eidem omnium Domino seruiant: quandoquidem propter diuinum ipsius amorem ac reuerentiam id faciunt. Ideo prompti esse cum omni humilitate, & charitate, quoad fieri poterit, debent ad officia, quæ eis credita fuerint, exacte obeunda. Quo fiet, vt non solum mercedem suam integram habeant, sed participes sint omnium bonorum operum, quæ Deus per vniuersam Societatem ad obsequium & laudem suam operari dignabitur, & omnium indulgentiarum, & gratiarum, quæ Professis ad suarum animarum bonum à sede Apostolica concessæ fuerint.

- 4 Et nihilominus eniti debent in colloquijs spiritualibus, ad maiorem vtilitatem spirituales proximorum aliquid conferre, & quod nouerint, docere, & ad bene agendum, quoscunq; poterunt (quandoquidem unicuique Deus proximi sui curam dedit) excitare.

- 5 Siquis instructus & examinatus fuerit, vt sit futurus spiritualis Coadiutor, sic vacare debet rebus spiritualibus, quæ cum sua prima vocatione proprie sunt coniunctæ, vt in posterum directe, uel indirecte per se, uel alium innouare, aut mutationem aliquam à sua vocatione in aliam, scilicet à gradu Coadiutoris spiritualis ad Professi, vel Scholastici, vel Coadiutoris temporalis gradum, tentare non debeat: sed cum omni humilitate, atque Obedientia incedere ac progredi eadem via, quæ ipsi ab eo qui nescit mutationem, & in quem illa non cadit, ostensa est.

- 6 Eadem ratione si quis examinatus, & instructus fuerit, vt sit futurus Coadiutor temporalis, sic se totum rebus, quæ cum sua prima vocatione proprie sunt coniunctæ, addicat, vt non curet vlla ratione à statu Coadiutoris temporalis, in statum spiritualis, vel Scholastici, aut Professi progredi; nec etiam (si in suo eodem maneat) plus litterarum addiscere quam sciebat cum est ingressus, curet: sed perseuerare magna cum humilitate debet, in omnibus Creatori ac Domino suo iuxta primam suam vocationem inseruiendo, ac solícite in abnegationis sui ipsius profectum, & verarum virtutum studium incumbendo.
- 7 Interrogentur huiusmodi, vt de re propria suæ vocationis, an contenti, & quieti sint futuri in obsequio Creatoris & Domini sui in officijs, ac ministerijs abiectis, & humilibus ad auxilium Domus, & Societatis pertinentibus, cuiuscunque rationis illa sint, parati ad vitam omnem in eis exigendam, sibi persuadendo quod ea in re obsequium, & laudem præstant suo Creatori & Domino, dum omnia propter diuinum ipsius amorem, & reuerentiam agunt.
- 8 Omnes Coadiutores tam spirituales, quam temporales exacto biennio, quod experimentis & probationibus datur, & vno adhuc anno, si Scholastici fuerint (vt prius est declaratum) si velint in Societate manere, & ipsa, vel Superior eius contentus fuerit, oblationem suam trium Votorum facient (quæ publica, licet non solemnia sint iuxta lit

teras Apostolicas Iulij III.) Obedientiæ, Paupertatis, & Castitatis, vt initio diximus; & exinde Coadiutores formati vel spirituales, vel temporales, censendi sunt; ita, vt ex parte ipsorum ligati ad semper viuendū, & moriendum in Domino in hac Societate, ad diuinæ Maiestatis gloriam, maiusq; meritum & stabilitatem propriam maneant. nihilominus Societas, vel eius Superior, qui commune bonum debet intueri, cum eorum opera ad maius Dei obsequium se non iuuari, sed contra potius accidere cerneret, eos dimittere, & à sua congregatione separare potest: & tunc illi omnino liberi, nulloque Voto obstricti remanent.

DE ALIO EXAMINE SCHOLASTicis accommodo, ac in primis antequam in Scholasticos admittantur.

Cap. VII.

I Experimentis & probationibus prædictis absolutis, si Scholastici voluerint studere in Collegijs, vel Domibus Societatis, vt in eis in Domino sustententur, si Societas, vel eius Superior contentus etiam fuerit, antequam ad studia se conferant, vel dum in eisdem manebunt, ob suum maius meritum, ac stabilitatem Vota simplicia Paupertatis, Castitatis, & Obedientiæ, ac promissionem, quod studijs absolutis in Societatem ingredientur, Deo ac Domino Nostro facient. Sic autem intelligendus est huiusmodi ingressus, ut professionem

feſſionem uel Vota Coadiutorum formatorum (ſi Societas eos admittere uolet) emittant;& exinde Scholaſtici approbati Societatis cenſeantur. libera tamen manebit Societas, nec tenebitur ad eos admittendos ad profeſſionem, nec in Coadiutores formatos, ſi ſtudiorum tempore male ſe gererent, adeo ut Superior Societatis exiſtimaret Deo gratum non fore, ſi in eam admitterentur;& tunc ipſi etiam ſuis Votis ſoluti erunt.

2 Si quando ſtudiorum tempore, qui maiorem ad ea propenſionem animi præ ſe tulerunt, quam ad aliud in Societate miniſterium, oſtenderent ac certum indicium præberent, unde Societas, uel eius Superior in Domino ſentiat eos idoneos non eſſe, ut in litteris proficiant, eo quod ingenio, uel ſanitate corporis deſtituantur, uel alijs defectibus laborant, interrogentur an patienter ſe dimitti à Societate, dum ab omni Voto ac promiſſione liberi maneant, ſint laturi.

3 Qui ad ſtudia litterarum idoneus inuenietur, interrogetur an uelit ſe duci ſinere circa ea, quibus ſtudere debeat, ac ſtudiorum modum, & tempus, iuxta quod Societati, uel eius Præpoſito, aut Collegij, ubi daturus eſt litteris operam, Superiori uidebitur.

4 An contentus futurus ſit eodem atque alij modo ibi agere, nulliſque priuilegijs aut prærogatiuis minimū omnium, qui in Collegio fuerit, anteire, omnem ſui curam Superiori Collegij relinquēdo.

5 An ſtatuert omnino apud ſe, ſtudijs abſolutis,

ac probationibus peractis, Societatem ad viuendū in ea, & moriendū, ingredi, ad maiorē Dei gloriā.

- 6 Sic examinatus, & instructus se accingere incipiet, vt ad studia se conferat, vel ea prosequatur; paratus interim in eisdem studijs, alijs experimētis, & probationibus varijs exerceri; quibus si non fuerit propter causas aliquas legitimas, ac sine aliquo bono prae oculis habito, antequam ad studia mittatur, perfunctus, eis confectis, omnia experimenta, & probationes superius declaratas subibit.

PRO SCHOLASTICIS

qui studia iam absoluerunt.

- 7 Scholastici studijs iam confectis, antequam in Societatem, vel eius Domos ingrediantur, vt in eadem ad omnimodam Obedientiam, ac communem viuendi in Domino modum admittantur, generatim interrogandi sunt, an firmi in sua deliberatione, & Votis ac promissione Deo oblatis antequam ad studia se cōferrent, vel in eisdem, si quidē admissi primo fuerint in Collegijs, permaneant.
- 8 Interrogentur etiam, & examinentur particulatim eisdem interrogationibus, & examine, quo priusquam ad studia mitterentur, interrogati fuerunt; vt Superioribus memoria ac nōtia eorum renouetur, ac melius pleniusque stabilitas, & constantia, vel etiam mutatio, si aliqua accidisset in rebus primo interrogatis & affirmatis, cognoscatur.

DE ALIO EXAMINE

indifferentibus accommodo;

Cap. VIII.


- I **A**D maiorem illius notitiam, qui vt indifferens examinandus est, ut omni ex parte cum maiori cognitione & luce in Domino procedatur, instruendus idem erit, & admonendus quod nullo tempore, nec ratione potest, nec debet prætere, nec tentare directe, nec indirecte potius hunc, quam illum gradum in Societate; nimirum non potius Professi, vel Coadiutoris spiritualis, quam Coadiutoris temporalis, vel Scholastici: quin potius perfectæ humilitati, ac Obedientiæ locum dando, omnem sui ipsius curam, & ad quod officiū, vel gradū sit eligendus, suo Creatori & domino, ac eius nomine, & pro ipsius amore ac reuerentia ipsimet Societati, vel eius Superiori debet relinquere.
- 2 Postquam sic fuerit admonitus, interrogetur an se omnino sentiat indifferentem, quietum, & paratum ad inferuendum Creatori ac Domino suo in quouis officio, vel ministerio, quod ei Societas, vel eius Superior commiserit. Interrogetur etiam, si Societas, vel eius Superior illum vellet vacantem quidem animæ suæ salutem ad officia tantum inferiora & humilia semper applicare, an se paratum sentiat ad vitam omnem in huiusmodi officijs inferioribus, & humilioribus in auxilium, ac ministerium Societatis exigendam; existimando, quod
- ca in

ea in re obsequium, & laudem præstat Creatori suo ac Domino, dum omnia ob ipsius amorem & reuerentiam agit.


- 3 Cum omnino ei placuerint omnia in Domino, quæ dicta sunt; instrui poterit, & examinari de reliquis, iuxta aliquod Examen ex prædictis, vel omnia illa, prout magis conuenire videbitur; ut utrique parti in omnibus satisfiat, ac maiori cum claritate procedatur: quandoquidem omnia instituta, & ordinata sunt ad maius obsequiũ, & laudem Dei & Domini Nostri.

F I N I S.


L A V S D E O.



CONSTITUTIONES.



PROOEMIUM

I  **VAMVIS** summa Sapientia, & Bonitas Dei Creatoris Nostri ac Domini sit, quæ conseruatura est, gubernatura, atque promotura in in suo sancto seruitio hanc minimam Societatem IESV, vt eam dignata est inchoare; ex parte vero nostra, interna Charitatis & amoris illius lex, quam Sanctus Spiritus scribere, & in cordibus imprimere solet, potius quam vllæ externæ Constitutiones, ad id adiutura sit; quia tamen suauis dispositio diuinæ prouidentiae suarum creaturarum cooperationem exigit, & quia Christi Domini Nostri Vicarius ita statuit, & Sanctorum exempla, & ratio ipsa nos ita docet in Domino, necessarium esse arbitramur Constitutiones conscribi, quæ iuuent ad melius in via incepta diuini obsequij procedendum, iuxta Instituti nostri rationem.

2 Quamuis primum illud sit, & maximi momenti in

ti in nostra intentione, quod ad corpus vniterſae
Societatis ſpectat, cuius vnio, & bonum regimen,
& conſeruatio in ſuo bono ſtatu ad maiorem Dei
gloriam in primis quaeritur; quia tamen corpus
hoc ex ſuis membris conſtat, & in ipſa executione
primo loco occurrit, quod ad ſingulos ſpectat, tam
in ipſis admittendis, quam in promouendis,
ac deinde per vineam Chriſti Domini

Nostri diuidendis; hinc exordium

ſumetur eo fauore quem

lux aeterna nobis ad

honorem &

laudem ſuam conferre

dignabitur.



PRIMA PARS

CONSTITUTIONVM.

De Admissione ad Probationem.

DE EO, QUI ADMITTENDI

facultatem habet. Cap. I.

1 **F**ACULTAS admittendi ad Probationem, quorum, & quanta sit, iudicio Præpositi Generalis relinquatur, qui in ea communicanda considerabit; quid ad maius seruitiū Dei ac Dñi Nostri conueniat.

2 Quando aliquis, qui idoneus videatur ad nostrū Institutum sequendum, ad eum accederet, qui huiusmodi admittendi potestatem non habet, mittere eum poterit ad illum, penes quem ea sit, vel scribere ei, significando qualis ille sit, & quibus præditus Dei donis qui admitti petit; & exequatur quod ei in Domino præscriptum fuerit: si quidem ille in absentia id præscribendi facultatem habebit,

3 Quia refert plurimum ad diuinum seruitiū, conuenientem haberi delectum eorum qui admittuntur, & diligentiam adhiberi, vt intelligatur quæ eorum sint dotes & vocatio; qui talem admittendi facultatem habet, si per seipsum id ipse non præstet, habeat in ijs qui assidue apud se agunt, aliquem, cuius opera vtatur ad cognoscendum eos, qui ingrediuntur, ad agendum cum illis, eosq; examinan-

minandum; qui quidem prudentiâ præditus sit, & non ignoret agendi modum, qui cum tam varijs generibus & conditionibus personarum est tenendus: ut maiori cum intelligentia, & vtriusque partis satisfactione negotiû ad Dei gloriâ transigatur.

- 4 Tam ille, penes quem est facultas admittendi, quam is cuius opera ille vitur, habeat oportet cognitionem rerum Societatis, ac zelum boni progressus ipsius; vt nulla ratione dimoueri ab eo possit, quod in Domino conuenientius ad diuinum seruitium in hac Societate iudicauerit: quod vt cõsequatur, moderatus admodum sit oportet in admittendi desiderio. & vt liberior sit ab omni minus ordinato affectu, vbi vitij huiusmodi occasio esse posset (ut cum consanguineis, & amicis) ille in quò aliquid periculi huiusmodi timeretur, examinandi officio non fungatur.

- 5 Quicumque autem eo fungetur, in scriptis habeat quæ ad tale officium pertinent; quo melius & certius id possit præstare, quod in hac parte ad diuinum seruitium quæritur.

DE ADMITTENDIS IN

Societatem, Cap. II.

- I IN vniuersum loquendo de ijs qui admittendi sunt, quo pluribus Dei donis naturalibus, & infusis, præditi ad promouendum iuxta Societatis Institutum, diuinum seruitium, & quo certioribus experimentis perspecti fuerint; eo magis idonei

idonei erunt, ut in eam admittantur.

2 Vt particularim de his loquamur, qui in Coadiutores admittuntur ad res temporales, vel exteriores curandas (qui plures esse nō debent, quā qui necessarij sint ad subleuandum Societatem in ijs rebus, in quibus occupari alij non possunt sine detrimento maioris boni) esse eos oportet, quod ad animam spectat, bonæ conscientiæ, quietos, tractabiles, amatores virtutis ac perfectionis, propensos ad deuotionem, qui domesticis & externis ædificationi sint, qui sorte Marthæ in Societate contenti, & ad eius Institutum bene affecti, eam iuuare ad Dei gloriam exoptent.

3 Quod ad externa attinet, honesta specie, sanitate, ætate, & viribus ad labores corporis qui in Societate se offerunt, sufferendos præditi esse deberent; & qui habere, vel certe habituri esse aliquando talentum aliquod ad eam iuuandam videretur.

4 Admittere homines difficili admodum ingenio, vel inutiles Congregationi, licet ipsismet non inutile foret admitti; considerantēs tamen Instituti nostri finem, ac procedendi modum, persuademus nobis in Domino ad ipsius maius seruitium & laudem non expedire.

5 Qui ad hoc admitterentur, ut in rebus spiritualibus Societatem iuuant, considerando quid huiusmodi ministerium requirat, ut animæ proximorū iuuentur, sequētibz donis Dei ornari deberēt.

6 Quod ad intellectum attinet, doctrina sana, uel aptitudine ad eam addiscendam, & in rebus agendis

dis discretionem, vel certe indole boni iudicii ad eam
acquirendam.

7 Quod ad memoriam, aptitudine ad percipiendum, & fideliter percepta retinendum.

8 Quod ad voluntatem, ut uniuersae uirtutis & perfectionis spiritualis studiosi sint, quieti, constantes, strenui in ijs, quae ad diuinum seruitium aggrediuntur; quique zelum habeant salutis animarum, & ea de causa ad nostrum Institutum (quod ad illas iuuandas & disponendas ad ultimi sui finis de manu Dei Creatoris Nostri ac Domini consecutionem, recta tendit) sint affecti.

9 In exterioribus exoptanda est sermonis gratia, ad agendum cum proximis pernecessaria.

10 Species honesta, quae aedificationi esse solet ijs, quibus cum agitur.

11 Bona ualerudo, ac uires, quibus ferre possint Institutum nostri labores.

12 Aetas, quae ad ea quae dicta sunt, conueniat, quae quidem, ut admittantur ad Probationem, excedere debet decimumquartum annum; ut ad Professionem uero, uigefimumquintum.

13 Dona externa, nobilitatis, diuitiarum, bonae famae, & similia, ut non satis sunt, si desint alia, ita cum alia suppetent, haec non erunt necessaria: quatenus tamen ad aedificationem faciunt, reddunt magis idoneos ut admittantur, qui sine ipsis alioqui essent idonei propter dotes alias praedictas, in quibus quo magis praecelluerit qui admitti cupit, eo magis erit ad hanc Societatem aptus ad Domini Dei Nostri gloriam;

gloriam; quo vero minus excelluerit, eo minus erit idoneus. Quę tamen mensura omnibus in rebus teneri debeat, vnctio sancta diuinę Sapientię eos docebit, qui id curę ad eius obsequium ac laudę vberiores suscepunt.

DE IIS, QUAE IMPEDIVNT

ne quis in Societatem admittatur.

Cap. III.

I **Q**uamuis Charitas & zelus animarum, in quo se Societas hęc exercet, iuxta Instituti sui finem, omnia hominũ genera complectatur, vt eorum seruiat spirituali vtilitati, ac ad beatitudinem consequendam in Domino iunet; vt tamen in Societatis ipsius corpus admittat, amplecti non debet, ut dictum est, nisi quos iudicabit ad propositum Societati finem vtilis fore.

2 Ex impedimentis ad admissionem, nonnulla eos qui vellent ingredi omnino excludunt: quia rationes efficaces nos ad id in Domino mouent. ea vero huiusmodi sunt.

3 Aliquando à gremio sanctę Ecclesię abscessisse, fidem abnegando inter infideles, vel incidendo in errores contra eam, in quibus reprobatus fuerit per publicam sententiam; vel se more Schismaticorum ab ecclesię vnitae seiunxisse.

4 Perpetrasse homicidium, vel esse propter enormia peccata infamem.

5 Assumpsisse Religionis habitum, vel Eremitam

D.

tam

nam cum vestitu monachali fuisse.

6. Matrimonij vinculo, vel seruitutis legitime ligatum esse.

7. Capitis infirmitatem pati, vnde accidat obscurari, & parum sanum esse iudicium; vel si notabilem habeat ad illud dispositionem, vt in Examine fufius tractatur.

8. Cætera impedimenta quamuis singula à Societate non excludant, reddunt tamen minus idoneum qui admitti exoptat; & posset tanti momenti esse defectus vt è seruitio Dei non esset futurum, cum eo quemquam admitti.

9. Impedimenta autem hæc secundaria, de quibus modo est sermo, huiusmodi sunt. Quod ad interiora attinet, passionibus vel affectibus, qui domari non posse videantur; vel peccatorum habitus, de quibus non magna emendatio speretur.

10. Intentio minus recta, quam par esset ad religionis ingressum; vt quæ cum humano aliquo fine sit admixta.

11. Inconstantia, vel remissio animi notabilis, ex qua qui de ingressu agit, parum vtilis futurus credatur ad Societatis munera obeunda.

12. Indiscretæ deuotiones, quæ in causa esse solent, vt aliquis in illusiones, & non exigui momenti errores incidat.

13. Litterarum ignorantia, vel ingenij, aut memoriæ ad eas addiscendas, vel linguæ ad explicandum defectus, in illis qui præferunt intentionem, vel desiderium vltèrius progrediendi, quam solent Coadiuto-

diutiores temporales.

14. Iudicij defectus, vel notabilis in proprio sensu
obduratio; quæ omnibus Congregationibus mul-
tum solet facessere negotij.

15. In exteriori homine, defectus in integritate cor-
poris, morbus, debilitas, vel notabilis deformitas.

16. Aetas valde tenera, vel plus satis prouecta.

17. AEs alienum, vel civiles obligationes.

18. Quo huiusmodi defectibus quis magis est ob-
noxius; eo minus est idoneus, vt Deo Dño Nostro
in hac Societate ad animarum auxilium seruiat; &
qui facultatem habet admittendi, videat, ne chari-
tatis particularis affectus vniuersali noceat, quæ vt
magis ad gloriam & honorẽ Christi Domini No-
stri facit, ita semper præferri debet.

DE MODO ADMITTENDI.

Cap.

IIII.

1. **Q**uia nobis in Domino valde persuademus, ad
hoc vt diuina & summa maiestas ministe-
rio huius minimæ Societatis vti dignetur,
multum referre, vt qui ad eam admittuntur, non so-
lum diu probentur antequam in eius corpus co-
optentur, verum etiam vt valde noti sint, antequã
ad Probationem eam admittantur, quæ sit in com-
muni conuictu cum domesticis, expedit habitatio-
nem aliquam nostræ communi coniunctam desi-
gnari, vbi qui ad Probationem admittuntur, hospi-
tum more duodecim dies, vel vsque ad viginti, &

Am-

D 2

am-

amplius, prout Superiori videbitur, diuersentur;
 ut id temporis de ijs, quæ pertinent ad Societatem,
 illi certiores reddantur, & Societas eosdem plenius
 in Domino Nostro cognoscat.

2. In hanc Domum, quæ primæ Probationis dicitur, facilius admitti possunt, qui id optant; si clare ad Dei & Domini Nostri IESU Christi obsequium idonei in hac Societate esse viderentur: & contra, qui clare non esse tales cernerentur, consilio (& si quid aliud charitas suggerit) adiuti, ut alibi Deo ac Domino Nostro seruire curent, statim dimitti poterunt.
3. Quod si res non esset Societati tam clara, quam oporteret, postquam qui admissi cupit, voluntatē suam proposuerit, & de primis impedimentis decenter interrogatus fuerit, & summam nostri Instituti, probationesq; ac difficultates, quæ in eo sunt, intellexerit, quantum efficaciter desiderare videatur in Societatem admitti, ut in ea viuat & moriatur (quod quidem si deesset, ut plurimum nemo ad primam probationem admitti deberet) responsum tamen, ac sententia vltima aliquandiu differatur; ut eo tempore res melius considerari, & Deo commendari possit, ac diligentia conueniens adhiberi, ut magis cognoscatur, & ut de eius constatia periculum fiat. Quantum autem differri oporteat, & quæ diligentia sit adhibenda, prudenti considerationi illius, qui admittendi facultatem habet, relinquendum est; qui semper maius Dei obsequium spectabit.

Post.

4 Postquā in Domino statueretur, quod ad Probationem aliquem admitti conveniat; solitis vestimentis indutus, aut pro cuiusque deuotione (nisi aliud Superiori videbitur) ingredi poterit, & in prædicta Probationis Domo, seu in loco ad id destinato vt hospes constituetur; ac postridie, quo modo eo in loco se gerere debeat, ei declarabitur; ac nominatim, ne verbo, aut scripto (nisi Superiori aliqua de causa non levis momenti aliud videretur) cum externis, uel domesticis agat, præterquam cum ijs, qui ad id designati à Superiore fuerint. Quod fit, ut liberius secum, & cum Deo perpendat vocationē suam, ac propositum diuinæ ac summæ Maiestati in hac Societate seruiendi.

5 Elapsis duobus aut tribus diebus post ingressum in Domum Probationis, examinari accuratius incipiat, prout in officio Examinatoris declaratur; & relinquatur ei scriptum Examen, vt solus id maturius consideret; postea eidem ostendantur Diplomata Apostolica, ac Constitutiones, & Regulæ in Societate ac Domo, quam ingreditur, obseruandę; & qui litteris operam dederunt, de singulis facultatibus, in quibus versati sunt, singulas prælegant lectiones, & id coram eis, qui à Superiore ad eius talentum in doctrina, & proponendi modo cognoscendum sunt constituti.

6 Eodem hoc tempore primæ Probationis conscientiam suam Superiori, uel ei quem ipse delegauerit, aperiet (nisi id negotij cum Superioris consensu in aliud tempus differretur (& generaliter cō

firebitur (si non id fecisset) & illi quidem Confessario, qui à Superiore fuerit ad id destinatus. Et cū in libro ad id designato scriptum fuerit, & manu eius subscriptum, quidquid domum tulit, & quod contentus sit observare omnia ei proposita, postremo post reconciliationem accepto Sanctissimo Eucharistiae Sacramento, ingreditur in Domum communis habitationis, vbi cum alijs versari, & in secunda probatione ditius exerceri solent Nouitij.

7. Quod dictum est de ijs, qui tunc primum ad Societatem admittuntur, bona ex parte cum illis observabitur, qui à studijs, aut alijs locis Societatis, vbi diligenter examinati non fuerint, veniunt; qui quidem non ut Professi, uel Coadiutores formati in corpus Societatis admissi sunt; ut quo maiori cū luce procedetur, eo quisque constantior in sua uocatione maneat; & ipsa etiam Societas melius discernat, an conueniat ad maiorem laudem & gloriam Dei & Domini Nostri illum apud se retinere.



SECVNDA PARS

QVAE AD EOS DIMITTENDOS

pertinet, qui admissi parum apti in
Probatione ad Societatem
inuenirentur.

QVI DIMITTI POSSINT, ET

per quos. Cap. I.



VT AVTEM ad propositū huic
Societati finem diuini obsequij, &
auxilij. animarum conuenit con-
seruari, & numero augeri opera-
rios idoneos, ac viles ad hoc opus
promouendum; ita dimitti eos oportet, qui tales
non fuerint inuenti; & successu temporis deprehē-
datur, vel quod hęc non sit eorū vocatio, vel quod
ad commune bonum Societatis non conueniat, vt
in ea maneat. Sed tamen vt non faciles esse ad ad-
mittendum, ita neque ad dimittendum, immo mi-
nus oportet: sed mature omnino, & considerate
in Domino procedendum est. Et quamuis causas
ad dimissionem dignas eo grauiore esse oportet,
quo quis arctius Societatis corpori coniūctus est;
quantumlibet tamen quisque sit coniunctus, in
quibusdam casibus separari ab ea posset, ac debe-
ret: vt sequenti capite videbitur.

- 2 Dimittendi facultas in primis ad vniuersam So-
cietatem pertinet, quando in Congregationem ge-
neralem conueniret. Eadem erit penes præpositū

Generalem in omnibus, præterquam siquid ad ipsius personam pertineret. Penes reliquos ex Societate tantum erit huius facultatis, quantum eis à capite collatum fuerit: Præpositis tamen Prouincialibus amplam satis conferri expediet, ac debita proportionem etiam. Præpositis Localibus, & Rectoribus, quibus videbitur esse conferenda; ut eo melius in toto Societatis corpore subordinatio sanctæ Obedientiæ seruetur, quo clarius intelligēt inferiores se à suis immediate Superioribus pendere, & quod sibi conueniat plurimum, immo necesse sit in omnibus eis subesse propter Christum Dominum Nostrum.

DE CAUSIS, PROPTER QVAS

dimitti aliquem conueniat.

Cap. II.

- 1 **C**ausas eas, quæ ad aliquem dimittendū sufficiant, ponderare coram Domino debet prudens charitas Superioris, qui huiusmodi facultatem habuerit: sed generatim loquendo, quatuor earum genera fore videntur.
- 2 **P**rimum, si in Domino iudicaretur, contra ipsius honorem & gloriam fore, quod is in hac Societate maneret, qui videatur in quibusdam prauis affectibus aut vitijs, quæ diuinam offendunt Maiestatem, corrigi non posse; quæ eo minus tolerari deberent, quo grauiora essent, & plus culpæ haberent; licet alijs nullum offendiculum (quod manifesta

nifesta non essent) præberent.

3 Alterum est, si existimaretur in Domino, aliquē retinere, contra Societatis bonum fore, quod cum vniuersale sit, haud dubie bono particulari alicuius præferri ab eo debet, qui sincere diuinum obsequium querit. Tale quid esset, si in Probationum decursu aliqua impedimēta, vel insignes defectus, quos antea in Examine tacuisset, detegerentur; vel si experimento competiretur, valde inutilem fore eum, & per quem præpediēda magis, quam adiuuanda esset Societas, propter eius insignē ad quæuis eius mūnera ineptitudinem: & multo magis dimitti oporteret, si damnum allaturus vitæ exemplo iudicaretur, ac præcipue si in quietum se ostenderet, & verbis aut actibus offendiculum alijs præberet. hoc enim tolerare, charitatis non esset, sed vitij contrarij in eo quidem, qui tenetur conseruare quietem, & bonū statum Societatis sibi cōmissę.

4 Tertium, si iudicaretur id fore contra Societatis, ac simul ipsius dimittēdę personę bonū; quod ex parte corporis posset accidere, si tempore Probationis in aliquo morbus, aut debilitas huiusmodi cerneretur, cum qua eum non posse progredi in laboribus, quos noster procedendi modus requirit ad Deo in eo seruiendum; videretur: ex parte rerū animi, quando, qui ad Probationem admissus fuit, se componere ad vitam sub Obedientia, & iuxta modum procedendi Societatis ducendam non posset, quod nequeat, vel nolit propriū suum sensum aut iudiciū infringere; vel propter alia impedimēta,

ta,

ta, quæ à natura, vel à consuetudine promanarent.

- 5 **3** Quantum, si cerneretur id fore contra bonum aliorum, qui de Societate non sunt; Vt si detegere-
tur vinculum matrimonij, vel seruitutis legitimæ,
vel æs alienum magni momenti: quibus in rebus,
dum initio examinaretur, veritatem subticuisset.

Quævis harum quatuor causarum satis esse vi-
detur, vt Deo gratius fore iudicemus, honeste di-
mitti eum, in quo locum habuerint, quàm impru-
dentem in eo retinendo charitatem exercere.

DE MODO DIMITTENDI.

Cap. III.

- 1** **C**VM ijs qui dimittendi erunt, obseruari eum
modum conueniet, qui in conspectu Dei di-
mitteti, dimisso, & alijs domesticis, & externis ma-
gis satisfaciatur. Quod attinet ad dimittentem ob
causas superius dictas tria obseruentur.

- 2** Primum est, vt oret ipse Dominum, & Domi-
orari ea intentione curet (quamuis quis sit pro quo
oratur, non intelligatur) vt docere Dominus No-
ster dignetur ea in re, de qua agitur, suam sanctissi-
mam voluntatem.

- 3** Alterum, vt id conferat cum aliquibus, seu ali-
quo ex domesticis, qui ad hoc negotium aptiores
ei videantur; & audiat quid illi sentiant.

- 4** Tertium vt omnem exuendo affectum, & maio-
ri Dei gloria præ oculis constituta, ac communis
boni, tum etiam (quoad eius fieri poterit) particu-
laris

laris ratione habita, expendat hinc inde causas, & statuatur, an dimittere debeat, necne.

5 Quod ad dimissum attinet, tria itidem obseruentur: primum exterius; vt recedat ex Domo, quantum fieri possit, sine dedecore vel ignominia, ac secum omnia sua ferat.

6 Alterum interius, vt eum dimittere Superior curet, conseruata, quantum fieri potest, charitate ac beneuolentia erga Domum, & quanta cum consolatione in Domino fieri poterit.

7 Tertium, ut circa statum uitæ studeat eum dirigere, ut aliquam conuenientem uiam seruendi Deo ineat, uel in religione, uel extra eam; prout diuinæ uoluntati conuenientius fore uidebitur. Demum consilio & oratione, & siquid aliud charitas dederit, iuuare curet.

8 Vt satisfiat alijs domesticis, & externis, tria etiã obseruentur. Primum est, ut quantum fieri poterit curetur, nequid perturbationis in alicuius animo propter dimissionem maneat, ratione reddita, quantum satis erit, quibus reddi opus sit: abstinendo, quantum fieri poterit, à defectibus, qui publici non fuerint, declarandis; quamuis in eo, qui dimittitur, nonnulli deprehensi fuissent.

9 Alterum, ne male affecti maneant erga dimissum, & quantum fieri possit, ne de eo male sentiãt; sed potius eius vicem doleant, & in Christo eum diligant, ac diuinæ Maiestati in suis orationibus, vt eum dirigere, & ei misericordiam impendere dignetur, commendent.

10. **T**ertium, vt detur opera, vt eius exemplo inueniatur, si qui minori oñ ædificatione, quam par esset, Domi versantur; & timeant, ne sibi tantundem accidat, si nolent proficere; & exteri in idem, quibus id innotuerit, ædificationem accipiant, quod Domi non toleretur id quod tolerari ad Dei gloriam non debet.

QUOMODO SE GERAT SOCIETAS

cum ijs, qui sua sponte recederent, vel

vel quos ipsa dimitteret.

Cap. IIII.

1. **Q**ui dimittuntur, vel iniussi discedant, si ad alium locum Societatis se conferant, videntur nobis in Domino admittendi non esse; nisi prius qui dimisit, vel qui loco præest unde discessit, vel Præpositus Generalis, aut qui eius vices gerit, admonitus suum præstiterit assensum; ne defectus cognitionis rerum, aut personarum aliquius erroris in Dei offensam causa sit.

2. Communicationem autem facultatem, aut gratiam, quæ ijs vt Societatis membris concessæ fuerant, simulatque membra esse desierint, constat cessare.

3. Declaretur ijs, qui dimittuntur, quod absoluti maneat à votis simplicibus, si ea iuxta formulam Societati consuetam (quæ in quinta Parte videbitur) emiserint; quodque nulla alia dispensatione indigeant.

Ad

4 Ad eos reducendos, qui sine licentia recederēt, si prius parum idonei ad Societatem habebantur, nulla diligentia opus erit; sed potius dirigantur ad aliud institutum, ubi Deo seruire possint, relaxato illis voto, ut omnes scrupuli eis eximantur.

5 Si huiusmodi essent, ut Deo gratum fore videretur eos non sic relinquere, præcipue si ex aliqua vehementi tentatione, aut ab alijs decepti egressi videantur, diligentia adhiberi ad eos reducendos poterit; & privilegijs ad negotium huiusmodi concessis à sede Apostolica, quantum Superiori in Domino videbitur, uti licebit. Et cum aliquis horum sic reductus, relinquetur prudentiæ eiusdem Superiori; ut videat, num satisfactione aliqua opus sit, & quanta, an melius censeat, omnino in spiritu mansuetudinis procedere; qua in re & eius qui reductus est, bonum, & ædificatio domesticorum spectanda est.

6 Siquis sponte sua ad Collegium, vel Domum, unde sine facultate recesserat, rediret, & alioqui idoneus ad Deo seruiendum in ea iudicaretur; considerandum erit, an veram perseverandi voluntatem afferat, & an sit paratus ad quamvis satisfactionem & probationem; quod si secus esset, ut qui veræ penitentiae signa non ostendit, admitti non merebitur.

7 Si qui fuit merito dimissus, ad eandem Domum, unde dimissus est, rediret, ad quamvis satisfactionem paratus; Si adhuc eadem rationes, propter quas fuit dimissus, manerent, perspicuum est, non esse admittendum: Si non manerent, & qui dimisit, iudicaret

dicaret Deo gratum fore, vt denuo reciperetur in eandem, vel aliam Domum; admoneat Generalē, vel Prouincialem Præpositum; & quod ab eo præscriptum fuerit, exequatur.

- 8 Siue recesserit sponte sua, siue dimissus qui redit, si admititur, denuo examinari debet, & generalē confessionem facere ipso in ingressu, ab vltima quam fecit inchoando; & alijs Probationibus & experimentis exercebitur: prout Superiori; habita semper ratione ædificationis vniuersalis & particularis, ad gloriam Dei videbitur.



63
TERTIA PARS

DE IIS CONSERVANDIS

& promouendis, qui in Probatione manent.

DE CONSERVATIONE

in ijs, quæ ad animam & profectum
in virtutibus pertinent.

Cap. I.



1. **I**N ijs admittendis, quos ad nostrum Institutum vocat Deus, talentum ad id conueniens concedendo, & in dimittendis illis, qui cum eo careant, se à diuina sapientia non esse vocatos ostendunt, considerata sunt quæ superius attigimus; ita in eis conseruandis in sua vocatione, qui retinentur, & probantur in Domibus & Collegijs, & in eisdem iuuandis, vt sic proficiant in via Dei, spiritu, & virtutibus, vt sanitatis & virium corporis, quæ ad laborandum in vinea Domini necessariae sunt, ratio habeatur; consideratione ac prouidentia debita opus est: & ita agetur, primo loco quidem de ijs quæ ad animam; secundo de ijs, quæ ad corpus pertinent.

2. Quod ad animam attinet, cum tanti referat, eos qui in Probationibus versantur, ab omnibus imperfectionibus, & quibusuis impedimentis maioris spiritualis profectus remouere; multum ad id confert,

confert, omnem communicationem per verba & scripta vt abijciant cum ijs, qui in proposito sibi Instituto interpeſcendi cauſa eſſe poſſent; & vt in via ſpiritali incedendo, cum ijs duntaxat perſonis, & ijs de rebus agant, quæ iuuent in diuino obſequio ad id conſequendum, quod in ingreſſu Societatis ſibi vt ſcopum præfigebant.

- 3 Eadem de cauſa egredi Domo non debent, niſi quando, & cum quo ſocio Superiori viſum fuerit. Nec Domi hi cū illis pro ſuo arbitratu colloquantur, ſed cum ijs tantum, qui à Superiore præſcripti fuerint; quorum exemplo & ſpiritalibus colloquijs ædificationem accipiant, non autem offenſionem, & proficiant in Domino.
- 4 Omnes diligentiffime curent portas ſenſuum ſuorum (oculorum præcipue, aurium, & linguæ) ab omni inordinatione cuſtodire, ac ſe in pace, & ſera humilitate interna conſeruare, & eam in ſilentio, cum id obſeruandum eſt, cum autem loquendum, in circunſpectione & ædificatione verborum, & modeſtia vultus, ac maturitate inceſſus motuumque omnium, ſine ullo impatientiæ aut ſuperbiæ ſigno exhibere; in omnibus procurando atq; optando potiores partes alijs deferre, omnes in animo ſuo tanquam ſibi ſuperiores ducendo, & exterius honorē ac reuerentiam quā exigit cuiuſq; ſtatus, cū ſimplicitate & moderatione religioſa exhibendo: atq; ita fiat, ut ſe mutuo conſiderantes, in deuotione creſcant, Deumq; Dñm Noſtrū laudēt, quē quiſque in alio, vt in illius imagine, agnoſcere ſtudeat.

- 5 In refectione corporis curandum est, vt temperantia, modestia, & decentia interius, & exterius in omnibus obseruetur. Præmittatur benedictio, & sequatur actio gratiarum, quas omnes agere debet cum ea qua par est deuotione & reuerentia. Et dū corpus edendo reficitur, sua etiam animæ refectio præbeatur, libro aliquo pio potius quam difficili, quem capere, & à quo omnes iuuari possint, legendo: vel id temporis aliquis, cui à Superiore id iniungetur, concionabitur; vel aliquid simile ad Dei gloriam fiet.
- 6 Omnes quandiu corpore bene valent, in spiritualibus, vel exterioribus rebus habeant in quo occupentur. Et qui officium vel ministerium aliquod certum habent, vt de auxilio providendum est eis; si sit necessarium, ita cum vacant, alijs rebus occupari deberent; ne otium malorum omnium origo, quoad eius fieri possit; Domi nostræ locū habeat.
- 7 Vt experiri incipiant sanctæ Paupertatis virtutem, doceantur omnes, quod nulla re tanquā propria vti debeant: quamuis necesse non sit Probationis tempore possessione bonorū suorum se abdicare; nisi id Superior post elapsū primum annum iuberet, iudicans in huiusmodi bonis temptationum occasionem, & minus proficiendi in spiritu habere aliquem, vt qui illis adhareat aliquo immoderato amore vel confidentia; & tunc qui se exui bonis suis, sequatur Christi consilia: pro sua tamen deuotione ad hoc potius, quàm illud opus dispensare bona sua, vel eorū partem poterit; pro-

ut in Domino intellexerit ad diuinum beneplacitum magis conuenire; vt in Examine dictum est.

- 8 Intelligant etiam quod mutuo dare, vel accipere vel dispensare quidquam de ijs, quæ Domini sunt, minime possunt, nisi Superior conscius consensum præstiterit.
- 9 Qui in ingressu ipso, uel post ingressum ad Obedienciam, motus sua deuotione, uellet bona sua, uel eorum partem in Societatis subsidium dispensare; haud dubie opus faceret maioris perfectionis, alienationis, & abnegationis vniuersi amoris proprii, non descendendo tenero quodam affectu ad particularia loca, nec iuxta illum sua bona huic potius, quam illi applicando; quin potius exoptando maius & vniuersalius bonum Societatis (quæ tota ad maiorem Dei gloriam, ac vniuersale bonum, & utilitatem animarum instituta est) hoc iudicium ei relinquat, qui eius vniuersæ curam habet, num applicari huic loco potius quam illi in eadem Prouincia debeant: quandoquidem ille melius quam quisquam alius intelligere potest, quid conueniat, & quid maxime urgeat in omnibus eius locis, ratione habita Regum, Principum, ac aliorum potentatum; ne eis causa vlla offensionis detur; sed ad maiorem ædificationem omnium; & spiritualem utilitatem animarum, & gloriam Dei omnia cedant.
- 10 Doceantur quomodo ab illusionibus Dæmonis in suis spiritualibus exercitationibus caueant, & quomodo se contra omnes tentationes tueantur; simul rationes sciant quæ adhiberi possint
vt eas;

ut eas; superent; & ad veras solidasque uirtutes consequendas insistant, siue plures adsint uisitantes spirituales, siue pauciores: curent uero semper in uia diuini seruitij progressum facere.

- 11 *Id* Vtantur quotidie conscientia suae examinatione consueta, & octauo quoque die saltem ad Confessionis & Communionis sacramenta accedant, nisi aliqua de causa aliud Superiori uideretur: & unus omnium sit Confessarius ab eodem Superiore constitutus: quod si fieri non poterit, quisque certe suum stabilem habeat Confessarium, cui ipsius conscientia prorsus aperta sit: qui quidem Confessarius non ignoret, quos casus sibi Superior reseruat. Illi autem reseruabuntur, quos ab eo cognoscere necessarium uidebitur, aut ualde conueniens, quo melius & remedium adhibere possit, & suae curae commissos praeseruare ab omnibus, quae nocitura sunt.

- 12 Perutile erit, esse Domi aliquem uirum fidele, & in rebus spiritualibus sufficienter uersatum, qui instruat eos ac doceat, quomodo & interius, & exterius sese habere debeant, & ad id eos hortetur, & in memoriam redigat, & amanter admoneat; quae omnes qui in Probatione sunt diligant, ad quem in suis tentationibus confugiant, cui confidenter sua omnia detegant, & à quo consolationem & auxilium in omnibus sperent in Domino: & admoneantur quod nullam debeant celare tentationem, quam huic, uel Confessario, uel Superiori non aperiant; immo uero totam animam suam illis integre ma-

nifestam esse, pergratum habeant: nec solum defectus aperiant, sed etiam pœnitentias, uel mortificationes, & deuotiones, ac uirtutes omnes, uoluntate pura optantes ab illis dirigi, sicubi à rectitudine deflecterent, nolentes suo proprio sensu duci; nisi conueniat cum iudicio illorum, quos Christi Domini Nostri loco habent.

13 Anteuertere oportet tentationes, adhibitis earum contrarijs: ut cum quis animaduertitur ad superbiam esse propensus, exerceri is debet in rebus abiectioribus, quæ ad humiliandum ipsum utiles futurae uideantur: & sic de alijs prauis animæ propensionibus.

14 Præterea honestatis & decentiæ ratione conuenit fœminas non ingredi Domos nostras, nec Collegia, sed tantum Ecclesias: & arma nulla, nec instrumenta rerum uanarum Domi haberi; sed tantum ea, quæ faciunt ad finem illum diuini seruitij & laudis, quem sibi præfixit Societas.

15 In correctionibus & pœnitentijs iniungendis qui modus teneri debeat, prudenti charitati Superioris, & eorum quos sibi substituerit, relinquetur: qui in eis rationem habebunt dispositionis personarum, & ædificationis uniuersalis & particularis earum, ad gloriam Dei. Pœnitentias uero huiusmodi prompta uoluntate quisque admittere deberet, cum uero emendationis, & spiritualis profectus desiderio, etiam si propter defectum non culpabilem iniungerentur.

16 Syndicus Domi constituatur: cuius erit officiū obser-

obseruare in omnibus quod ad honestatem & decentiam externam pertinet; Ecclesiam & Domum perlustrando, & siquid non conueniat, adnotando, & Superiori referendo, vel eundem qui errat commonefaciendo; si id facultatis ei, vt vtilius in Domino, sub fungatur officio, tribuetur.

- 17 Curent omnes ex morbis corporis fructum capere, non solum sibi, sed etiam ad aliorum ædificationem; non impatientes aut morosos se exhibendo, sed potius patientiam magnā habendo, & præferendo, ac Obedientiam Medico, & Infirmario præstando, verbis pijs & ædificationem faciētibus vtendo, quæ ostendant ægritudinem acceptari vt donum de manu Creatoris ac Domini Nostri; quandoquidē non minus donū est, quam sanitas.
- 18 Idem sapiamus, idem, quoad eius fieri possit, dicamus omnes, iuxta Apostolum. Doctrinæ igitur differentes non admittantur, nec verbo in concionibus vel lectionibus publicis, nec scriptis libris (qui quidem edi non poterunt in lucem, sine approbatione atq; consensu Prepositi Generalis; qui eorum examinationem saltem tribus committat, sana doctrina, & claro iudicio in ea facultate præditis). immo & iudiciorum de rebus agendis diuersitas, quæ mater esse solet discordiæ, & inimica vnionis voluntatū, quantū fieri potest, euitari debet. vnio vero & cōformitas mutua diligentissime curanda est, nec, quæ ei aduersantur, permittenda: quo iuncti inuicem fraternę charitatis vinculo, melius & efficacius possint se diuino obsequio, & auxilio

xilio proximorum impendere.

- 19 ¶ Quia ad progressum in virtutibus faciendum multum confert antiquiorum exemplum, quo reliqui ad eorum imitationem animentur; qui præest alijs (si aliter peculiare ob causas non iudicaretur conuenire); & omnes alij Sacerdotes, qui ei videbuntur, aliquando intra annum, officium, vel officia eorum, qui inserviunt Domi, ad tempus aliquod obibunt: quo alijs gratius reddatur huiusmodi ministerium, in quo ad maius Dei seruitium & gloriam sunt constituti.
- 20 ¶ Explicetur aliquot diebus in singulis hebdomadibus Doctrina Christiana, ac modus bene & cum fructu confitendi, communicandi, Missam audiendi, & in eadem ministrandi, orandi itidem, meditando, & legendi pro captu vniuscuiusq; tradatur: cureturq; non solum vt addiscant quæ conueniunt; sed etiam vt memoria teneant, & exerceant quæ didicerint: omnesque suum tempus rebus spiritualibus impendant, & deuotioni quærendæ pro mensura gratiæ Dei ipsis communicatæ insistant: ad quod conferet aliqua exercitia spiritualia illis qui nondum se exercuerunt in eis, vel omnia tradere, prout vnicuiq; conuenire in Domino iudicabitur.
- 21 ¶ Conuenit omnes exerceri (si aliquem Superior non eximeret) in concionibus domesticis: vt præterquam quod utiliter in hoc expendatur aliqua hora à prandio, animentur, & aliquem usum comparent (quod ad vocem, & modum attinet, & ad reliqua) & vt specimen etiam eius talenti, quod in

hoc

hoc genere Dominus eis communicat, præbeât; & ut suos bonos conceptus ad suam, & proximorum ædificationem exprimant, de ijs crebro tractantes, quæ ad sui abnegationem, & in virtutibus profectum, & omnimodam perfectionem attinent; ad ea se inuicem exhortando, & præcipue ad vnionem & charitatem fraternam.

22 Magnopere conferet, deuote, quoad fieri poterit, ea munera obire, in quibus magis exercetur humilitas & charitas. Et in vniuersum loquendo, quanto aliquis se arctius Deo adstrinxerit, & liberaliorem erga summam Maiestatem se præstiterit; tanto eum in se liberaliorem etiam experietur; & ipse in dies magis idoneus erit ad gratias, & dona spiritualia vberiora recipienda.

23 Expedit in primis ad profectum, & valde necessarium est, ut omnes perfectæ Obedientiæ se dedant, Superiorem (quicumque ille sit) loco Christi Domini Nostri agnoscentes, & interna reuerentia & amore eum prosequentes: nec solum in executione externa eorum, quæ iniungit, integre, prompte, fortiter, & cum humilitate debita; sine excusationibus, & obmurmurationibus obediant, licet difficultia, & secundum sensualitatem repugnantia iubeat; verum etiâ conentur interius resignationem, & veram abnegationem propriæ voluntatis & iudicii habere; voluntatem ac iudicium suum cum eo, quod Superior vult & sentit, in omnibus rebus (ubi peccatum non cerneretur) omnino conformantes, proposita sibi voluntate, ac iudicio Superioris,

rioris, pro regula suæ voluntatis & iudicij; quo exactius conformentur primæ ac summæ regulæ omnis bonæ voluntatis & iudicij; quæ est æterna bonitas & sapientia.

24 Et ut magis in Obedientiæ virtute se exercent, convenit, atq; etiam valde necessarium est, ut non solum Superiori Societatis uel Domus; sed etiam subordinatis Officialibus, qui ex illo auctoritatem acceperunt, in ijs omnibus, in quibus super ipsos potestatem habent, obediant, & assuescant non intueri, quis ille sit, cui obediunt, sed potius quis ille, propter quem, & cui in omnibus obediunt, qui est Christus Dominus.

25 Diligant omnes Paupertatē, ut matrem; & iuxta mensurā sanctæ discretionis suis temporibus eius effectus aliquos experiantur; &, ut in Examine dictum est, parati sint post primū annum exactum ad temporalia bona distribuenda, quodcumque à Superiore iniunctum id fuerit, & ea ratione proposita fuit.

26 Omnes rectā habere intentionem studeant non solum circa vitæ suæ statum, verum etiam circa res omnes particulares, id semper in eis sincere spectantes, ut serviant, & placeant diuinæ bonitati propter seipsam, & propter charitatem; & eximia beneficia, quibus præuenit nos; potius quam ob timorem præparum, vel spem præmiorum (quamvis hinc etiam iuvare debeant) & crebro admoneantur ut in omnibus quærant Deum, exuentes se, quantum fieri potest, amore omnipium creaturarum; ut affectum

- affectum vniuersum in ipsarum Creatorem conferant, eum in omnibus creaturis amando, & omnes in eo, iuxta sanctissimā ac diuinā ipsius voluntatē.
- 27 Studium in quod incumbent qui in Domibus Societatis probantur, id esse debet, quod eos magis ad superius dictam abnegationem sui, & in virtutibus ac deuotione profectum iunabit. Studia vero litterarum, in vniuersum loquendo, in Domibus non erunt, nisi cum quibusdam, peculiaribus de causis, dispensatione opus esse videretur. Collegia enim ad litteras addiscendas sunt; Domus vero ad eas, quas didicerint, exercendas; vel ad præparandum earum fundamentum, humilitatis scilicet, ac omnis virtutis in ijs, qui operam eis sunt daturi.
- 28 Sit qui singulis hebdomadibus, uel saltem decimoquinto quoque die hæc & similia omnibus in memoriam redigat; uel illi hæc legere teneantur: ne pro nostræ fragilis naturæ conditione obliui, ab eorum executione cessent. Et aliquoties singulis annis omnes à Superiore sibi pænitentias iniungi propter defectum obseruationis Regularū petant; ut hæc cura indicium sit illius, quam de suo profectus spirituali in uia Dei quisque habet.

DE CONSERVATIONE

Corporis. Cap. II.

1 V. T. nimia sollicitudo in ijs, quæ ad corpus pertinent, reprehensibilis est; ita cura moderata tuendæ ad diuinum obsequium ualitudinis,

ac uirium corporis laude digna, & ab omnibus adhibenda est: & ea de causa, cum animaduenerint aliquid sibi nocere, uel quid aliud necessarium esse circa uictum, uestitum, habitationem, officium, aut exercitationem, & sic de alijs rebus, admoneant omnes ea de re Superiorem, uel quem ad id Superior constituerit; duo interim obseruantes; Primum, ut antequam ad eum quid referant, se ad orandum recipiant; & post orationem, si senserint rem deferendam ad Superiorem, id faciant: Alterum, ut cum uerbo, aut scripto breui (ne excidat memoria) Superiori rem exposuerint; ei totam curam rei expositæ relinquant; & quidquid ille statuerit, optimum ducant; nec contendere, aut urgere per se, uel alium (siue concedatur quod petitur, siue non) pergant: quandoquidem sibi persuadere debent, id magis expedire ad diuinum obsequium, ac suum maius bonum, quod Superiori, re intellecta, in Domino uisum fuerit.

2 Statuatur tempus quoad eius fieri poterit, edendi, cubandi, surgendi, quod communiter omnes obseruent.

3 In ijs quæ ad uictum, uestitum, & habitationem, & alia corpori necessaria pertinent, curetur cum diuino auxilio, ut quamuis sit in quo probeatur uirtus & sui ipsius abnegatio, non desit tamen quo sustentetur natura, & ad diuinum obsequium laudemque conseruetur; habita conuenienti ratione personarum in Domino.

4 Ut non expedit tanto labore corporali quemquam

quam onerari; ut spiritus obruatur, & corpus detrimentum patiat; ita aliqua corporalis exercitatio, quæ utrumque iuuat, omnibus communiter conuenit, etiam illis qui mentalibus exercitijs debent insistere; quæ quidem externis interrumpi deberent, & non continuari, nec sine mensura discretionis assumi.


5 Corporis castigatio immoderata esse non debet, nec indiscreta in uigilijs, & abstinentijs, & alijs pœnitentijs externis, ac laboribus, quæ & nocumentum afferre, & maiora bona impedire solent. Ideo suo Confessario detegi ab unoquoque conuenit, quidquid in hac parte faciat; qui si iudicat excedi mensuram, aut certe dubitat de excessu, illum ad Superiorem remittat. Hæc autem omnia eo fiunt ut clarius procedatur, & in animis corporibusque nostris Deo Domino Nostro maior gloria deferatur.

6 Sit aliquis Domi, qui præsit in ijs, quæ ad corporis bonam ualeitudinem pertinent, tum conseruandam in sanis, & quidem in ijs præsertim, qui ex ætate, vel alijs de causis sunt debiliores; tum restituendam in egrotantibus cui debeant omnes, si male se habere extraordinarie senserint, id referre; ut de remedio, prout charitas exigit, cōuenienti provideatur.

7 In ijs quæ pertinent ad rerum temporalium cōseruationem, præter cūram illam, quam omnibus charitas & ratio imponit, æquum erit, alicui peculiariter demandari hoc minus; ut tanquam bona

Domi.

Domini Nostri IESV Christi propria ea curet.
 Ad alias etiam functiones necessarias, & eas præci-
 pue, quæ honestius Domi, quam foris fiunt, curan-
 dum est, vt Officialium necessarius numerus con-
 stituatur; & expedit vt huiusmodi officia Coa-
 diutores Temporales, si ea ignorent,
 addiscant: omnia ad maiorem
 gloriam Dei; Creatoris &
 Domini Nostri sem-
 per dirigendo.



QUARTA PARS

DE IIS QUI IN SOCIETATE

retinentur, instruendis in litteris,

& alijs, quæ ad proximos
iuvandos con-
ferunt.

PROOEMIUM.

IVM scopus, ad quem Societas re-
cta tendit, sit suas ac proximorum
animas ad finem ultimum conse-
quendum, ad quem create fuerunt,
iuvare; cumque ad id, præter vitæ
exemplum doctrina & modus eam
proponendi sint necessaria; postquã in ijs, qui ad-
missi sunt ad probationem, iactũ esse videbitur ab-
negationis propriæ, & profectus in virtutibus ne-
cessarij cohueniens fundamentũ; de litterarũ ædifi-
cio, & modo eis vtendi agendum erit; quò iuvare
possint ad magis cognoscendũ, magisq; seruiendũ
Deo Creatori ac Domino Nostro. Ad hoc Colle-
gia, & aliquando etiam Vniuersitates, vel Studia
generalia Societas amplectitur, in quibus qui bo-
num sui specimen in Domibus dum probarentur,
præbuerunt, nec tamẽ doctrina ad nostrũ Institutum
necessaria satis instructi accesserunt, in ea &
in alijs rebus, quæ ad iuvandas animas conferunt,
instruantur. Prius ergo de ijs quæ ad Collegia; de-
inde

inde de ijs quæ ad Studia generalia pertinent, dicitur; cum eo favore, quem diuina Sapientia ad maiorem gloriâ laudemq; suâ nobis dare dignabitur.

DE MEMORIA HABENDA
Fundatorum, & bene de Collegijs
meritorum. Cap. I.

- I **Q**uoniam valde æquum est, ut (quod in nobis erit) illorum deuotioni ac beneficentiæ correspondeamus, in quibus diuina bonitas ad foundationem ac dotationem Collegiorum vitur administris; Primum in quouis nostræ Societatis Collegio perpetuo singulis hebdomadibus Missa semel pro eius Fundatore & benefactoribus viuis & mortuis celebretur.
- 2 **I**n initio ite cuiusq; mensis omnes Sacerdotes qui in Collegio fuerint, pro eisdem semel offerre idem Sacrificium perpetuo debeant. Singulis insuper annis, eo die quò Collegij cuiusque possessio Societati tradita est, cum solemnitate Missa pro Fundatore & benefactoribus celebretur: & id temporis in eodem Collegio quicumque Sacerdotes adsuerint, eodem sua referent Sacrificia.
- 3 **E**odē die candela cerea Fundatori offeratur, aut vni ex suis, qui ipsi sit cognatione proxime coniunctus, aut illi demum quem ipse Fundator designauerit: in qua candela armorū Fundatoris, aut deuotionis insignia extent. Illa vero testabitur Societas, quam Fundatori in Domino debet, gratitudinem.

Cum

4 Cum primum Societas in Collegij alicuius possessionem venerit; Præpositus Generalis curet indici per vniuersam Societatem, vt quilibet Sacerdos ter Sacrum faciat pro superstitute Fundatore ipsius Collegij, ac benefactoribus: vt illos sua benignitate Dominus in rebus omnibus dirigat, & suis donis semper augeat. Rursus, cum ex hac vita illi excellerint, curabit idem Præpositus Generalis, vbi primum rescuerit, vt per totam Societatem singuli Sacerdotes ter Sacrum pro animabus illorum faciant. Quoties autem dictum est, Missas esse à Sacerdotibus celebrandas; ceteri omnes, qui in Collegijs degunt, ac Sacerdotes non sunt, ad eandem illam intentionem orare debent: quandoquidem eiusdem gratitudinis nomine vtrique obligantur in Domino.

5 Fundatores præterea, ac benefactores Collegiorum, participes peculiariter efficiuntur omnium bonorum operum, quæ tum in ipsis Collegijs, tum in reliqua Societate Dei gratia fiunt.

6 In vniuersum autem tum Fundatoribus, tum etiã ipsorum necessarijs, & quoad viuunt, & postquam obierint, peculiariter sese deuinctã esse Societas ex charitate cognoscat: vt omni officio

illos prosequatur, quod à nobis præsta-

ri iuxta minimam hanc nostram

Professionem, ad diuinam

nam gloriam

possit.

DE HIS QUÆ AD RES TEM-

porales Collegiorum pertinent.

Cap. II.

1 **A**D Collegia quæ libere Societati offeruntur, vt iuxta suas Constitutiones omnino eis vtatur, admittenda, Præpositus Generalis, nomine totius Societatis, plenam potestatem habebit.

2 Si Fundator aliquas conditiones exigeret, ordini ac modo procedendi Societati consueti non omnino consentaneas; eidem Præposito Generali (auditis sententijs aliorum, quos ipse de huiusmodi rebus melius iudicare censebit) considerandum relinquatur, an omnibus perpensis, vtile sit futurum Societati ad finem diuini seruitij, quem sibi præfixit, huiusmodi Collegium admittere, nec ne. Sed si temporis decursu se grauari eo onere animaduerteret Societas, poterit ipsa in Congregatione generali id proponere, & statuere vt relinquatur Collegium huiusmodi; vel prospicere, vt onus temperetur, vel certe, vt ad onus id ferendum vires maiores præbeantur. Hoc tamen dictum sit, si ante Congregationem huiusmodi Præpositus Generalis huic incommodo, prout in Domino conuenit, non occurrerit.

3 Ad relinquenda, uel alienanda Collegia, aut Domos iam admissas Præpositus Generalis simul cū ipsa Societate potestatem habebit. Cum enim id sit perinde, ac si membrum ab eius corpore præscinderetur, & res alioqui perpetua & maioris momenti

ad Dei gloriam possint.

- 2 ⁿⁱ Quod attinet ad spiritualia, eadem erit ratio eorum qui in Collegijs, & qui in Domibus admittuntur, quandiu in Probationibus versantur. Post Probationem, cum studijs vacant, ut est cauendum, ne feruore studiorum intepescat solidarum virtutum, ac religiosæ vitæ amor, ita mortificationibus, orationibus, ac meditationibus prolixis eo tempore non adeo multum loci tribuetur. Quandoquidem litteris dare operam, quæ sincera cum intentione diuini seruitij addiscuntur, & quodammodo totum hominem requirunt, non minus, quam in illis versari tempore studiorum, immo magis Deo ac Domino Nostro gratum erit.

- 3 Itaque præter Sacramenta Confessionis ac Communionis (ad quæ octauo quoque die accedendum erit) & præter Missam, quam quotidie audient, horam vnā impendent recitando Beatissimæ Virginis officio, ac examinandis bis quotidie suis conscientijs, cum alijs orationibus pro cuiusque deuotione vsque ad prædictam horam explendam, si expleta non fuerit. Quæ omnia iuxta ordinationem ac iudicium Maiorum suorum, quibus Obedientiam Christi loco præstare debent, facient.

- 4 Aliqui (cuiusmodi esse possent Coadiutores illi, qui legere non didicerunt) præter Missam, horam etiam vnā recitando Rosario vel Coronæ Beatæ Mariæ Virginis cum duplici examine quotidiano, vel alijs orationibus pro cuiusque deuotione, ut de Scholasticis dictum est, impendent.

5 Ad deuotionis augmentum, & ad excitandam qua Deo obstricti sunt obligationis memoriam, & ad maiorem studentium in sua uocatione confirmationem bis annis singulis, in festis uidelicet Resurrectionis, ac Natiuitatis, simplicia Vota, quæ iuxta formulam in Quinta Parte, capite quarto dicendam emisserunt, congruum erit renouare. Et qui ea non emisisset, exacto biennio Probationis, ut in examine proponitur, emittet.

6 Cum ad publicas Scholas eundum erit (nā alia loca sine facultate Superiorum non petent) eant & redeant inuicem associati cum ea modestia interiori ac exteriori, quæ ad sui & aliorum ædificationem conueniat: & eorum colloquia cum Scholasticis externis sint solum de rebus ad litteras vel profectum spiritus pertinentibus; prout ad maiorem Dei gloriam omnibus utilius fore iudicabitur.

DE DOCTRINA, CUI SCHOLASTICI Societatis Studere debent.

Cap. V.

1 Cvm doctrinæ quæ in hac Societate addiscitur, hic scopus sit, suis & proximorum animis Dei fauore aspirante prodesse; hæc erit in vniuersum, & in particularibus personis mensura, ex qua quibus facultatibus addiscendis nostri incumbere, & quousque in eis progredi debeant, statuatur. Et quia generatim loquendo, Litteræ Humaniores diuersarum linguarum, Logica itidem, naturalis ac

moralis Philosophia, Metaphysica, & Theologia tam quæ Scholastica, quàm quæ Positiua dicitur, & sacra scriptura ad id iuuant; harum facultatum studijs operam dabūt. qui ad Collegia mittuntur; & quidem maiori cum diligentia illis vacabunt, quæ ad finem prædictum, habita ratione temporis, loci, & personarum, &c. supremus Moderator studiorum magis in Domino conuenire iudicabit.

- 2 Ad particulares personas descendendo, quid hi, vel illi addiscere debeant, Superiorum prudentiæ relinquetur: qui tamen indole ingenij præditus esset, quo in dictis facultatibus solidius fundamentū iaceret, eo rem viliorem faceret.

- 3 De tempore alicui ex his scientijs impèdendo, & quando ad vltiores sit. progrediendum, Rector adhibita examinatione conuenienti considerabit, & statuet.

- 4 Sequantur in quauis facultate securiorem & magis approbatam doctrinam; & eos auctores, qui eam docent; cuius rei penes Rectorem (qui, quod statuetur in vniuersa Societate ad maiorem Dei gloriam, sequuturus est) cura sit.

QVOMODO INVENTVT SCHOLASTICI AD HAS FACULTATES BENE ADDISCENDAS.

Cap. q. 2. VI.

- 1 **V**T autem Scholastici plurimum in his facultatibus proficiant; in primis animæ puritatē custodire, ac rectam studiorum intentionem habere

re contentur; nihil aliud in litteris, quam diuinam gloriam & animarum fructum quærentes; & in suis orationibus gratiam, vt in doctrina proficiant ad hunc finem, crebro petant.

2 Præterea serio & constanter animum studijs applicare deliberent; sibi que persuadeant; nihil gratius se Deo facturos in Collegijs; quam si cum ea intentione, de qua dictum est; studijs se diligenter impendant. Et licet nunquam ad exercenda ea quæ didicerint, perueniant; illum tamen studendi laborem ex Obedientia & charitate (vt par est) susceptum, opus esse magni meriti in conspectu diuinæ ac summæ Maiestatis, apud se statuunt.

3 Impedimenta etiam remoueantur, quæ à studijs animum auocant, tam deuotionum ac mortificationum, quæ vel nimis vel sine ordine debito suscipiuntur, quam curarum & exteriorum occupationum, quæ Domi in officijs domesticis, & foris in colloquijs, Confessionibus, atque alijs erga proximos functionibus assumuntur: quatenus ab eis declinari in Domino poterit. Est enim consultum, quo alijs postea vtiliores cum doctrina quam didicerint, se præbeant, huiusmodi exercitia (licet pia) donec studia sint absoluta, differri: quandoquidem non deerunt alij, qui ea interim exerceant. Et hæc quidem omnia maiori cum desiderio obsequij & gloriæ diuinæ fiant.

4 In disciplinis ordo seruandus est; vt prius in Latina lingua solidum iaciant fundamentum, quàm Artium liberalium, & in ijs, antequam Theologiæ

Scholasticæ; & quidem in hac, antequam Positivæ studijs se dedant, Sacræ Scripturæ vel eodem tempore vel postea addisci poterunt.

- 5 Linguae vero illæ in quibus scriptæ vel versæ fuerunt, prius aut posterius, ut Superiori pro varietate causarum occurrentium, ac diversitate personarum videbitur, disci poterunt. Itaque hoc eius prudentiæ relinquetur. Sed si linguarum studio nostri vacant inter cetera ad quæ discendum intentio feratur, illud sit, ut versionem ab Ecclesiâ approbatâ defendant.

- 6 Scholastici omnes lectiones publicorum Professorum iuxta Rectoris Collegij arbitrium audiant: qui quidem Professores siue de Societate illi sint, siue externi, optandum est, ut docti, diligentes, & assidui, & profectus studentium tam in lectionibus, quam in alijs litterarijs exercitationibus studiosi sint.

- 7 Bibliotheca communis, si fieri potest, in Collegijs habeatur; cuius clavis illis qui iuxta Rectoris iudicium habere debebunt, tradatur. Præterea quisque libros qui necessarii ei fuerint, habeat.

- 8 Scholastici in audiendis lectionibus sint assidui, & in eis prævidendis diligentes, & postquam eas audierint repetendis. ijs quæ non intellexerint interrogandis; alijs vero quæ oportuerit adnotandis; quò in posterum memoriæ defectui consulatur.

- 9 Rector autem Collegij id curæ habeat, ut videat, num Magistri, & discipuli suum in Domino officium faciant, nec ne.

Cum

- 10 Cum perutilis sit (præsertim Artium, ac Theologiae Scholasticae studiosis) disputandi usus; intersint Scholastici ordinarijs Scholarum, ad quas accedunt (licet non sint sub cura Societatis) disputationibus, & singulare sui specimē in doctrina præbere, modeste tamen, curent. Conuenit etiam singulis Dominicis, vel aliquo alio die hebdomadæ in Collegio nostro aliquem ex quauis Classe Artium & Theologiae studiosorum à Rectore designatum à pfandio (si aliqua ex causa peculiari impedimentum non accideret) aliquas positiones tuendas suscipere; quæ pridie eius diei sub vesperum valuis Scholarum (quo ad disputandum vel audiendum, qui vellent, conuenirent) essent affigendæ; quibus breuiter ab eo qui responsurus est, confirmatis, argumentari ex externis vel domesticis liceat cuiuscunque libuerit; aliquis tamē præsit oportet, qui argumentantes dirigat; & ex ea cōcertatione eliciat declararetque ad audientium vtilitatem doctrinā, quæ tenenda sit; qui signum etiam det finiendi ijs qui disputant; ac tempus sic distribuatur, vt omnibus, quoad eius fieri poterit, disputandi locus detur.
- 11 Præter hæc duo disputationum prædictarū genera, quotidie aliquod tempus designandum, quo in Collegijs præsidente aliquo, vt diximus, disputetur; ut ea ratione & ingenia magis exerceantur, & difficulta quæ in his facultatibus occurrent, magis ad Dei Gloriam elucidentur.
- 12 Qui Litteris Humanioribus vacant, sua etiam stata tempora ad conferendum & disputandum de ijs

ijs quæ pertinent ad studia illa, coram aliquo, qui eisdem dirigere possit habebunt; & Dominicis, vel alijs constitutis diebus, alternatim vel suæ facultatis positiones à prandio tuebuntur, vel se in componenda soluta oratione, aut carmine exercebunt; siue id ex tempore, proposito ibidem themate, ad explorandam promptitudinem fiat; siue Domini composita, de re prius proposita illic publice legantur.

- 13 Omnes quidem, sed præcipue Humaniorum Litterarum studiosi latine loquantur communiter, & memoriæ quod à suis Magistris præscriptum fuerit, commendent, ac stylum in compositionibus diligenter exerceant; nec desit qui eisdem corrigendis operam suam impendat. Licebit etiam nonnullis iuxta Rectoris arbitrium præter eos auctores qui præleguntur, quosdam etiam alios privato studio legere: & singulis hebdomadis die aliquo designato vnus ex profectionibus à prandio orationem latinam aut graecam de re aliqua ad edificationem domesticorum & externorum pertinente, qua ad perfectiora in Domino animentur, habeat.

- 14 Præterea Artium & Theologiæ studiosi potissimum, sed & reliqui suum habeant priuatum studium & quietum: quo melius & exactius ea quæ tractata sunt, intelligant.

- 15 Vt reprimi oportet quorundam cursum plus æquo concitatum in studijs; ita mouendi, incitandi, & animandi ad studia sunt alij, quibus id necessarium est: quod vt melius præstare possit Rector, intelli-

intelligat oportet per se, & per aliquem alium cui Syndici, vel Visitatoris Scholasticorum curam ipse dederit, quomodo Scholastici suū officium faciāt.

Quod si animaduerneret aliquem in studijs tem-
pus inutiliter terere, quod nolit aut certe non pos-
sit progressum in litteris facere; expedit illum ab
eis remouere, & eius loco alium, qui ad scopum di-
uini seruitij in Collegijs præfixū magis proficiat,
constituere.

- 16 Absoluto studio alicuius facultatis, eandem pri-
uatim repetere conueniet, auctorem vnum aliquē,
vel plures, quam prius, iuxta Rectoris arbitrium le-
gendo. Poterit autem ex ijs quæ ad eam facultatem
pertinent, si eidem Rectori visum fuerit, in scripta
breuius, distinctius, & accuratius redigere ea, quæ
prius in lectionum decursa scripserat, cum mino-
ri doctrina præditus erat, quam peracto studiorum
curriculo.

- 17 Suis constitutis temporibus se ad publicos actus
examinationum ac responsionum præparent; & ad
gradus consuetos, qui per diligentem examinatio-
nem digni inueniuntur, promoueri poterunt. Loca
tamen certa, vt ab omni ambitionis specie atque
ab alijs affectibus parū temperatis recedant, quā-
uis ea in Vniuersitate vbi gradum accipiunt dari
soleant, non accipiant; sed simul omnes extra nu-
merum se constituent; nec sumptus, qui pauperes
non deceant, in gradibus huiusmodi faciant; ad
quos sine humilitatis detrimento, non ob aliud,
quàm vt possint proximis ad Dei gloriam esse vti-
liores,

inde de ijs quæ ad Studia generalia pertinent, dicitur; cum eo fauore, quem diuina Sapientia ad maiorem gloriâ laudemq; suâ nobis dare dignabitur.

DE MEMORIA HABENDA
Fundatorum, & bene de Collegijs
meritorum. Cap. I.

- I **Q** Voniâ valde æquum est, vt (quod in nobis erit) illorum deuotioni ac beneficentiæ correspondeamus; quibus diuina bonitas ad foundationem ac adolationem Collegiorum vitur administris; Primum in quouis nostræ Societatis Collegio perpetuo singulis hebdomadibus Missa semel pro eius Fundatore & benefactoribus viuis & mortuis celebretur.
 - 2 **I**nitio itē cuiusq; mensis omnes Sacerdotes qui in Collegio fuerint, pro eisdem semel offerre idem Sacrificium perpetuo debeant. Singulis insuper annis, eo die quo Collegij cuiusque possessio Societati tradita est, cum solemnitate Missa pro Fundatore & benefactoribus celebretur: & id temporis in eodem Collegio quicunque Sacerdotes adfuerint, eodem sua referent Sacrificia.
 - 3 **E**odē die candela cerea Fundatori offeratur, aut vni ex suis, qui ipsi sit cognatione proxime coniunctus, aut illi demum quem ipse Fundator designauerit: in qua candela armorū Fundatoris, aut deuotionis insignia extent. Illa vero testabitur Societas, quam Fundatori in Domino debet, gratitudinem.
- Cum

4 Cum primum Societas in Collegij alicuius professionem venerit; Præpositus Generalis curet indici per vniuersam Societatem, vt quilibet Sacerdos ter Sacrum faciat pro superstitute Fundatore ipsius Collegij, ac benefactoribus: vt illos sua benignitate Dominus in rebus omnibus dirigat, & suis donis semper augeat. Rursus, cum ex hac vita illi excellerint, curabit idem Præpositus Generalis, vbi primum rescierit, vt per totam Societatem singuli Sacerdotes ter Sacrum pro animabus illorum faciant. Quoties autem dictum est, Missas esse à Sacerdotibus celebrandas; ceteri omnes, qui in Collegijs degunt, ac Sacerdotes non sunt, ad eandem illam intentionem orare debent: quandoquidem eiusdem gratitudinis nomine vtrique obligantur in Domino.

5 Fundatores præterea, ac benefactores Collegiorum; participes peculiariter efficiuntur omnium bonorum operum, quæ tum in ipsis Collegijs, tum in reliqua Societate Dei gratia fiunt.

6 In vniuersum autem tum Fundatoribus, tum etiã ipsorum necessarijs, & quoad viuunt, & postquam obierint, peculiariter sese deuinctã esse Societas ex charitate cognoscat: vt omni officio

illos prosequatur, quod à nobis præsta-

ri iuxta minimam hanc nostram

Professionem, ad diui-

nam gloriam

possit.

DE IIS QUÆ AD RES TEMPORALES Collegiorum pertinent.

Cap. II.

1 **A**D Collegia quæ libere Societati offeruntur, vt iuxta suas Constitutiones omnino eis vtatur, admittenda, Præpositus Generalis, nomine totius Societatis, plenam potestatem habebit.

2 Si Fundator aliquas conditiones exigeret, ordinis ac modo procedendi Societati consueto non omnino consentaneas; eidem Præposito Generali (auditis sententijs aliorum, quos ipse de huiusmodi rebus melius iudicare censebit) considerandum relinquatur, an omnibus perpensis, vtile sit futurum Societati ad finem diuini seruitij, quem sibi præfixit, huiusmodi Collegium admittere, nec ne. Sed si temporis decursu se grauari eo onere animaduertet Societas, poterit ipsa in Congregatione generali id proponere, & statuere vt relinquatur Collegium huiusmodi; vel prospicere, vt onus temperetur, vel certe, vt ad onus id ferendum vires maiores præbeantur. Hoc tamen dictum sit, si ante Congregationem huiusmodi Præpositus Generalis huic incommodo, prout in Domino conuenit, non occurrerit.

3 Ad relinquenda, uel alienanda Collegia, aut Domos iam admissas Præpositus Generalis simul cū ipsa Societate potestatem habebit. Cum enim id sit perinde, ac si membrum ab eius corpore præscinderetur, & res alioqui perpetua & maioris momenti

menti sit; cum ea vniuersa cōmunicari melius est;

4 In Collegijs Societatis nec curæ animarū; nec obligationes ad Missas celebrandas; neque aliæ huiusmodi admittantur; quæ à studijs distrahere admodum; & ea quæ in illis ad diuinum obsequium quæruntur, impedire solent: quemadmodum neque in Domibus alijs, vel Ecclesijs Societatis Professæ; quæ quoad eius fieri potest, expedita ad sedis Apostolicæ missiones obeundas; aliaque opera ad Dei obsequium & animarum auxilium esse debet.

5 Possessionem Collegiorum cum rebus temporalibus quæ ad ipsa spectant, capiet Societas; & Rectores qui ad id munus conueniens habeant talentum, constituet; qui curam suscipiant conseruandi, atque administrandi res ipsorum temporales, ac provideant necessitatibus tam materialis ædificij, quam Scholarium qui in ipsis Collegijs degunt, eorumque, qui disponuntur vt ad illa admittantur, atque eorum etiam, qui extra Collegia gerunt illorum negotia. Totius vero administrationis ratio Rectoribus constet: vt eam reddere, quando, & cui per Præpositū Generalem constituetur; possint. At Generalis cum nec in suum, nec in vllorum consanguineorum suorum; nec in Professæ Societatis vsum bona temporalia Collegiorū possit conuertere; eo purius sese in eorum superintendentia ad maiorem gloriam & seruitium Dei gerere poterit.

6 In ijs Collegijs quæ duodecim Scholasticos

(præter Præceptores) ex proprijs redditibus alere possunt, ob maiorem populi adificationem nec petantur eleemosynæ, nec illæ, aut dona vlla oblata admitrantur. Si redditus minores fuerint, quâ huius numero alendo sufficiant; admitti quidem, non autem peti aliquæ eleemosynæ possent, nisi tanta paupertate Collegium premeretur, ut etiam petere, saltem à quibusdam, esset necessarium. Tunc enim (maius diuinum obsequium & vniuersale bonum præ oculis semper habendo) peti eleemosynæ, imo & ostiatim ad tempus, quâocunque necessitas id exigeret, emendicari poterunt.

DE SCHOLASTICIS **QVI**
in Collegijs constituentur **Cap. III.**

- 1 **Q**uod ad Scholasticos attinet, ad quorum institutionem Collegia assumuntur, in primis quales esse debeant, ut ad ea vel mittantur, vel admittantur, considerare in Dño oportebit.
- 2 Primum omnium cum aliquo ex quinque illis impediementis in prima Parte dictis nullus in Collegio aliquo Societatis inter Scholasticos, collocari poterit. Et præter Coadiutores ad ministeria vel auxilium Collegij necessarios, reliqui huiusmodi esse debent, ut secundum rationem sperari possit, idoneos ad vineam Christi Domini Nostri exemplo ac doctrina excolendam esse euasuros. Hi autem quo magis ingeniosi, bonisque moribus ornati, &

fani corpore ad ferendos studiorū labores fuerint; eo magis idonei; & citius ad Collegia mitti, vel in eisdem admitti possunt.

3 Ad hæc, illi solum in Scholasticos approbaros admittuntur; qui in Domibus vel Collegijs ipsis probati fuerint; & biennio in varijs experimentis & Probationibus exacto, ad votis cum promissione de Societatis ingressu iam emissis, ad vitam in ipsa perpetuo ducendam ad gloriam Dei admittuntur.

4 Præter hos, studia quibusdam conceduntur, qui ante biennium & Probationes huiusmodi ad Collegia ex Domibus destinantur (quod sic in Domino expedire videatur) aut in eisdem admittuntur, non tamen approbati Scholastici censentur, donec biennio exacto & votis ad promissione illa emissis, in approbatorum numerum referantur;

·D·E·S·C·H·O·L·A·S·T·I·C·I·S·A·D·M·I·S·S·I·S·
conseruandis. Cap. IIII.

1 Ad conseruationem eorum qui in Collegijs sunt, in iis quæ ad corpus & res externas attinent, quod in Tertia Parte dictum est, sufficere. Ad tamē peculiari cura animaduertendum erit, vt temporibus valetudini corporis incommodis Scholastici non studeant, vt somno quantum temporis satis sit, tribuant, & in laboribus mentis modum seruent. Sic enim fiet, vt diutius in illis perseverare tā in litteris addiscendis, quā in eisdem exercendis.

ad Dei gloriam possint.

- 2 *ni* Quod attinet ad spiritualia, eadem erit ratio eorum qui in Collegijs, & qui in Domibus admittuntur, quandiu in Probationibus versantur. Post Probationem, cum studijs vacant, ut est cauendum, ne feruore studiorum intepescat solidarum virtutum, ac religiosæ vitæ amor, ita mortificationibus, orationibus, ac meditationibus prolixis eo tempore non adeo multum loci tribuetur. Quandoquidem litteris dare operam, quæ sincera cum intentione diuini seruitij addiscuntur, & quodammodo totum hominem requirunt, non minus, quam in illis versari tempore studiorum, immo magis Deo ac Domino Nostro gratum erit.

- 3 Itaque præter Sacramenta, Confessionis ac Cœmunionis (ad quæ octauo quoque die accedendum erit) & præter Missam, quam quotidie audient, horam vnā impendent recitando Beatissimæ Virginis officio, ac examinandis bis quotidie suis conscientijs, cum alijs orationibus pro cuiusque deuotione vsque ad prædictam horam explendam, si expleta non fuerit. Quæ omnia iuxta ordinationem ac iudicium Maiorum suorum, quibus Obedientiam Christi loco præstare debent, facient.

- 4 Aliqui (cuiusmodi esse possent Coadiutores illi, qui legere non didicerunt) præter Missam, horam etiam vnā recitando Rosario vel Coronæ Beatæ Mariæ Virginis cum duplici examine quotidiano, vel alijs orationibus pro cuiusque deuotione, ut de Scholasticis dictum est, impendent.

5 Ad deuotionis augmentum, & ad excitandam qua Deo obstricti sunt obligationis memoriam, & ad maiorem studentium in sua uocatione confirmationem bis annis singulis, in festis uidelicet Resurrectionis, ac Natiuitatis, simplicia Vota, quæ iuxta formulam in Quinta Parte, capite quarto dicendam emisserunt, congruum erit renouare. Et qui ea non emisisset, exacto biennio Probationis, ut in examine proponitur, emittet.

6 Cum ad publicas Scholas eundum erit (nā alia loca sine facultate Superiorum non petent) eant & redeant inuicem associati cum ea modestia interiori ac exteriori, quæ ad sui & aliorum ædificationem conueniat: & eorum colloquia cum Scholasticis externis sint solum de rebus ad litteras vel profectum spiritus pertinentibus; prout ad maiorem Dei gloriam omnibus utilius fore iudicabitur.

DE DOCTRINA, CUI SCHOLASTICI Societatis Studere debent.

Cap. V.

1 Cvm doctrinæ quæ in hac Societate addiscitur, hic scopus sit, suis & proximorum animis Dei fauore aspirante prodesse; hæc erit in vniuersum, & in particularibus personis mensura, ex qua quibus facultatibus addiscendis nostri incumbere, & quousque in eis progredi debeant, statuatur. Et quia generatim loquendo, Litteræ Humaniores diuersarum linguarum, Logica itidem, naturalis ac

moralis Philosophia, Metaphysica, & Theologia tam quæ Scholastica, quàm quæ Positiua dicitur, & sacra scriptura ad id iuuant; harum facultatum studijs operam dabūt, qui ad Collegia mittuntur; & quidem maiori cum diligentia illis vacabunt, quæ ad finem prædictum, habita ratione temporis, loci, & personarum, &c. supremus Moderator studiorum magis in Domino conuenire iudicabit.

- 2 Ad particulares personas descendendo, quid hi, vel illi addiscere debeant, Superiorum prudentiæ relinquetur; qui tamen indole ingenij præditus esset, quo in dictis facultatibus solidius fundamentū iaceret, eo rem vtiliorem faceret.

- 3 De tempore alicui ex his scientijs impèdendo, & quando ad vltiores sit progrediendum, Rector adhibita examinatione conuenienti considerabit, & statuet.

- 4 Sequantur in quauis facultate securiorem & magis approbatam doctrinam; & eos auctores, qui eam docent; cuius rei penes Rectorem (qui, quod statuetur in vniuersa Societate ad maiorem Dei gloriam, sequuturus est) cura sit.

QVOMODO INVENTVT SCHOLASTICI AD HAS FACULTATES BENE ADDISCENDAS.

Cap. q. VI.

- 1 Vt autem Scholastici plurimum in his facultatibus proficiant; in primis animæ puritatē custodire, ac rectam studiorum intentionem habere

re contentur; nihil aliud in litteris, quam diuinam gloriam & animarum fructum quærentes; & in suis orationibus gratiam, vt in doctrina proficiant ad hunc finem, crebro petant.

2 Præterea serio & constanter animum studijs applicare deliberent; sibi que persuadeant; nihil gratius se Deo facturos in Collegijs; quam si cum ea intentione, de qua dictum est; studijs se diligenter impendant. Et licet nunquam ad exercenda ea quæ didicerint, perueniant; illum tamen studendi laborem ex Obedientia & charitate (vt par est) susceptum, opus esse magni meriti in conspectu diuinæ ac summæ Maiestatis, apud se statuant.

3 Impedimenta etiam remoueantur, quæ à studijs animum auocant, tam deuotionum ac mortificationum, quæ vel nimis vel sine ordine debito suscipiuntur, quam curarum & exteriorum occupationum, quæ Domi in officijs domesticis, & foris in colloquijs, Confessionibus, atque alijs erga proximos functionibus assumuntur: quatenus ab eis declinari in Domino poterit. Est enim consultum, quo alijs postea utiliôres cum doctrina quam didicerint, se præbeant, huiusmodi exercitia (licet pia) donec studia sint absoluta, differri: quandoquidem non deerunt alij, qui ea interim exerceant. Et hæc quidem omnia maiori cum desiderio obsequij & gloriæ diuinæ fiant.

4 In disciplinis ordo seruandus est; vt prius in Latina lingua solidum iaciant fundamentum, quàm Artium liberalium, & in ijs, antequam Theologiæ

Scholasticæ; & quidem in hac, antequam Positiuæ studijs se dedant. Sacræ Scripturæ vel eodem tempore vel postea addisci poterunt.

- 5 Linguae vero illæ, in quibus scriptæ vel versæ fuerunt, prius aut posterus, vt Superiori pro varietate causarum occurrentium, ac diuersitate personarum videbitur, disci poterunt. Itaq; hoc eius prudentiæ relinquetur. Sed si linguarum studio nostri vacant inter cetera ad quæ discendum intentio feratur, illud sit, vt versionem ab Ecclesia approbatâ defendant.

- 6 Scholastici omnes lectiones, publicorum Professorum iuxta Rectoris Collegij arbitrium audiant: qui quidem Professores siue de Societate illi sint, siue externi, optandum est, vt docti, diligentes, & assidui, & profectus studentium tam in lectionibus, quam in alijs litterarijs exercitationibus studiosi sint.

- 7 Bibliotheca communis, si fieri potest, in Collegijs habeatur; cuius clauis illis qui iuxta Rectoris iudicium habere debebunt, tradatur. Præterea quisque libros qui necessarij ei fuerint, habebit.

- 8 Scholastici in audiendis lectionibus sint assidui, & in eis præuidendis diligentes, & postquam eas audierint repetendis. ijs quæ non intellexerint interrogandis, alijs vero quæ oportuerit adnotandis; quod in posterum memoriæ defectui consulatur.

- 9 Rector autem Collegij id curæ habeat, vt videat, num. Magistri, & discipuli suum in Domino officium faciant, nec ne.

10 Cum perutilis sit (præsertim Artium, ac Theologia Scholastica studiosis) disputandi usus, inter sint Scholastici ordinarijs Scholarum, ad quas accedunt (licet non sint sub cura Societatis) disputationibus, & singulare sui specimē in doctrina præbere, modestè tamen, curent. Conuenit etiam singulis Dominicis, vel aliquo alio die hebdomadæ in Collegio nostro aliquem ex quauis Classe Artium & Theologiæ studiosorum à Rectore designatum à ptandio (si aliqua ex causa peculiari impedimentum non accideret) aliquas positiones tuendas suscipere; quæ pridie eius diei sub vesperum valuis Scholarum (quo ad disputandum vel audiendum, qui vellent, conuenirent) essent affigendæ; quibus breuiter ab eo qui responsurus est, confirmatis, argumentari ex externis vel domesticis liceat cuiuscunque libuerit aliquis tamē præsit oportet, qui argumentantes dirigat; & ex ea cōcertatione eliciat declararetque ad audientium vtilitatem doctrinā, quæ tenenda sit; qui signum etiam det finiendi ijs qui disputant, ac tempus sic distribuat, vt omnibus, quoad eius fieri poterit, disputandi locus detur.

11 Præter hæc duo disputationum prædictarū genera, quotidie aliquod tempus designandum, quo in Collegijs præsidente aliquo, vt diximus, disputetur; ut ea ratione & ingenia magis exerceantur, & difficilia quæ in his facultatibus occurrent, magis ad Dei Gloriam elucidentur.

12 Qui Litteris Humanioribus vacant, sua etiam statuta tempora ad conferendum & disputandum de ijs

ijs quæ pertinent ad studia illa, coram aliquo, qui eisdem dirigere possit habebunt; & Dominicis, vel alijs constitutis diebus, alternatim, vel suæ facultatis positiones à prandio tuebuntur, vel se in componenda soluta oratione, aut carmine exercebunt; siue id ex tempore, proposito ibidem thematico, ad explorandam promptitudinem fiat; siue Domi composita, de re prius proposita, illic publice legantur.

13 Omnes quidem, sed præcipue Humaniorum Literarum studiosi, latine loquantur communiter, & memoriæ quod à suis Magistris præscriptum fuerit, commendent, ac stylum in compositionibus diligenter exerceant; nec desit qui eidem corrigendis operam suam impendat. Licebit etiam nonnullis iuxta Rectoris arbitrium præter eos auctores qui præleguntur, quosdam etiam alios privato studio legere: & singulis hebdomadis die aliquo designato unus ex profectionibus à prandio oratione latinam aut græcam de re aliqua ad edificationem domesticorum & externorum pertinente, qua ad perfectiora in Domino animentur, habeat.

14 Præterea Artium & Theologiæ studiosi potissimum, sed & reliqui suum habeant priuatum studium & quietum; quo melius & exactius ea quæ tractata sunt, intelligant.

15 Ut reprimi oportet quorundam cursum plus æquo concitatum in studijs; ita mouendi, incitandi, & animandi ad studia sunt alij, quibus id necessarium est: quod ut melius præstare possit Rector, intelli-

intelligat oportet per se, & per aliquem alium cui Syndici, vel Visitatoris Scholasticorum curam ipse dederit, quomodo Scholastici suū officium faciāt.

Quod si animaduerteret aliquem in studijs rempus inutiliter terere, quod nolit aut certe non possit progressum in litteris facere; expedit illum ab eis remouere, & eius loco alium, qui ad scopum diuini seruitij in Collegijs præfixū magis proficiat, constituere.

16 Absoluto studio alicuius facultatis, eandem priuatim repetere conueniet, auctorem vnum aliquē, vel plures, quam prius, iuxta Rectoris arbitrium legendo. Poterit autem ex ijs quæ ad eam facultatem pertinent, si eidem Rectori visum fuerit, in scripta breuius, distinctius, & accuratius redigere ea, quæ prius in lectionum decursu scripserat, cum minori doctrina præditus erat, quam peracto studiorum curriculo.

17 Suis constitutis temporibus se ad publicos actus examinationum ac responsionum præparent; & ad gradus consuetos, qui per diligentem examinationem digni inueniuntur, promoueri poterunt. Loca tamen certa, vt ab omni ambitionis specie atque ab alijs affectibus parū temperatis recedant, quauis ea in Vniuersitate vbi gradum accipiunt dari soleant, non accipiant; sed simul omnes extra numerum se constituent; nec sumptus, qui pauperes non deceant, in gradibus huiusmodi faciant; ad quos sine humilitatis detrimento, non ob aliud, quam vt possint proximis ad Dei gloriam esse vtiliores,

- liores promoueri debent.
- 18 Num autem his qui iam studiorum suorum cursum peregerunt, prælegere priuatim vel publice ad suam vel aliorum vtilitatem conueniat; penes Superiorem id erit iudicium, qui quod magis in Domino expedire videbitur, statuet.

DE SCHOLIS COLLEGIORVM

Societatis. Cap. VII.

- 1 **H**abitatio ratione non solum profectus in litteris Scholasticorum nostrorum, sed etiã profectus in litteris & moribus externorum, quos in nostris Collegijs instituendos suscepimus, Scholæ publicæ, vbi commodè id fieri poterit, aperiantur, saltem in disciplinis humanioribus. In grauioribus autem disciplinis pro locorum in quibus Collegia fuerint ratione, semper quid Deo gratus sit ante oculos habendo, aperiri poterunt.

- 2 Teneatur in huiusmodi Scholis is modus, quo externi Scholastici in ijs quæ ad doctrinam Christianam pertinent, bene instituantur; cureturque quoad eius fieri poterit, vt singulis mensibus ad Sacramentum Confessionis accedant, & verbum Dei frequenter audiant; & demum cum litteris mores etiã Christianis dignos hauriant: Et quia in particularibus multũ varietatis esse oportebit, pro varietate locorum, & personarum singula persequi non est huius loci. Id tamen dictum sit, in quouis Collegio Regulas, quæ ad omnia necessaria descendant, consti-

constitui debere. Hoc tamen commendatum hoc loco volumus, ne externis Scholasticis correctio, quoad illis opus erit, desit; quæ tamen per aliquem de ipsa Societate exercenda non erit.

- 3 Cum tam proprium sit nostræ Professionis, nullum temporale præmium accipere pro spiritalibus ministerijs, in quibus iuxta nostrum Institutum in proximorum auxilium occupamur; non conuenit ullam Collegij dotationem admittere, per quam ad dandum Concionatorem, aut Confessarium, aut lectorem aliquem Theologiæ, Societas obligetur. Quamuis enim æquitatis & gratitudinis ratio nos ad seruendum cum maiori diligentia in dictis ministerijs, quæ nostri Instituti sunt propria, moueat, in Collegijs quæ maiori cum liberalitate & deuotione fundata sunt; non tamen sunt recipiendæ obligationes vel conditiones, quæ sinceritatem impediunt nostri in procedendo modi, qui est, dare gratis, quæ gratis accepimus: quamuis pro eorum sustentatione, qui communi bono Collegiorum seruiunt, vel propter illud student, dotatio quam Fundatorum charitas assignare ad gloriam diuinam solet, admittatur.

DE SCHOLASTICIS INSTI-

tuendis in ijs quæ ad proximos suos iuuantibus pertinent. Cap. VIII

- 1 **S**copum illum intuenso ad quem studia Societatis diriguntur, sub ipsorum finem congruum erit

erit vt ad arma spiritualia in proximorum auxiliū tractanda assuescere incipiant. Quamuis enim id proprie magis & diutius in Domibus fiat, poterit tamen in Collegijs inchoari.

2. Primum illi qui iuxta Superioris iudicium ad sacros Ordines erunt promouendi, in ratione Missæ dicende, vt præter intelligentiam & deuotionē internam, decentem etiam habeant exteriorē modum ad audientium ædificationē, instituātur; & cerimonijs eisdem omnis Societas, quantum fieri potest, vtatur: in quibus vsum Romanum vt magis vniuersalem, & quem peculiari quadam ratione Sedes apostolica amplexa est, quantum patietur regionum varietas, sequetur.

3. In concionibus etiam, & sacris lectionibus eo modo proponendis, qui ædificationi populi conueniat (qui à Scholastico diuersus est) se etiam exerceant; studeantque ad id munus obeundum linguā populo vernaculam bene addiscere, Res etiā alias vidisse oportet, & præ manibus habere, quæ ad hoc officium vtiliores futuræ sunt; ac demum vt melius & cū maiori fructu animarū id munus obeāt, omnibus medijs vtantur quibus commode iuuari possint.

4. In ministerio etiam Sacramentorum Confessionis, & Communionis sese exerceant; & non solum quod ad ipsorum, sed etiam quod ad pænitentium, & communicantium officium pertinet, vt bene ac vtiliter ad Dei gloriam ea percipiant, & frequentent, perspectum habere, ac exequi curent.

- 5 Ad exercitia spiritualia alijs tradenda, postquā quisque in se ea fuerit expertus, assuescant; & dent operam omnes, vt & eorum reddere rationem, & in hoc armorum spiritualium genere tractando (quod Dei gratia ab ipsius obsequium tantopere conferre cernitur) dexteritatem habere possint.
- 6 2^a Studium etiam congruum in modo tradendæ doctrinæ Christianæ, qui sit captui puerorum ac rudium accommodatus, adhibeatur.
- 7 2^a Vt in superius dictis proximi ad bene viuendum iuuantur; ita curandum est, vt ea quæ ad bene moriendum illis conferunt, percipiantur; quique modus in eo tempore, in quo tantum est momenti ad finem vltimum æternæ felicitatis consequendum, vel ab ea excidendum, teneri debeat, intelligatur.
- 8 2^a In vniuersum loquendo, edoceri eos conuenit, quem modū tenere oporteat huius Societatis operarios, qui in tam varijs mundi regionibus, tamq; tam diuersis hominum generibus versari debent, antevertendo incommoda quæ possunt accidere: & emolumenta, quæ ad maius Dei seruitium conferant, captando; omnibus rationibus adhibitis, quæ possunt adhiberi. Et quamuis hoc sola vnctio sancti Spiritus, & ea prudentia quam communicare solet Dominus illis qui in diuina sua Maiestate confidunt, docere possit, via saltem aliquo modo quibusdam documentis quæ inuent, & ad effectum diuinæ gratiæ disponant, aperiri potest.

DE GVBERNATIONE

Collegiorum. Cap. X.

- 1 **S**upremam curam vel superintendentiam Collegiorum iuxta Sedis Apostolicæ Litteras Professæ Societas habebit. Cum enim quidquam prius tæ utilitatis ex redditibus quærere, vel in suū vsum conuèrtere non possit; est valde probabile quòd maiori cum puritate ac spiritu constantius ad diuturnius procedet in ijs quæ ad bonū regimen Collegiorum ad maius Dei ac Domini Nostri obsequium prouideri conuenit.
- 2 Præter id autem quod ad Constitutiones, & dissolutionem, vel alienationem huiusmodi Collegiorum pertinet, vniuersa potestas & administratio, & vt in genere dicatur, huius superintendentiæ executio penes Præpositum Generalem erit; qui finem illum ad quem Collegia & Societas tota contendit, præ oculis habens melius quid eisdem conueniat, intelliget.
- 3 Per se ergo, vel per alium cui suam facultatem communicauerit in hac parte, Præpositus Generalis Rectorem vt præsit cuicunque Collegio, aliquem ex Coadiutoribus Societatis constituet; qui Præposito Prouinciali, vel cui Generalis præscripserit, rationem sibi assignati muneris reddet. Et penes eundem erit Præpositum Rectorem amouere, talique cura, prout ei cōuenientius in Domino videbitur, liberare.
- 4 Curandum est autem vt ille cui Rectoris officium imponitur, magni sit exempli, magnæ ædificationis,

cationis, magnæ etiam mortificationis in omnibus prauis inclinationibus, & in Obedientia præcipue, ac humilitate probatus; qui donum etiam discretionis habeat, ad gubernandum idoneus, in rebus agendis versatus, in spiritualibus exercitatus sit; qui seueritatem suo tempore & loco cum benignitate miscere nouerit; qui sollicitus, qui patiens laborum qui etiam in litteris eruditus sit, & demum eiusmodi; cui confidere, cuique suam potestatem tuto communicare Præpositi Superiores possint; quandoquidē quo hæc potestas maior erit, eo melius regi Collegia ad maiorem Dei gloriā poterūt.

5 Rectoris officium erit, in primis oratione & sanctis desiderijs totū Collegium velut humeris suis sustinere: Deinde curare vt Constitutiones obseruentur; omnibus Collegialibus cum omni solitudine inuigilare, eosdemque ab ijs quæ nocere possint Domi & foris, defendere; tum præueniendo, tum etiam, siquid mali accideret, remedium adhibendo, vt ad singulorum & vniuersale bonum conuenit; vtque in virtutibus & litteris proficiant curando; sanitatem eorum, & bona etiam Collegij tam stabilia, quàm mobilia conseruando; eos qui officia gerant domestica, prudenter constituendo; & quomodo suis fungantur officijs, considerando; & prout in Domino conuenire iudicabit, vel in eisdem ministerijs detinendo, vel ab ijsdem remouendo. Et generatim loquendo, curet vt quæ in superioribus capitibus dicta sunt, quæ quidem ad Collegia spectant, obseruentur. Memor sit etiam subordinationis

dinationis integre obseruandæ in Obedientia, non solum ad Generalem, sed ad Prouincialem quoque; certiorẽ eum de quibus oportet, reddendo, ad eumque referendo quæ maioris erunt momenti; & quæ ab ipso iniuncta fuerint (quandoquidẽ ipsum Superiorem habet) exequendo; vt æquum est ad se referri, sibi que Obedientiam præstari ab ijs qui in Collegio degunt; qui quidem Rectorem suum magnopere reuereri ac venerari, vt qui Christi Domini Nostri vices gerit, debebunt; liberam sui ipsorum retumque suarum dispositionem cum vera Obedientia ipsi relinquendo: nihil ei clausum, ne conscientiam quidẽ propriam, tenendo, quam ei aperire (vt in Examine dictum est) suis constitutis temporibus, & sæpius, si causa aliqua id posceret, oportebit; non repugnando, non contradicendo, nec vlla ratione iudiciũ proprium ipsius iudicio contrarium demonstrando: vt per vnionem eiusdem sententiæ & voluntatis, atque per debitam submissionem, melius in diuino obsequio conseruentur, & progrediantur.

- 6 Ad bonam Domus gubernationem non solum numerum necessarium officialium Rector prouideat; sed vt idonei sint, quoad eius fieri poterit, ad suas functiones, curet: cuique suas Regulas, vbi, quæ ad singulorum officia pertinent, contineantur, tradat: & ne se hic in illius officium ingerat, videat. Præterea, vt eis prospicere de subsidio, si necessarium id fuerit, debet; ita cum tempus vacuum illis fuerit, vt vtiliter illud im-

- pendant diuino seruitio, curet.
- 7 Inter officiales Rectori necessarios, in primis Minister idoneus, qui Vicerector vel Magister Domus sit, & omnibus quæ ad bonum vniuersale pertinent, provideat, est deligendus. Syndico etiam ad exteriora obseruanda, & aliquo qui rebus spiritualibus superintendat, & duobus alijs, vel pluribus, quorum prudentiæ & probitati multum confidat, opus est: vt cum eis de ijs quæ difficiliora, & ad Dei gloriam maiorem communicanda videbuntur, conferre possit. Sunt & alij ad particularia officia necessarij.
- 8 Curet rector, ut in suo officio cuique integram Obedientiam Collegiales præstent, & alij officiales Ministro, & sibi etiam ipsi, prout idem præscripserit. Illud in vniuersum admonuisse cõuenit, eos qui curam aliorum suæ Obedientiæ subditorum habent, præire eisdem exemplo Obedientiæ, quam suis Superioribus Christi loco ipsimet præstent, oportere.
- 9 Ad omnia conferet temporis ordo in studijs, orationibus, Missis, lectionibus, cibo, somno, & in reliquis seruatus: & signum cõstitutis horis detur, quo audito omnes statim vel imperfecta littera relicta ad id ad quod vocantur se conferant. Erit autem penes Rectorem, uel eum qui primas tenebit, id curæ, vt videat, quando hæc horæ pro temporû, vel aliarum causarum occurrentium ratione mutandæ sint: & quod ipse statuerit, obseruetur.
- 10 Rector ipse legere, aut docere Christianam doctrinam

Strinam quadraginta dies debet. Videat etiam, quæ ex Collegialibus, & ad quem vsque, limitem Domi & foris in colloquijs, spiritualibus exercitijs tradendis, Confessionibus audiendis, tum etiam in concionibus, vel lectionibus, vel doctrina Christiana tradenda, partim ad ipsorum exercitationem (præcipue sub finem studiorum) partim ob aliorum domesticorum, vel externorum fructum alijs se communicare debeant: & in omnibus quod senserit diuinæ ac summæ bonitati gratus, & ad ipsius obsequium ac gloriam maiorem, omnibus perpen sis, prouideat.

DE VNIVERSITATIBVS

in Societate admittendis.

Cap. XI.

- I** **E** Adem charitatis ratio qua Collegia admittuntur, & publicæ Scholæ in eis; non tantum ad nostrorum, sed magis etiam ad externorum edificationem in doctrina & moribus, tenentur, extendi poterit ad Vniuersitatum curam suscipiendam; ut in eis hic fructus extendatur, latiusque pateat tam in scientijs quæ traduntur, quàm in hominibus qui ad eas conueniunt, & gradibus ad quos promouentur; vt alijs in locis cum auctoritate docere possint, quod in his bene ad Dei gloriam didicerint.
- 20** Quibus tamen conditionibus & obligationibus æquibusque in locis huiusmodi Vniuersitates admitti debeant, ei qui supremam curam Societatis ha-

bet, iudicandum relinquitur: qui Assistentium sibi auditis sententijs, & aliorum quos in consilium adhiberi volet, per se ipsum deliberare poterit an sint admittendæ. Non tamen, postquam admisse fuerint, sine Congregatione generali per eum dissolui poterunt.

- 3 Quia tamen religiosa quies, & spirituales occupationes nec animi distractionem, nec alia incommoda, quæ iudicandi in rebus civilibus vel criminalibus officium sequi solent, Societati permittunt, iurisdictio huiusmodi quam per se vel per alios à se dependentes exercere debeat Societas, non admittatur: quamuis ad ea quæ ad bonum statum vniuersitatis proprie pertinent, conueniat iustitiæ ordinariæ, siue secularis siue ecclesiasticæ, ministros circa punitionem Scholasticorum, voluntatē Rectoris Vniuersitatis sibi significatam exequi, & generatim res studiorum fauore suo præsertim cū à Rectore fuerint commendatæ, promouere.

DE SCIENTIIS QUÆ TRADENDÆ sunt in Vniuersitatibus Societatis.

Cap. XII.

- I Cū Societatis atq; studiorum scopus sit, proximos ad cognitionem & amorem Dei, & salutem suarum animarum iuuare; cumque ad eum finem, medium magis proprium sit facultas Theologie; in hanc potissimum Societatis Vniuersitates incumbunt, ac diligenter per idoneos admodum
- Præ-

Præceptores, quæ ad Scholaſticam doctrinam, & ſacras Scripturas pertinent, ac etiam ex Poſitiua, quæ ad hunc finem nobis præfixum conueniunt (non attingendo tamen eam partem Canonum, quæ foro contentioſo inſeruit) pertractabunt.

2 Et quia tã doctrina Theologiæ, quam eius vſus exigit (his præſertim temporibus) litterarum humaniorum, & Latinæ, ac Græcæ, & Hebraicæ Linguae cognitionem; harum etiam idonei Profeſſores, & quidem iuſto numero, conſtituentur. Aliarum præterea linguarum, qualis eſt Caldaica, Arabica, & Indica, vbi neceſſariæ vel viles ad dictum finem viderentur, habita regionum diuerſarum, & cauſarum quæ ad eas docendum mouent; ratione, poſſent Præceptores conſtitui.

3 Sic etiam quoniam Artes, vel Scientiæ naturales ingenia diſponunt ad Theologiam, & ad perfectam cognitionem & vſum illius inſeruiunt, & per ſeipſas ad eundem finem iuuant; qua diligentia par eſt, & per eruditos Præceptores, in omnibus ſincere honorem & gloriam Dei quærendo, tractentur.

4 Medicinæ, & Legum ſtudiũ vt à noſtro Inſtituto magis remotum, in vniuerſitatibus Societatis vel non tractabitur, vel ſaltem ipſa Societas per ſe id oneris non ſuſcipiet.

DE MODO ET ORDINE

etiamque prædictas facultates tractandi.

Cap. XIII.

1 **A**D tractanda tam facultatum inferiorum quam Theologiae studia, dispositio & ordo conueniens tam mane quam vesperi seruandus est.

2 Et quamuis pro regionum, & temporum diuersitate in ordine, & statutis horis studio tribuendis, possit varietas accidere; omnes tamen in eo conueniant, ut ubique fiat, quod inibi magis expedire ad maiorem in litteris profectum existimabitur.

3 Nec solum lectiones sint, quæ publice prælegantur; sed Magistri etiam diuersi pro capto & numero audientium constituentur: qui quidem profectum vniuscuiusque ex suis Scholasticis speciatim procurent, & lectionum rationem exigant; utque eas repetantur, & studiosi Litterarum Humaniorum familiarem sermonem latine communiter loquendo, & stylum, scribendo, ac pronunciationem, composita bene pronunciando expoliant, curet; & his, ac multo magis facultatum superiorum studiosis crebras disputationes imponant; quibus dies & hora certæ constituentur; ubi non solum cum condiscipulis, verum paulo inferiores cum aliquanto prouectioribus disputent in ijs quæ ipsi capiunt: quod etiam vice versa prouectiores cum minus prouectis, ad ea quæ illi tractant descendendo, & Præceptores alij cum alijs præstabunt, semper qua decet modestia obseruata; & aliquo præfidente, qui con-

attentionem

tentionem dirimat, & quid doctrinae elici oporteat ex disputatis, declaret.

4. Erit itidem Rectoris, per se, vel per Cancellarium semper obseruare, vt qui noui accedunt, examinentur; & in ijs classibus, cumq; ijs Præceptoribus, qui ipsis conueniunt, collocentur: & eius discretioni (audita sententia eorum, qui ad id munus designati sunt) relinquetur, num diutius in eadem classe manere, an ad aliam vltcrius progredi debeant. Eiusdem erit iudicium de studio linguarum, præter Latinam, num Artibus, & Theologiæ anteponi, an postponi, & quamdiu in eis quemque hærrere oporteat. Sic etiam in alijs scientijs superioribus propter ingeniorum & ætatum inequalitatem, aliaque consideratione digna, ad eundem pertinebit expendere, quantum quisq; eas discere, & quamdiu in eisdem versari debeat; quamuis ij qui ætate & ingenij aptitudine pollent, melius sit, vt in omnibus proficere, & conspicui esse ad Dei gloriam emicantur.

5. Vt assiduitas in litterario exercitio, sic & aliqua remissio necessaria est. Quanta hæc esse debeat, & quibus temporibus, prudenti considerationi Rectoris, expensis circumstantijs personarum & locorum, relinquetur.

DE LIBRIS QUI PRÆLEGENDI
sunt. Cap. XIII.

1. Generatim (vt dictum est, cū de Collegijs ageretur) illi prælegantur libri, qui in quauis facultate

cultate solidioris ac securioris doctrinæ habebuntur. Nec illi sunt attingendi, quorum doctrina, uel auctores suspecti sint. Hi tamen particulatim in quauis Vniuersitate nominentur.

In Theologia legetur vetus & nouum Testamentum, & doctrina Scholastica Diui Thomæ; & in ea, quam Positiuam vocant, eligentur ij auctores, qui ad scopū nostrū magis conuenire videbuntur.

- 2 Quod attinet ad libros Humaniorum Litterarum Latinos, vel Græcos, abstinēatur in vniuersitatibus quoque, quemadmodum in Collegijs, quo ad eius fieri poterit, ab eis iuuentuti prælegendis, in quibus sit aliquid, quod bonis moribus nocere queat; nisi prius à rebus, & verbis inhonestis purgati sint.

- 3 In Logica, & Philosophia Naturali, & Morali, & Metaphysica, doctrina Aristotelis sequenda est; & in alijs Artibus liberalibus, & in commentarijs tam Huiusmodi auctorum, quam Humaniorum Litterarum, habito eorum delectu, nominentur ij, quos videre discipuli, quosque ipsi Præceptores præ alijs in doctrina quam tradunt, sequi debeant. Rector autem in omnibus quæ statuerit, procedet iuxta id, quod in vniuersali Societate magis conuenire ad Dei gloriam iudicabitur.

DE CURSIBVS, ET GRADIBVS.

Cap. XV.

- 1 IN Litteris Humanioribus, & linguis cursus temporis limitatus ad earum studium absoluendū esse

esse nequit, propter ingeniorum & doctrinæ auditorum varietatem, multasq; alias causas; quæ non aliam temporis præfinitionem, quam quæ unicuique conuenire iuxta prudentis Rectoris, vel Cancellarij arbitrium videbitur, permittunt.

2 In Artiũ studio cursus erunt ordinandi, in quibus sciẽtiæ Naturales (ad quas minus quam trium annorum spatium satis non erit) prælegantur; præter quos medius adhuc annus ad audita repetenda, & actus Scholasticos celebrandos, & gradum Magisterij suscipiendum ijs qui eum suscepturi sunt, relinquetur. Cursus ergo integer trium erit annorum cum dimidio, vsque ad promotionem ad Magisterium. Singulis autem annis vnus huiusmodi cursus inchoabitur, & alius cum diuino auxilio absoluetur.

3 Theologiæ curriculum sex annis emetietur. In primis quatuor, ea omnia quæ legi oportebit, prælegentur; in duobus reliquis, præter repetitionem, actus soliti ad gradum Doctoratus ab ijs qui promouendi sunt, absoluentur. Quarto quoque anno ordinariè cursus inchoabitur, sic libris prælegendis distributis, vt quolibet quatuor annorum quouis studiosus inchoare possit; & quod reliquum est incœpti quadriennij, & eius quod sequitur quadriennij, vsque ad illum terminum, vnde incœperat, audiendo, quatuor annis peragere omnino cursum Theologiæ.

4 In gradibus tam Magisterij Artium, quàm Doctoratus Theologiæ tria obseruentur; Primum, ne quis

erit vt ad arma spiritualia in proximorum auxilio tractanda assuescere incipiant: Quamuis enim id proprie magis & diutius in Domibus fiat, poterit tamen in Collegijs inchoari.

2. Primum illi qui iuxta Superioris iudicium ad sacros Ordines erunt promouendi, in ratione Missæ dicende, vt præter intelligentiam & deuotionem internam, decentem etiam habeant exteriorē modum ad audientium ædificationem, instituuntur; & ceremonijs eisdem omnis Societas, quantum fieri potest, vtatur: in quibus vsum Romanum vt magis vniuersalem, & quem peculiari quadam ratione Sedes apostolica amplexa est, quantum patietur regionum varietas, sequetur.

3. In concionibus etiam, & sacris lēctionibus eo modo proponendis, qui ædificationi populi conueniat (qui à Scholastico diuersus est) se etiam exerceant; studeantque ad id munus obeundum linguā populo vernaculam bene addiscere, Res etiā alias vidisse oportet, & præ manibus habere, quæ ad hoc officium vtiliores futuræ sunt; ac demum vt melius & cū maiori fructu animarū id munus obeāt, omnibus medijs vtantur quibus commodè iuuari possint.

4. In ministerio etiam Sacramentorum Confessionis, & Communionis sese exerceant; & non solum quod ad ipsorum, sed etiam quod ad penitentium, & communicantium officium pertinet, vt bene ac vtiliter ad Dei gloriam ea percipiant, & frequentent, perspectum habere, ac exequi curent.

Ad

- 5 Ad exercitia spiritualia alijs tradenda, postquã quisque in se ea fuerit expertus, assuecant; & dent operam omnes, vt & eorum reddere rationem, & in hoc armorum spiritualium genere tractando (quod Dei gratia ab ipsius obsequium tantopere conferre cernitur) dexteritatem habere possint.
- 6 2^a Studium etiam congruũ in modo tradendæ doctrinæ Christianæ, qui sit captui puerorum ac rudium accommodatus, adhibeatur.
- 7 2^a Vt in superius dictis proximi ad bene viuendum iuuantur; ita curandum est, vt ea quæ ad bene moriendum illis conferunt, percipiantur; quique modus in eo tempore, in quo tantum est momenti ad finem vltimum æternæ felicitatis consequendum, vel ab ea excidendum, teneri debeat, intelligatur.
- 8 In vniuersum loquendo, edoceri eos conuenit, quem modũ tenere oporteat huius Societatis operarios, qui in tam varijs mundi regionibus, cumq; tam diuersis hominum generibus versari debent, antevertendo incommoda quæ possunt accidere: & emolumenta, quæ ad maius Dei seruitium conferunt, capiendo; omnibus rationibus adhibitis, quæ possunt adhiberi. Et quamuis hoc sola vnctio sancti Spiritus, & ea prudentia quam communicare solet Dominus illis qui in diuina sua Maiestate confidunt, docere possit, via saltem aliquo modo quibusdam documentis quæ inuent, & ad effectum diuinæ gratiæ disponant, aperiri potest.

DE SCHOLASTICIS

DE studio litterarum educendis

Capitulum IX.

- 1 **E**X Collegijs nonnulli propter causas in secun-
da Parte dictas, & modo inibi explicato edu-
cantur; vt alij qui ad diuinum seruitium magis
proficiant, eisdem succedant. Eadem siquidem in
hac parte Domorum, & Collegiorum est ratio: huius
- 2 Aliqui etiam aliquando educuntur, quod ipsis
ad maiorem in spiritu vel in litteris profectum a-
lio transferri, vel quod ad vniuersale bonum So-
cietatis conueniat, vt accideret, si qui Artium cur-
riculum in aliquo Collegio emensus esset, vt eas-
dem alibi praelegeret, ante Theologiae studium
educeretur. Et idem dictum sit, si qua in re alia
ad maius Dei obsequium & gloriam essent oc-
cupandi.
- 3 Communis autem modus educendi Scholasti-
cos ex Collegio aliquo, vbi omnes praedictae scien-
tiae traduntur, tunc erit, cum quisque studia sua
iam absoluerit, peracto Artium curriculo, & qua-
tuor annis Theologiae studio impensis. Et sub hu-
ius temporis finem suarum esse partium Rector
intelligat, Praepositum Generalem, vel Prouincia-
lem admonere, & quantum hi profecerint, refer-
re, ac postmodum quod ei praescriptum fuerit ad
Dei gloriam exequetur.

DE G V B E R N A T I O N E

Collegiorum. Cap. X.

1 **S** Vpremam curam vel Superintendentiam Collegiorum iuxta Sedis Apostolicæ Litteras Professæ Societas habebit. Cum enim quidquam prius tæ utilitatis ex redditibus quærere, vel in suū vsum conuèrtere non possit; est valde probabile quòd maiori cum puritate ac spiritu constantius ad diuturnius procedet in ijs quæ ad bonū regimen Collegiorum ad maius Dei ac Domini Nostri obsequium prouideri conuenit.

2 Præter id autem quòd ad Constitutiones, & dissolutionem, vel alienationem huiusmodi Collegiorum pertinet, vniuersa potestas & administratio, & vt in genere dicatur, huius Superintendentiæ executio penes Præpositum Generalem erit; qui finem illum ad quem Collegia & Societas tota contendit, præ oculis habens melius quid eisdem conueniat, intelliget.

3 Per se ergo, vel per alium cui suam facultatem communicauerit in hac parte, Præpositus Generalis Rectorem vt præsit cuicunque Collegio, aliquem ex Coadiutoribus Societatis constituet; qui Præposito Provinciali, vel cui Generalis præscripserit, rationem sibi assignati muneris reddet. Et penes eundem erit Præpositum Rectorem amouere, talique cura, prout ei cōuenientius in Domino videbitur, liberare.

4 Curandum est autem vt ille cui Rectoris officium imponitur, magni sit exempli, magnæ ædificationis,

cationis, magnæ etiam mortificationis in omnibus prauis inclinationibus, & in Obedientia præcipue, ac humilitate probatus; qui donum etiam discretionis habeat, ad gubernandum idoneus, in rebus agendis versatus, in spiritualibus exercitatus sit; qui seueritatem suo tempore & loco cum benignitate miscere nouerit; qui sollicitus; qui patiens laborum qui etiam in litteris eruditus sit, & demum eiusmodi; cui confidere, cuique suam potestatem tuto communicare Præpositi Superiores possint; quandoquidē quo hæc potestas maior erit, eo melius regi Collegia ad maiorem Dei gloriā poterūt.

5 Rectoris officium erit, in primis oratione & sanctis desiderijs totū Collegium velut humeris suis sustinere: Deinde curare vt Constitutiones obseruentur; omnibus Collegialibus cum omni sollicitudine inuigilare, eosdemque ab ijs quæ nocere possint Domi & foris, defendere; tum præueniendo, tum etiam, siquid mali accideret, remedium adhibendo, vt ad singulorum & vniuersale bonum conuenit; vtque in virtutibus & litteris proficiant curando; sanitatem eorum, & bona etiam Collegij tam stabilia, quàm mobilia conseruando; eos qui officia gerant domestica, prudenter constituendo; & quomodo suis fungantur officijs, considerando; & prout in Domino conuenire iudicabit, vel in eisdem ministerijs detinendo, vel ab ijsdem remouendo. Et generatim loquendo, curet vt quæ in superioribus capitibus dicta sunt, quæ quidem ad Collegia spectant, obseruentur. Memor sit etiam subordinationis

dinationis integre obseruandæ in Obedientia, non solum ad Generalem, sed ad Prouincialem quoque; certiore eum de quibus oportet, reddendo, ad eumque referendo quæ maioris erunt momenti; & quæ ab ipso iniuncta fuerint (quandoquidē ipsum Superiorem habet) exequendo; vt æquum est ad se referri, sibi que Obedientiam præstari ab ijs qui in Collegio degūt; qui quidem Rectorem suū magnopere reuereri ac venerari, vt qui Christi Domini Nostri vices gerit, debebunt; liberam sui ipsorum rerumque suarum dispositionem cum vera Obedientia ipsi relinquendo: nihil ei clausum, ne conscientiam quidem propriam, tenendo, quam ei aperire (vt in Examine dictum est) suis constitutis temporibus, & sæpius, si causa aliqua id posceret, oportebit; non repugnādo, non contradicendo, nec vlla ratione iudiciū propriū ipsius iudicio contrarium demonstrando: vt per vnionem eiusdem sententiæ & voluntatis, atque per debitam submissionem, melius in diuino obsequio conseruentur, & progrediantur.

- 6 Ad bonam Domus gubernationem non solum numerum necessarium officialium Rector prouideat; sed vt idonei sint, quoad eius fieri poterit, ad suas functiones, curet: cuique suas Regulas, vbi, quæ ad singulorum officia pertinent, contineantur, tradat: & ne se hic in illius officium ingerat, videat. Præterea, vt eis prospicere de subsidio, si necessarium id fuerit, debet; ita cum tempus vacuum illis fuerit, vt vtiliter illud im-

Strinam quadraginta dies debet. Videat etiam, qui ex Collegialibus, & ad quem vsque limitem Domi & foris in colloquijs, spiritualibus exercitijs tradendis, Confessionibus audiendis, tum etiam in concionibus, vel lectionibus, vel doctrina Christiana tradenda, partim ad ipsorum exercitationem (præcipue sub finem studiorum) partim ob aliorum domesticorum, vel externorum fructum alijs se communicare debeant: & in omnibus quod senserit diuinæ ac summæ bonitati gratus, & ad ipsius obsequium ac gloriam maiorem, omnibus perpensis, provideat.

DE VNIVERSITATIBUS

in Societate admittendis.

Cap. XI.

- 1 **E** Adem charitatis ratio qua Collegia admittuntur, & publicæ Scholæ in eis, non tantum ad nostrorum, sed magis etiam ad externorum edificationem in doctrina & moribus, tenentur, extendi poterit ad Vniuersitatum curam suscipiendam; ut in eis hic fructus extendatur, latiusque pateat tam in scientijs quæ traduntur, quam in hominibus qui ad eas conueniunt, & gradibus ad quos promouentur, vt alijs in locis cum auctoritate docere possint, quod in his bene ad Dei gloriam didicerint.
- 2 **Q**uibus tamen conditionibus & obligationibus æquibusque in locis huiusmodi Vniuersitates admitti debeant, ei qui supremam curam Societatis ha-

bet, iudicandum relinquitur: qui Assistentium sibi auditis sententijs, & aliorum quos in consilium adhiberi volet, per se ipsum deliberare poterit an sint admittendæ. Non tamen, postquam admissæ fuerint, sine Congregatione generali per eum dissolui poterunt.

- 3 Quia tamen religiosa quies, & spirituales occupationes nec animi distractionem, nec alia incommoda, quæ iudicandi in rebus ciuilibus vel criminalibus officium sequi solent, Societati permittunt, iurisdicção huiusmodi quam per se vel per alios à se dependentes exercere debeat Societas, non admittatur: quamuis ad ea quæ ad bonum statum vniuersitatis propriè pertinent, conueniat iustitiæ ordinariæ, siue secularis siue ecclesiasticæ, ministros circa punitionem Scholasticorum, voluntatē Rectoris Vniuersitatis sibi significatam exequi, & generatim res studiorum fauore suo præsertim cū à Rectore fuerint commendatæ, promouere.

DE SCIENTIIS QUÆ TRADENDÆ sunt in Vniuersitatibus Societatis.

Cap. XII.

- I Cvm Societatis atq; studiorum scopus sit, proximios ad cognitionem & amorem Dei, & salutem suarum animarum iuuare; cumque ad eum finem, medium magis proprium sit facultas Theologiæ, in hanc potissimum Societatis Vniuersitates incumbunt, ac diligenter per idoneos admodum
- Præ-

Præceptores, quæ ad Scholasticam doctrinam, & sacras Scripturas pertinent, ac etiam ex Positiua, quæ ad hunc finem nobis præfixum conueniunt (non attingendo tamen eam partem Canonum, quæ foro contentioso inseruit) pertractabunt.

2 Et quia tã doctrina Theologiæ, quam eius vsus exigit (his præsertim temporibus) litterarum humaniorum, & Latinæ, ac Græcæ, & Hebraicæ Linguae cognitionem; harum etiam idonei Professores, & quidem iusto numero, constituentur. Aliarum præterea linguarum, qualis est Caldaica, Arabica, & Indica, vbi necessariæ vel vtilis ad dictum finem viderentur, habita regionum diuersarum, & causarum quæ ad eas docendum mouent; ratione, possent Præceptores constitui.

3 Sic etiam quoniam Artes, vel Scientiæ naturales ingenia disponunt ad Theologiam, & ad perfectam cognitionem & vsum illius inseruiunt, & per seipsas ad eundem finem iuuant; qua diligentia par est, & per eruditos Præceptores, in omnibus sincere honorem & gloriam Dei quærendo, tractentur.

4 Medicinæ, & Legum studiũ vt à nostro Instituto magis remotum, in vniuersitatibus

Societatis vel non tractabitur, vel

saltem ipsa Societas per se id

oneris non su-

scipiet.

DE MODO ET ORDINE
prædictas facultates tractandi.

Cap. XIII.

1 **A**D tractanda tam facultatum inferiorum quæ
 Theologiæ studia, dispositio & ordo conue-
 niens tam mane quam vesperi seruandus est.

2 Et quamuis pro regionum, & temporum diuer-
 sitate in ordine, & statutis horis studio tribuen-
 dis, possit varietas accidere; omnes tamen in eo cō-
 ueniant, ut ubique fiat, quod inibi magis expedire
 ad maiorem in litteris profectum existimabitur.

3 Nec solum lectiones sint, quæ publice prælegan-
 tur; sed Magistri etiam diuersi pro captu & nume-
 ro audientium constituentur: qui quidem profe-
 ctum vniuscuiusque ex suis Scholasticis speciatim
 procurent, & lectionum rationem exigant; utque
 ea repetantur, & studiosi Litterarum Humaniorū
 familiarem sermonem latine communiter loquen-
 do, & stylum, scribendo, ac pronunciationem, com-
 posita bene pronuntiando expoliant, curet; & his,
 ac multo magis facultatum superiorum studiosis
 crebras disputationes imponant; quibus dies & ho-
 ræ certæ constituentur, ubi non solum cum condi-
 scipulis, verū paulo inferiores cum aliquanto pro-
 uectioribus disputent in ijs quæ ipsi capiunt: quod
 etiam vice versa prouectiores cum minus proue-
 ctis, ad ea quæ illi tractant descendendo, & Præce-
 ptiores alij cum alijs præstabunt, semper qua decet
 modestia obseruata; & aliquo præsidente, qui con-

tentionem

tentionem dirimat, & quid doctrinae elici oporteat ex disputatis, declarat.

- 4 ¶ Erit itidem Rectoris, per se, vel per Cancellarium semper obseruare, vt qui noui accedunt, examinentur, & in ijs classibus, cumq; ijs Praeceptoribus, qui ipsis conueniunt, collocentur: & eius discretioni (audita sententia eorum, qui ad id munus designati sunt) relinquetur, num diutius in eadem classe manere, an ad aliam vterius progredi debeant. Eiusdem erit iudicium de studio linguarum, praeter Latinam, num Artibus, & Theologiae anteponi, an postponi, & quamdiu in eis quemque hærere oporteat. Sic etiam in alijs scientijs superioribus propter ingeniorum & ætatum inæqualitatem, aliaque consideratione digna, ad eundem pertinebit expendere, quantum quisq; eas discere, & quamdiu in eisdem versari debeat; quamuis ij qui ætate & ingenij aptitudine pollent, melius sit, vt in omnibus proficere, & conspicui esse ad Dei gloriam enitentur.

- 5 ¶ Vt assiduitas in litterario exercitio, sic & aliqua remissio necessaria est. Quanta hæc esse debeat, & quibus temporibus, prudenti considerationi Rectoris, expensis circumstantijs personarum & locorum, relinquetur.

DE LIBRIS QUI PRÆLEGENDI
di sunt. Cap. XIII.

- 1 ¶ Generatim (vt dictum est, cū de Collegijs ageretur) illi prælegentur libri, qui in quauis facultate

cultate solidioris ac securioris doctrinæ habebuntur. Nec illi sunt attingendi, quorum doctrina, uel auctores suspecti sint. Hi tamen particulatim in quauis Vniuersitate nominentur.

In Theologia legetur vetus & nouum Testamentum, & doctrina Scholastica Diui Thomæ; & in ea, quam Positiuam vocant, eligentur ij auctores, qui ad scopū nostrū magis conuenire videbuntur.

- 2 Quod attinet ad libros Humaniorum Litterarum Latinos, vel Græcos, abstineatur in vniuersitatibus quoque, quemadmodum in Collegijs, quoad eius fieri poterit, ab eis iuuentuti prælegendis, in quibus sit aliquid, quod bonis moribus nocere queat; nisi prius à rebus, & verbis inhonestis purgati sint.

- 3 In Logica, & Philosophia Naturali, & Morali, & Metaphysica, doctrina Aristotelis sequenda est; & in alijs Artibus liberalibus, & in commentarijs tam Huiusmodi auctorum, quam Humaniorum Litterarum, habito eorum delectu, nominentur ij, quos videre discipuli, quosque ipsi Præceptores præ alijs in doctrina quam tradunt, sequi debeant. Rector autem in omnibus quæ statuerit, procedet iuxta id, quod in vniuersali Societate magis conuenire ad Dei gloriam iudicabitur.

DE CURSIBVS, ET GRADIBVS.

Cap. XV.

- 1 IN Litteris Humanioribus, & linguis cursus temporis limitatus ad earum studium absoluendū esse

esse nequit, propter ingeniorum & doctrinæ auditorum varietatem, multasq; alias causas; quæ non aliam temporis præfinitionem, quam quæ unicuique conuenire iuxta prudentis Rectoris, vel Cancellarij arbitrium videbitur, permittunt.

2 In Artiũ studio cursus erunt ordinandi, in quibus sciẽtiæ Naturales (ad quas minus quam trium annorum spatium satis non erit) prælegantur; præter quos medius adhuc annus ad audita repetenda, & actus Scholasticos celebrandos, & gradum Magisterij suscipiendum ijs qui eum suscepturi sunt, relinquetur. Cursus ergo integer trium erit annorum cum dimidio, vsque ad promotionem ad Magisterium. Singulis autem annis vnus huiusmodi cursus inchoabitur, & alius cum diuino auxilio absoluetur.

3 Theologiæ curriculum sex annis emetietur. In primis quatuor, ea omnia quæ legi oportebit, prælegentur; in duobus reliquis, præter repetitionem, actus soliti ad gradum Doctoratus ab ijs qui promouendi sunt, absoluentur. Quarto quoque anno ordinariæ cursus inchoabitur, sic libris prælegendis distributis, vt quolibet quatuor annorum quouis studiosus inchoare possit; & quod reliquum est incœpti quadriennij, & eius quod sequitur quadriennij, vsque ad illum terminum, vnde incœperat, audiendo, quatuor annis peragere omnino cursum Theologiæ.

4 In gradibus tam Magisterij Artium, quàm Doctoratus Theologiæ tria obseruentur; Primum, ne quis

quis nisi diligēter & publice examinatus, per personas designatas, quę bene suum officium faciant, & idoneus ad prælegendum eandem Scientiam inuentus, promoueatur; siue ille de Societate sit, siue extra eam: Alterum, vt præcludatur osium ambitioni, nullis locis certis eis, qui ad gradus promouentur, assignatis; quin potius honore se inuicem præuenire, nulla locorum differentia obseruata, curent: Tertium, vt quemadmodum gratis docet, ita & ad gradus Societas gratis promoueat: & non nisi admodum exigui sumptus (licet voluntarij sint) externis permittantur: ne consuetudo vim legis tandem obtineat, & in ea parte temporis decursu excessus fiat. Videat etiā Rector, ne Magistris, vel ullis alijs de Societate, sibi, aut Collegio pecuniā, aut dona quauis ab ullo pro re quauis in ipsorum utilitatem facta accipere pēmittat, quandoquidem præmium nostrum solus Christus Dominus iuxta nostrum institutum futurus est; qui est merces nostra magna nimis.

DE IIS, QUAE PERTINENT AD
bonos mores. Cap. XVI.

Diligenter curetur, ut qui litteras discendi gratia ad Vniuersitates Societatis se conferunt, simul cum illis bonos ac Christianis dignos mores addiscant; ad quod multum iuuerit, si omnes singulis saltem mensibus semel ad confessionis sacramentum accedant, si Missam quotidie, Concio-

nem

nem singulis diebus festis (cum ea fiet) audient. Ex præceptoribus autem quisque hoc à suis discipulis præstari curabit.

2. Prælegetur etiam in Collegio, aliquo die cuiuscunq; hebdomada, Christiana doctrina; & ut pueri eam ediscant, & recitent, omnesque etiam adultiores, si fieri potest, eandem sciant, curabitur.

3. Habebitur etiã singulis hebdomadis (ut de Collegijs est dictum) ab aliquo ex Scholasticis declamatio de rebus quæ audientibus ædificationi sint, eosque ad augmentum in omni puritate ac virtute expetendum inuident; ut non solum stylus exerceatur, sed mores meliores reddantur: omnes autem eos qui latine sciunt, huiusmodi declamationi interesse oportebit.

4. In Scholis nec iuramenta, nec iniuriæ verbo vel facto illata, nec inhonestum aut dissolutum quid in externis ad Scholàs accedentibus permittatur, Feratur autem Præceptorum peculiaris intentio, tam in lectionibus, cum se occasio obtulerit, quàm extra eas ad eosdem ad obsequium & amorẽ Dei ac virtutum, quibus ei placere oportet, mouendos; & ut omnia sua studia ad hunc finem referant, Quod ut ad memoriam ei reducatũr, ante lectionis initium dicat aliquis breuem orationem ad id institutam quam Præceptor, & discipuli omnes aperto capite attente audient.

5. Propter eos qui tam in diligentia suis studijs adhibenda, quam in ijs quæ ad bonos mores pertinent, peccauerint; & cum quibus sola verba bona,

&

& exhortationes non sufficiunt, Corrector (qui de Societate non sit) constituatur; qui pueros in timore contineat, & eos, quibus id opus erit, quique castigationis huiusmodi erunt capaces, castiget. Cū autem nec verba, nec Correctoris officium satis esset, & in aliquo emendatio non speraretur, alijsque esse offendiculo videretur; præstat à Scholis eum remouere, quàm, vbi parum ipse proficit, & alijs nocet, retinere. Hoc autem iudicium Rectori Vniuersitatis, ut omnia ad gloriam & seruitium Dei, vt par est, procedant, relinquetur.

DE OFFICIALIBVS, VEL MINISTRIIS Vniuersitatis. Cap. XVII.

I **C**Vra vniuersalis, vel superintendèntia & gubernatio Vniuersitatis, penes Rectorem erit; qui idem esse poterit qui in Collegio præcipuo Societatis præest, & ijs præditus Dei donis, de quibus dictum est; vt possit commisso sibi officio, dirigendi in litteris & moribus totam vniuersitatem, satisfacere. Eius electio ad Præpositum Generalē, uel alium, cui ille id commiserit (cuiusmodi esset Prouincialis, vel Visitator) spectabit: confirmatio vero semper erit Generalis. Habebit autem Rector quatuor Consiliarios, vel Assistentes, qui in rebus ad ipsius officium pertinentibus vt plurimum possint eum iuuare, & cum quibus ipse, quæ sunt maioris momenti, conferat.

2 Erit & Cacellarius, vir in litteris egregie versatus,

rus, qui & zelo bono, & iudicio ad ea quę sūt ei cōmittenda, polleat: cuius sit munus, generale Rectoris instrumentum esse ad studia bene ordinanda, & disputationes in actibus publicis dirigendas, & ad discernendum an sufficiens doctrina sit eorum, qui ad actus & gradus (quos quidem ipsemet dabit) sunt admittendi.

3 Sit Secretarius ex eadem Societate, qui librum habeat, vbi omnium Scholasticorum, qui Scholas assidue frequentant, nomina scribantur; quiq; eorum promissionem de Obedientia Rectori præstāda, & Constitutionibus obseruandis (quas ipsemet proponet) admittat; & sigillum Rectoris, & Vniuersitatis habeat: quę tamen omnia sine vllis expensis Scholasticorum fient.

4 Erit & Notarius, vt fidem publicam faciat de susceptis gradibus, & alijs quę occurrent.

Sint & duo, vel tres Bidelli, vnus ad facultatis linguarum, alter ad Artium, tertius ad Theologię functiones destinatus.

5 In has tres facultates Vniuersitas diuidetur; & in quauis earum sit Decanus, & duo alij Designati ex ijs qui melius res facultatis illius callent; qui à Rectore vocati, possint dicere quid sentiant ad suę facultatis bonum conuenire: & siquid tale in mentem venerit, dū inter se de huiusmodi rebus agūt, ad Rectorem, quamuis non vocentur, referent.

6 In rebus quę ad solam vnā facultatem pertinent, vocabit Rector, Præter Cancellarium & suos Assistentes, Decanum etiam & Designatos illius facult.

facultatis: in ijs quæ ad omnes pertinent, Decani & designati omnium vocentur. Et si Rectori visum fuerit & alios de Societate, vel extra eam, ad Congregationem vocare, facere id poterit; vt cum omnium sententias audierit, melius quod cõuenit, constituat.

- 7 Erit Syndicus vnus generalis, qui tam de personis, quàm de rebus, de quibus videbitur, Rectorem & Præpositum Prouincialem, & Generalem admonet: qui quidem Syndicus vir magnæ fidelitatis & iudicij esse debet. Præter hunc, suos habebit Syndicos particulares Rector; vt quæ, quauis in classe acciderint, quibus prouidere oporteat, ad ipsum referant. Et vt ipse de omnibus Præceptoribus, & alijs de Societate; ita & Collateralis, & Syndicus, & Consiliarij de ipso, & de alijs scribent semel singulis annis Præposito Generali, & bis Prouinciali, qui Generalem (si quid oportuerit) admonebit: vt in omnibus maiori cum circumspectione & cura præstandi quod quisque debet, procedatur.

- 8 De aliquibus insignijs, num eis Rector, Cancellarius, Bidelli, Doctores & magistri, vt in Vniuersitate cognoscantur, vel saltem in actibus publicis vti debeant, necne, & si vrantur, qualia esse debeant, considerationi Generalis tunc existentis, cum aliqua Vniuersitas admititur, relinquetur. Ille autem per se, vel per alium, expensis circumstantijs, quod iudicauerit ad maiorem Dei gloriam & obsequium, & bonum vniuersale fore (qui vnicus scopus in hac, & in omnibus rebus nobis est) constituet.

QVINTA PARS

DE IIS, QVÆ AD ADMITTENDUM
in corpus Societatis
pertinent.

DE ADMISSIONE, ET QVIS,
Et quando debeat admittere.

Cap. I.

I



VI in Societate, quantum satis est, probati fuerunt; & tandiu, ut utrinque intelligi iam possit, num in eadem manere ad maius Dei obsequium & gloriam conveniat; admitti debent; non ut prius, ad Probationem; sed modo magis interno, ut membra unius ac eiusdem corporis Societatis. Huiusmodi autem sunt præcipue, qui ad Professionem, vel in Coadiutores formatos admittuntur. Sed quia Scholastici approbati, etiam modo quodam interiori, quam admissi ad Probationem, in corpus Societatis cooptantur; de eorum quoque admissione in hac quinta Parte dicetur, quid in Domino observandum videatur.

- 2 Primo quidem facultas admittendi in corpus Societatis eos qui admittendi erunt, penes eius caput erit; ut ratio postulat. Sed quia Præpositus Generalis tam varijs locis interesse non potest; alijs de Societate eam partem huius facultatis, quæ ad

H

totius

totius corporis huius bonum facere videbitur, poterit communicare.

- 3 Tempus ad admittendum modo superius dicto, in vniuersum loquendo, vltra biennium esse oportebit. Sed qui antequam ad studia mitteretur, vel in eisdem, diu probatus fuisset; post illa absoluta, si ad Professionem est admittendus, integrum adhuc Probationis annum habebit; vt adhuc magis perspectus sit, antequam eam emittat. & prorogari hoc tempus poterit (vt in Examine dictum est) cum Societas, vel qui ab ea hanc in Domino curam habet, plenius sibi satisfieri desideraret.

QVALES ESSE DEBEANT,

qui admittendi sunt.

Cap. II.

- 1 Cvm nullo ex his modis admitti debeat, nisi qui idoneus in Domino fuerit existimatus. Illi ad Professionem idonei habebuntur, quorum vita diuturnis ac diligentibus Probationibus, à Præposito Generali (ad quem referent Particulares Præpositi, vel alij, quorum testimonium Generalis requirit) perspecta valde, & approbata fuerit. Ad hoc autem conferet illis qui ad studia missi fuerunt, absoluta iam ea cura & diligentia, quæ ad excolendum intellectum adhibita fuerit, vltimæ Probationis tempore in schola affectus diligentius se exercere, & in rebus spiritualibus, & corporalibus, quæ ad profectum in humilitate & abnegatione vni-

uniuersi amoris sensualis, volūtatis & iudicij proprij, & ad maiorem cognitionem & amorem Dei conferunt, insistere; vt cum in seipsis profecerint, melius ad profectum spiritus alios ad gloriam Dei & Domini Nostri iuuent.

- 2 Doctrina etiam in huiusmodi, sufficiens esse debet, præter humaniores Litteras, & Artes liberales, in Theologia Scholastica & Sacris Litteris. Et quamuis aliqui breuiori tempore non minorem progressum, quàm alij longiori, facere possent; nihilominus, vt communis aliqua mensura sumatur, spatium aliquod temporis præscribetur; & hoc erit, & quadriennium integrum post Artium liberalium & Philosphiæ studia, in Theologia expleuissè. Vt ergo ad Professionem quis admittatur, in ea facultate hoc tempus se exercuisse, & quidem, ad gloriam Dei, satis in ea profecisse conuenit; & in profectus huiusmodi testimonium quisque ante Professionem Assertiones Logices, Philosphiæ, & Theologiæ Scholasticæ tuebitur. Quatuor autè ad argumentandum, & iudicandum de eorum doctrina, an sit quanta oportet, prout iuxta veritatem sincere senserint, deligantur. Quod si doctrina ea præditi esse, quæ satis sit, non inuenientur; conducibilis erit, vt donec eam consequantur, expectet; vt illos etiam expectare oportebit, qui in abnegatione sui ipsorum, & virtutibus Religioso dignis testimonium, quod par esset, nondum omnino haberent.

- 3 Præter hos, nonnulli ad trium Votorum solem-

nium tantum Professionem admitti possent: raro tamen, & non sine causis peculiaribus alicuius momenti: & hos, septem annos in Societate notos fuisse, & non mediocrem sui talenti, ac virtutum satisfactionem, ad gloriam Dei, præbuisse in ea oportebit.

- 4 Vt quis etiam in Coadiutorem formatum admittatur, oportet Societati esse satisfactum de eius vita, deque bono exemplo ac talento ad se iuvandam, vel cum litteris, in rebus spiritualibus, vel sine illis, in exterioribus; prout cuique diuina bonitas dona sua communicauerit. Hoc ipsum autem metiatur oportet Præpositi Generalis prudentia; nisi alicui ex particularibus, cui multum in Domino confideret, id committendum videretur.

- 5 Vt aliqui admittantur in Scholasticos approbatos, quadam proportionem seruata, eadem requiruntur: & id peculiari quadam ratione; vt ex eorum ingenio, speretur, eos in litteris profecturos, Præpositi Generalis iudicio, uel eius, cui hoc munus ille commiserit, confidendo prudentiæ ac probitati à Deo ipsi donatæ.

DE MODO ADMITTENDI AD

Professionem. Cap. III.

- I **Q** Vando aliqui, peracto Probationis tempore, & experimentis, ac alijs, quæ in Examine continentur, confectis, ad Professionem admittendi fuerint, cum Societati, uel eius Præposito Gene-

Generali plene sit in Domino satisfactū, Professio hoc modo, qui sequitur, emittetur.

- 2 In primis Præpositus Generalis, vel qui accepta ab eo facultate, ad Professionem admittet, postquā publice Missæ Sacrificium obtulerit in Ecclesia coram domesticis, & alijs externis, qui interfuerint, cum sanctissimo Sacramento Eucharistiæ ad eum, qui Professionem est emissurus, se conuertat : Ille autem absoluta generali Confessione, & verbis quæ ante Communionem dici solent, voce alta Votum suum scriptum (quod aliquot ante dies considerauerit oportet) leget; cuius formula hæc est.

- 3 EGO . N . Professionem facio, & promitto Omnipotenti Deo coram eius Virgine Matre, & vniuersa cœlesti curia, ac omnibus circumstantibus & tibi Patri Reuerendo Præposito Generali Societatis IESV, locum Dei tenenti, & successoribus tuis; vel, tibi Reuerendo Patri vice Præpositi Generalis Societatis IESV, & successorum eius; locum Dei tenenti; perpetuam Paupertatem, Castitatem, & Obedientiam; & secundum eam, peculiarem curam circa puerorum eruditionem, iuxta formā viuēdi, in litteris Apostolicis Societatis IESV, & in eius Constitutionibus contentam.

- 4 Insuper promitto specialem Obedientiam summo Pontifici, circa missiones; prout in eisdem litteris Apostolicis, & Constitutionibus continetur. Romæ, uel alibi, tali die, mense, & anno, & in tali Ecclesia.

- 4 Post hæc, sumet sanctissimum Eucharistiæ Sa-

cramētum. Quibus peractis, in libro, quem ad hoc habebit Societas, eius nomen, qui Professionem emisit, & illius, in cuius manibus emisit, adnotato die, mense, & anno, scribetur; & eius Vota scripta asseruabuntur: ut omnia semper constare possint, ad Dei gloriam.

5 Aliqui, qui ad Professionem trium Votorum solemnum dumtaxat admittentur, in Ecclesia, ac coram domesticis & externis qui aderunt, antequam sanctissimum Christi Corpus accipiant, ex scripto suum Votum iuxta formulam sequentem legent.

6 EGO . N . Professionem facio, & promitto omnipotenti Deo coram eius Virgine Matre, & uniuersa cœlesti curia, ac omnibus circumstantibus, & tibi Reuerendo Patri Præposito Generali Societatis IESV, locum Dei tenenti, ac successoribus tuis; uel, tibi Reuerendo Patri uice Præpositi Generalis Societatis IESV, & successorum eius, locum Dei tenenti, perpetuam Paupertatem, Castitatem, & Obedientiam, & secundum eam, peculiarem curam circa puerorum eruditionem; iuxta formam uiuendi in litteris Apostolicis Societatis IESV, & in eius Constitutionibus contentam. Romæ, vel alibi, tali die, mense, & anno, & in tali Ecclesia. Deinde sequetur Communio, & reliqua superius dicta.

[DE ADMITTENDIS COADIUTO-
ribus formatis, & Scholasticis.

Cap. IIII.

- 1 **Q**VI in Coadiutores formatos spirituales cū simplicibus Votis, & non solemnibus admittuntur, in Ecclesia, vel sacello Domus, aut alio decēti loco coram domesticis & externis, qui aderunt, in manibus eius, qui admissurus sit, Votum suum emittent in hac formula, quæ sequitur, id legentes.
- 2 **EGO .N.** promitto omnipotenti Deo, coram eius Virgine Matre, & tota cœlesti curia, & tibi R. Patri Præposito Generali Societatis IESV, locum Dei tenenti, & successoribus tuis; vel, tibi R. Patri vice Præpositi Generalis Societatis IESV, & successorum eius, locum Dei tenenti; perpetuam Paupertatem, Castitatem, & Obedientiam, & secundum eam, peculiarem curam circa puerorum eruditionem; iuxta modum in litteris Apostolicis, & Constitutionibus dictæ Societatis expressum. Romæ, vel alibi, in tali loco, die, mense, & anno, & cer. Demum sumat sanctissimum Christi Corpus: & fient, quæ de Professis dicta sunt.
- 3 Formula ad Coadiutores in rebus tēporalibus admittendos eadem erit; clausula illa de puerorum institutione solum remota.
- Qui peracta sua priori Probatione & experimētis per biennium, in Scholasticos approbatos admittantur, coram aliquibus domesticis, quamvis

non in manibus cuiusquam; Vota sua emittent ad hunc modum.

- 4 Omnipotens Sempiternæ Deus, EGO . N. licet vndecunque diuino tuo conspectu indignissimus, frenis tamen pietate ac misericordiâ tuâ infinita, & impulsus tibi seruiendi desiderio, voueo coram sacratissima Virgine Maria, & curia tua celesti vniuersa, diuinæ Maiestati tuæ paupertatē, castitatē & Obedientiâ perpetuâ in Societate. IESV; & promitto eandem Societatem me ingressurum, vt vitam in ea perpetuo degam, omnia intelligendo iuxta ipsius Societatis Constitutiones. A tua ergo immensa bonitatē & clementia per IESV Christi sanguinem peto suppliciter, vt hæc holocaustū in odorem suauitatis admittere digneris; & vt largitus es ad hoc desiderandum & offerendum, sic euā ad explendum, gratiam vberem largiaris. Romæ, vel alibi, tali loco, die mense, & anno. Post hæc perinde, vt alij, sanctissimum Christi corpus sumant; & reliqua quæ superius dicta sunt peragatur.
- 5 Postquam aliquis in corpus Societatis cooptatus fuerit in aliquo gradu, ad aliū progredi curare non debet; sed in suo perfici, & obsequio Dei & gloriæ sese impendere, ac Superiori, qui scilicet Christi Domini Nostri vices gerit, curam aliorum omnium relinquere.
- 6 Qui in Domibus versantur post biennium Votā eadem emittere, quæ Scholastici, & Christo Domino Nostro se obstringere debent; & id, quamuis studijs applicandi non videantur, nec expedire, vt
tam

tam cito in Coadiutores formatos, vel Professos
 admittantur, existimetur. Quòd si quis propria im-
 pulsus deuotione, ante id tempus biennij veller Vo-
 tis se Deo offerre; eandem formulam sequi pote-
 rit; & vno Voti sui scripti exemplo tradito Supe-
 riori, alterum penes se retineat; vt quid Deo ac Do-
 mino Nostro obtulerit, recordetur. Et ad hoc
 ipsum, simulque ad deuotionem augendam con-
 feret, statutis quibuldam temporibus, quæ con-
 grua videbuntur, Vota sua renouare. Quod
 quidem non est, obligatione noua se
 obstringere, sed eius, qua obstri-
 ngi sunt in Domino, recor-
 dari, atq; eandem con-
 firmare.



SEXTA PARS

DE IIS QUI ADMISSI, ET

in corpus Societatis cooptati sunt:

quod ad ipsorum per-
sonas attinet.

DE IIS QUAE AD OBEDIEN-

tiam pertinent. Cap. I.

I TILLI qui iam ad Professionē,
vel in Coadiutores formatos admis-
si sunt, vberiori cum fructu, iux-
ta nostrum Institutum, diuino ser-
uitio, & proximorum auxilijs se im-
pendant; aliqua in seipsis obseruare
debent quorum præcipua, licet ad ea Vota, quæ
Deo & Creatori Nostro iuxta litteras Apostolicas
obtulerunt, reducantur; de illis tamen, vt magis &
declarentur, & commendentur, in hac sexta Parte
dicitur. Et quoniam quæ ad Votum Castitatis per-
tinent, interpretatione non indigent, cum constet,
quàm sit perfecte obseruanda, nempe enitendo
Angelicam puritatem imitari, & corporis, & men-
tis nostræ munditia: his suppositis, de sancta Obe-
dientia dicitur; quam quidem omnes plurimum
obseruare, & in ea excellere studeant; nec solum in
rebus obligatorijs, sed etiã in alijs; licet nihil aliud
quàm signum voluntatis Superioris sine vlllo ex-
presso præcepto, videretur. Versari autem debet
ob ocu-

ob oculos Deus Creator ac Dominus Noster, propter quem homini Obedientia præstatur: & vt in spiritu amoris, & non cum perturbatione timoris procedatur, curandum est: ita vt omnes constanti animo incumbamus, vt nihil perfectionis, quod diuina gratia consequi possimus in absoluta omnium Constitutionum obseruatione, nostrique Instituti peculiari ratione adimplenda, prætermittamus: & exactissime omnes neruos virium nostrarum ad hanc virtutem Obedientiæ in primis Summo Pontifici, deinde Superioribus Societatis exhibendam, intendamus: ita vt omnibus in rebus, ad quas potest cum charitate se Obedientia extendere, ad eius vocẽ, perinde ac si à Christo Dño egrederetur (quãdoquidẽ ipsius loco, ac pro ipsius amore & reuerentia Obedientiã præstamus) quam promptissimifimus; re quauis, atq; adeo littera à nobis inchoata nec dum perfecta relictã; ad eum scopum vires omnes ac intentionem in Domino conuertendo, vt sancta Obedientia tum in executione, tum in voluntate, tum in intellectu sit in nobis semper omni ex parte perfecta; cum magna celeritate, spiritali gaudio, & perseuerantia, quidquid nobis iniunctũ fuerit, obeundo; omnia iusta esse, nobis persuadendo; omnem sententiam ac iudicium nostrum contrarium, cæca quadam Obedientia abnegando: & id quidem in omnibus, quæ à Superiore disponuntur, vbi definiri non possit (quemadmodũ dictum est) aliquod peccati genus intercedere. Et si bi quisque persuaदेात, quòd qui sub Obedientia viuunt,

uiuunt, se ferri ac regi à diuina prouidentia per Superiores suos, sinere debent, perinde ac si cadauer essent, quod quoquo versus ferri, & quacunque ratione tractari se sinit: vel similiter, atque senis baculus, qui ubicunque, & quacunque in re velit eo vti qui eum manu tenet, ei inseruit. Sic enim obediens rem quamcunque, cui eum Superior ad auxilium totius corporis Religionis velit impendere, cum animi hilaritate debet exequi; pro certo habens, quod ea ratione potius, quam re alia quantis, quam præstare possit, propriam voluntatem ac iudicium diuersum sectando, diuinæ voluntati respondebit.

2. Omnibus itidem maxime commendatum sit, vt multum reuerentiæ (& præcipue in interiori homine) suis Superioribus exhibeant; I. E. S. V. M. Christum in eisdem considerent, ac reuereantur; eosdem ex animo vt patres in eodem diligant; ac sic in spiritu charitatis in omnibus procedant, vt nihil ex externis, vel internis eos celet; quin potius, vt omnia prorsus intelligant; quo melius in via salutis & perfectionis se dirigant, optare debent. Et ea de causa omnes tam profetsi, quam formati Coadiutores semel singulis annis (& quoties præterea Superiori visum fuerit) ad suas conscientias in Confessione, vel secreto, vel alia ratione eidem aperiendas, propter magnam eius rei utilitatem (ut in Examine dictum est) parati esse debebunt: tum etiã ad Confessionem generalem, quæ ab ultima generali inchoetur, ei, quem Superior sibi substituerit, faciendam.

Defe-

- 3 Deferant omnes ad Superiorem suum res, quæ eis expetendę occurrerint: nec priuatus quispiam, directe vel indirecte sine eius facultate, & approbatione, à Summo Pontifice, nec ab alio extra Societatem, gratiam vllam in suum priuatum, vel alterius vltum petat, aut petendam curet: sibi que persuadeat, si per Superiorem suum, vel cum eius consensu, quod optat, non obtinuerit, ne id quidem ad diuinum seruitium sibi conuenire: &, si conuenit, cum Superioris consensu, vt qui Christi Domini Nostri locum erga ipsum tenet, id se consecuturū.

*DE IIS QUÆ AD PAUPER-
tatem, quæque eam consequuntur, per-
tinent. Cap. II.*

- 1 **P**aupertas, vt murus Religionis firmus, diligenda, & in sua puritate conseruanda est; quantū diuina gratia aspirante fieri poterit. Et quia humanæ naturæ hostis ad hoc propugnaculum ac refugium debilitandum (quod Deus Dominus Noster Religionibus inspirauit contra illum, aliosque Religiosæ perfectionis aduersarios) eniti solet, ea quæ à primis Fundatoribus bene ordinata fuerant, immutare, per declarationes, vel innouationes, primo illorum spiritui minime consentaneas: vt quod in nobis situm fuerit, hac parte Societati prospiciamus; quicunque in ea Professionem emisierint, se ad innouationem Constitutionum in ijs quæ ad Paupertatem pertinent, nihil facturos promittant; nisi

nisi aliquo modo pro rerum occurrentium ratione, eam in Domino magis restringendā iudicaret.

- 2 In Domibus, vel Ecclesijs, quæ à Societate ad auxilium animarum admittentur, redditus nulli, ne Sacristiæ quidem, aut fabricæ applicati, haberi possint: sed neque vlla alia ratione, ita vt penes Societatem eorū sit vlla dispensatio; sed in solo Deo, cui per ipsius gratiam ea inseruit, fiducia constituitur, sine redditibus vllis ipsum nobis prospecturū de rebus omnibus conuenientibus ad ipsius maiorem laudem & gloriam.

- 3 Professi viuant ex eleemosynis, in Domibus, cū aliquo non mittuntur: nec officium Rectorum ordinarium in Collegijs, vel Vniuersitatibus Societatis habeant (nisi ipsarum necessitas, vel magna utilitas id exigeret) nec redditibus eorum in Domibus vtantur.

- 4 Coadiutores, quandiu in Domibus erunt, quæ ex eleemosynis viuunt, & ipsi eodem modo viuēt. In Collegijs, si Rectores fuerint, vel Lectores, aut alioqui in rebus necessarijs, vel valde conuenientibus eisdem Collegijs vtilis fuerint, viuent sicut reliqui, ex eorum redditibus, quandiu eorum opera Collegia indigebunt. Cum autem desierint viles esse Collegijs, desinent in eis habitare; & in Domibus Societatis, vt de Professis est dictum, habitabunt.

- 5 Non solum redditus, sed nec possessiones vllas habeāt in particulari nec in communi Domus vel Ecclesiæ Societatis, præterquam quod ad habitationem,

tionem, vel vsum necessarium eis, aut valde conueniens fuerit, cuiusmodi duceretur; si in vsum cōualefcentium, vel eorū, qui vt rebus spiritualibus vacent, se ab hominum frequentia recipiunt, locus aliquis à communi habitatione separatus, qui aere salubriori, & alijs commodis polleret, admitteretur: & tunc huiusmodi ille sit, vt nec alijs locetur, nec fructus, qui reddituū loco esse possint, habeat.

6 Quamuis ad bona & sancta opera, & maxime perpetuo duratura incitare laudabile sit; ob maiorem tamen ædificationem, nullus de Societate debet, nec potest quemquam ad eleemosynas perpetuas Domibus vel Ecclesijs eiusdem Societatis relinquendas, incitare: & si aliqui sponte sua eas relinquerent, nullum ius ciuile ad eas petendas in iudicio adquiratur. sed cum ad id charitas propter deum eos mouerit, tunc eas elargiantur.

7 Omnes, qui sub Obedientia sunt Societatis, meminerint se gratis dare debere, quæ gratis acceperunt; nec postulando, nec admitrendo stipendium, uel eleemosynas vllas, quibus Missæ, vel Confessiones, uel Prædicationes, uel Lectiones, uel uisitationes, uel quoduis aliud officium ex ijs quæ Societas iuxta nostrum Institutum exercere potest, compensari uideatur: ut sic maiori cum libertate possit, & proximorum ædificatione, in diuino seruitio procedere.

8 Vt omnis auaritiæ species euitetur, præcipue in pijs ministerijs, quibus ad animarum auxilium Societas utitur; nulla sit in Ecclesia arca, in quam eleemosynæ

eleemosynæ ab ijs qui ad Conciones, Missas, uel Confessiones, & reliqua spiritualia ad eam conueniunt, conijci solent.

- 9 Eadem de causa munuscula, quæ Magnatibus ad res maiores ab ipsis obtinendas offerri solent, ne offerantur: nec huiusmodi primarios uiros inuiscere Nostri consueſcant; nisi sancto studio piorum operum ducerentur; uel quando intima beneuolentia in Domino tam essent coniuncti, ut huiusmodi officium aliquoties eis debere uideretur.
- 10 Parati sint ad mendicandum ostiatim, quando uel Obcdientia, uel necessitas id exiget. & sit unus, uel plures ad eleemosynas petendas, quibus personæ Societatis sustententur, destinati: quas eleemosynas simpliciter amore Domini Nostri petent.
- 11 Ut nihil proprium Domini teneri, ita nec foris apud alios potest. Et quisque ijs, quæ de communi data fuerint ad usum suum necessarium aut conuenientem, reſectis superfluis, sit contentus.
- 12 Quo melius Paupertatis puritas, & quies illa quam secum affert, conseruetur, non solum particulares Professi, uel Coadiutores formati hæreditariæ successionis non erunt capaces, uerum nec Domus, nec Ecclesiæ, nec Collegia eorum ratione. Sic enim, omnibus litibus & controuersis præcis, charitas cum omnibus ad Dei gloriam melius conseruabitur.
- 13 Quando Summus Pontifex, uel Superior, huiusmodi Professos, uel Coadiutores ad laborandum in uineam Domini mittet, nullum uaticum petere possint;

possint; sed se liberaliter repræsentent, ut mittantur, prout illis ad maiorem Dei gloriam fore videbitur.

14 Vt in hac etiam parte modo consentaneo debita Paupertati procedatur, nullum in Domibus Societatis iumentum ad equitandum, ad usum alicuius de ipsa Societate (siue Præpositus, siue subditus ille sit) ordinarie habebitur.

15 In vestitus itidem ratione tria obseruentur; Primum, ut honestus ille sit; Alterum, ut ad usum loci in quo viuitur, accommodatus; Tertium, ut Professioni Paupertatis non repugnet. videretur autem repugnare, si sericis, vel preciosis pannis vteremur; à quibus abstinendum est: ut in omnibus humilitatis & submissionis, debita ad maiorem Dei gloriam ratio habeatur.

16 In ijs quæ ad rationem victus, somni, ac vsus reliquarum rerum vitæ necessariarum, vel conuenientium spectant, quamuis communis illa sit, minimeq; diuersa ab eo, quod Medicus illius loci, in quo viuitur, iudicabit: ita ut quod quisque sibi inde subtraxerit, ex deuotione, non ex obligatione

subtrahat. habenda tamen semper erit ratio humilitatis, Paupertatis, ac spiritualis ædificationis, quæ semper nobis in Domino ob oculos versari debet.

DE IIS REBUS, IN QVIBVS
occupari, & à quibus abstinere de-
bent qui in Societate sunt.

Cap. III.

I QVoniam habita ratione temporis, ac appro-
bationis vitæ, quæ expectatur, vt aliqui ad
Professionem, vel in Coadiutores formatos
in Societate admittantur, tanquam certum duci-
tur, eos viros spirituales futuros; & qui sic in via
Christi Domini Nostri profecerint, vt per eam
currere possint, quantum corporis valetudo, & ex-
ternæ occupationes charitatis atque Obedientiæ
permittent: non videtur in ijs quæ ad orationem,
meditationem, & studium pertinent, vt nec in cor-
porali exercitatione ieiuniorum, vigiliarum, aut
aliarum rerum ad austeritatem vel corporis casti-
gationem spectantium, vt vlla regula eis præscri-
benda; nisi quam discreta charitas vnicuique di-
ctauerit: dum tamen semper Confessarius consu-
latur, & vbi dubium acciderit, quid conueniat, res
ad Superiorem referatur. Hoc tamen dicetur in
vniuersum; esse quidem animaduertendum, ne ni-
mius huiusmodi rerum vsus tantopere vires corpo-
ris debilitet, tantumque temporis eos distineat, ut
deinde spirituali proximorum auxilio, iuxta nostri
Instituti rationem non sufficiant: nec contra tanta
in illis sit relaxatio, vt feruore spiritus refrigescen-
te, humani ac inferiores affectus incalescant.

2 Sacramentorum frequentatio ualde commen-
detur.

detur. Differri autem non debet Communio, aut Missæ celebratio sine causis iudicio Superioris legitimis, vltra octo dies: omnesque assignato sibi Confessario, vel alioqui iuxta ordinem, quem quisque præscriptum habet à Superiore, confiteantur.

3 Ex Regulis particularibus, quæ in Domibus, vbi ipsi fuerint, obseruantur, debent operam dare, vt eam partem obseruent, quæ conueniens est ac iudicio Superioris ipsis imponetur; siue ad profectum vel ædificationem suam id sit, siue etiam aliorum, inter quos versantur.

4 Quoniam occupationes, quæ ad animarum auxilium assumuntur, magni momenti sunt, ac nostri Instituti propriæ, & valde frequentes, cumque alioqui nostra habitatio tam sit in hoc vel in illo loco incerta; non vtentur Nostri choro, ad Horas Canonicas, vel Missas, & alia officia decantanda: quandoquidem illis, quos ad ea audienda deuotio mouerit, abunde suppetet, vbi sibi ipsis satisfaciant. Per Nostros autem ea tractari conuenit, quæ nostræ vocationis ad Dei gloriam magis sunt propria.

5 Cum homines itidem huius Societatis semper parati esse debeant ad discurrendum per qualuis mundi partes, quo fuerint à Summo Pontifice, vel à suis Superioribus missi; non debent curam animarum, neque item mulierum Religiosarum, vel aliarum quarumcunque suscipere, vt ordinarie illarum Confessiones audiant, uel ipsas regant: quâuis nihil repugnet semel unius Monasterij Confessiones, ob speciales causas audire.

- 6 Obligari etiam ad Missas perpetuas in suis Ecclesijs dicendas, uel ad curam similem, quam libertas nostro procedendi modo in Domino necessaria non patitur, minime conuenit.
- 7 Ut plenius possit Societas rebus spiritualibus iuxta suum Institutum uacare, quoad eius fieri poterit, à negotijs secularibus absteineat (qualia sunt Testamentariorum, uel Executorum, uel Procuratorum rerum ciuiliū, aut id genus officia) nec ea ullis precibus adducti, obeunda suscipiant, uel in illis se occupari sinant. Quod si Collegiorum aliqua negotia tractanda fuerint, suum habeant Procuratorem, per quem ea tractent & iura sua tueantur. Si uero ad Domos Societatis, uel ad totum eius corpus pertinent; quo pacem suam melius conseruare possit Societas, idem Procurator, uel alius ex Coadiutoribus, uel demū aliquis extra Societatem, aut familia quæpiam, quæ Domus patrociniū susciperet, ius Societatis ad maiorem Dei gloriam posset defendere.
- 8 Eadem de causa, utque inquietudinis, à nostra Professione alienæ, occasiones euitentur, & melius pax ac beneuolentia cū omnibus ad maiorem Dei gloriam conseruetur; nemo ex Professis, uel Coadiutoribus, uel etiam Scholasticis Societatis in causis ciuilibus, nedum criminalibus, se examinari (nisi, qui ad peccatum obligare potest, compelleret) sine licentia Superioris permittat. Superior autem eam minime dabit, nisi in causis quæ ad Religionem Catholicam pertinent, uel alioqui in pijs, quæ
sic

fic cedunt in huius fauorem, ut in alterius detrimento non cedant: quandoquidem Instituti nostri est, sine cuiusquam offensione, quantum fieri potest, omnium in Domino commodis inservire.

DE AUXILIO, QVOD MORIENTIBUS in Societate præstatur: & de suffragiis post mortem.
Cap. IIII.

I **V**T in uita uniuersa, ita, & multo magis, in morte unusquisque de Societate eniti, & curare debet, ut in ipso Deus ac Dominus Noster IESVS Christus glorificetur, ipsiusque beneplacitum impleatur; & proximi edificentur, saltem exemplo patientiæ, ac fortitudinis, cum fide uiua, ac spe, & amore bonorum illorum æternorum, quæ nobis Christus Dominus Noster tam incomparabilibus uitæ suæ temporalis laboribus, & morte promeruit, & acquisiuit. Cum tamen persæpe huiusmodi sit morbi ratio, ut usum uirium animæ magna ex parte impediat; cumque huiusmodi sit ille à temporali uita transitus, ut propter graues impugnationes Dæmonis (à quo summopere refert non superari) requirat subsidium fraternæ charitatis; solícite aduertat Superior, ut qui iuxta medici sententiam de uita periclitatur, antequam usui iudicij priuetur, omnibus Sacramentis sanctis acceptis, tanquam armis à diuina liberalitate Christi Domini Nostri nobis concessis, ad transitum à tem-

porali uita ad æternam, se muniat.

- 2 Iuuari etiam debet orationibus omnium domesticorum ualde peculiaribus, donec animam suo Creatori reddat. Et præter alios qui ingredi possunt, plures aut pauciores pro arbitrio Superioris, aliqui sint dilecti oportet peculiariter, ut infirmum morti proximum inuisant, & ei assistant, & animosiorum reddant; eaque suggerant, eisque auxilijs iuuent, quæ eo tempore conuenient. & cum iam alijs rebus iuuari non poterit, eum Domino commendent, donec eius animam à corpore discedentem dignetur ad se recipere, qui eam tam caro pretio sanguinis & vitæ suæ redemit.

- 3 Posteaquam qui expirauerit, usque ad sepulturam eius corpus decenter, quandiu conueniet, teneatur. Postmodum absoluto officio, coram domesticis pro more sepeliatur: & mane proximo post eius mortem, omnes Sacerdotes domestici, pro eius anima Missæ Sacrificium offerant: reliqui uero peculiari oratione pro eodem diuinam implorent clementiam; atque in eo perseuerent ulterius, iuxta Superioris arbitrium, & cuiusuis priuatam deuotionem, & obligationes quæ in Domino intercedunt.

- 4 Reddantur etiam certiores alij de Societate, in locis illis quæ Superior conuenire iudicauerit, ut simile officium præstent: ita ut charitas erga eos qui uita perfuncti sunt, non minus quam erga uiuentes, in Domino demonstretur.

QVOD CONSTITVTIONES


peccati obligationem non inducunt.

Cap. V.

CVM exoptet Societas uniuerſas ſuas Conſtitutiones, Declarationes, ac viuendi ordinem, omnino iuxta noſtrum Inſtitutum, nihil vlla in re declining obſeruari; optet etiam nihilominus ſuos omnes ſecuros eſſe, vel certe adinuari, ne in laqueum vllius peccati, quod ex vi Conſtitutionum huiusmodi, aut ordinationum proueniat, incidant; viſum eſt nobis in Domino, excepto expreſſo Voto, quo Societas Summo Pontifici, pro tempore exiſtenti, tenetur, ac tribus alijs eſſentialibus, Pau-
 pertatis, Caſtitaſis, & Obedientia, nullas Conſtitutiones, Declarationes, vel ordinem vllum viuendi, poſſe obligationem ad peccatum mortale vel veniale inducere; niſi Superior ea In Nomine Domini I E S V Chriſti, vel in virtute Obedientia iuberet, quod in rebus, vel perſonis illis, in quibus iudicabitur, quod ad particulare vniuſcuiuſque, vel ad vniuerſale bonum multum conueniet, fieri poterit; & loco timoris offenſe, ſuccedat amor & deſiderium omnis perfectionis; & vt maior gloria & laus Chriſti Creatoris, ac Domini Noſtri conſequatur.

SEPTIMA PARS
DE IIS QUÆ PERTINENT
ad admissos in corpus Societatis ad
proximorum vtilitatem per
vineam Domini di-
tribuendos.

DE MISSIONIBVS SUMMI
Pontificis. Cap. I.

I  T In sexta Parte de ijs dictum est, quæ obseruanda sunt cuique de Societate erga seipsum, ita in hac septima de ijs dicendum est, quæ erga proximos (qui finis nostri Instituti valde proprius est) dum diuiduntur per Christi vineam, vt in ea illius parte, atque opere, quod ipsis commissum fuerit, se exerceant, obseruari debent; siue à Summo Christi Domini Nostri Vicario, siue à Superioribus Societatis, qui etiam diuinæ Maiestatis loco ipsis præsunt; per diuersa loca mittantur; siue ipsimet sibi eligant vbi, & qua in re occupentur; si ipsorum iudicio relictum fuerit, vt discurrant quacunque maius Dei & Domini Nostri obsequium, & animarum profectum assequi se posse arbitrentur: siue labor sit impendendus, non loca peragrando diuersa, sed in stabili ac continua habitatione, in aliquibus locis, vbi magnus diuinæ gloriæ & obsequij prouentus speratur. Et vt primo

mo loco de Missione Summi Pontificis, vt inter ceteras præcipua, tractetur; animaduertendum est quòd eo fertur intentio Voti illius, quo se Obedientiæ Summi Christi Vicarij, sine vlla excusatione Societas obstrinxit, vt quocumque gentium ad maiorem Dei gloriam, & animarum auxilium inter fideles, vel infideles, nos mittendos censuerit, nos conferamus. Nec intellexit Societas particularem aliquem locum; sed vt per orbem in diuersas regiones, & loca spargeretur; cum optaret, quòd factu optimum esset, eligere; idque speraret futurum, si hanc ipsius distributionem Summus Pontifex faceret.

2 Et in hac parte, cum omnem proprium sensum ac voluntatem Christo Domino Nostro, & eius Vicario Societas subiecerit, nec Superior pro seipso, nec quisquam alius ex inferioribus pro se, uel pro alio curare nec tentare mediate, uel immediate cum summo Pontifice, vel eius ministris poterit vt residere, uel mitti potius in hanc partem, quam in illam debeat: sed inferiores hanc curam vniuersam Summo Christi Vicario, ac Superiori suo; Superior vero, quòd ad suam personam attinet, Summo Pontifici, & ipsi Societati in Domino relinquat.

3 Præterea, qui à Summo Pontifice designatus fuerit, vt aliquo se cõferat; se ipsum liberaliter, re temporali nulla pro viatico per se, uel per alium postulata, offerat: quin potius sic à Summo Pontifice mittatur, vt eius Sanctitas ad maius Dei, & sedis

Aposto-

Apostolicæ obsequium fore, nulla rei alterius in eo habita ratione, iudicauerit.

4 Si Summus Pontifex personam non designaret, sed aliquem vel plures ad hunc uel illum locum proficisci iuberet, Superioris arbitrio relinquēdo, qui sint ad huiusmodi Missionem aptiores, Superior iuxta eius præceptum, eos qui magis conuenire, & aptiores ad id fore videbuntur, designabit. Quæ in re maius bonum vniuersale intuebitur, & ut quàm minimū detrimentum alia opera ad Dei obsequium suscepta, patiantur.

5 Ei qui sic missus fuerit, plene declarari conuenit plurimum Missionem suam, & scopum, quo fertur Summi Pontificis intentio, & effectum, cuius gratia mittitur: & hoc, si fieri potest, in scriptis; quo exactius, quod ei iniunctum fuerit, explere possit. Eundem etiam Superior inuare consilijs ac instructione, quoad eius fieri poterit, curabit; ut in omnibus ad Dei, & sedis Apostolicæ obsequium, utilius suum impendat ministerium.

6 Si ad particularia loca, tempore minime limitato, per Summum Pontificem mittetur; ad tres menses ibidem manendum ei esse intelligatur: & magis, aut minus, pro modo maioris aut minoris spiritualis fructus, qui inde percipi videbitur, vel alibi sperabitur; vel demū ut ad bonū aliquod vniuersale magis expedire iudicabitur. Quæ omnia, iuxta Superioris arbitrium, qui sanctā intentionem Pontificis, in Christi Domini Nostri obsequium considerabit, transigentur.

Cum

7 Cum in locis designatis diutius erit residendū, si fieri poterit sine detrimento principalis Missionis, atque intentionis Summi Pontificis, excursiones aliquas, si poterit, & cum fructu diuini seruitij eas fore iudicabit, facere, non erit inconueniens: vt in locis vicinis, animarum auxilio seruiens, postmodum ad suæ residentiaē locum redeat: in quo quidem præter id quod est ei peculiari ratione iniunctum (ad quod præcipuam etiam conferet curā nec propter alias occasiones, licet bonas diuini obsequij posthabebit) potest, & debet considerare, quibus alijs in rebus, quæ ad Dei gloriam, & animarum salutem conferant, suam operam sine detrimento suæ Missionis (vt dictum est) possit impendere. Opportunitatem autem, quam Deus ad id dederit, quātum in eodem conuenire iudicabit, è manibus elabi non sinet.

8 Ad finem nostræ Professionis ac promissionis melius consequendum, Præpositus Generalis, cum nouus Christi Vicarius in Apostolica sede fuerit constitutus, per se, vel per alium, intra annum ab eius creatione & coronatione, teneatur eius Sanctitati declarare Professionem, ac promissionem expressam Obedientiaē, qua ipsi Societas peculiari Voto circa Missiones ad Dei gloriā se obstrinxit.

DE MISSIONIBVS SVPERIORIS
Societatis. Cap. II.

I **Q**VO spiritali animarum necessitati subueniri multis in locis maiori cum facilitate ac
secu-

securitate eorū, qui ad id fuerint destinati, possit; Præpositi Societatis, iuxta facultatē eis à Summo Pontifice concessam, mittere quosuis de Societate poterunt, quocunque magis expedire indicabunt; qui tamen ubicunque fuerint, ad Obedientiam sedis Apostolicæ parati erunt. Et quia cōplures sūt, qui aliquos ex Nostri sibi concedi petant, potius proprię obligationis spiritualis erga suū gregem, vel aliorum commodorum, à fine nostro magis distantium, ratione habita, quàm communiū & vniuersalium; Præpositus Generalis, vel qui ab eo hāc habuerit facultatem, diligenter in huiusmodi Missionibus curet, vt in suis ad hanc potius, quam ad illam partem mittendis, & ad hoc opus potius, quā ad illud, & ut hanc personam potius, quàm illam mittat, hoc, vel illo modo, ad prolixius, vel breuius tempus; id semper quod ad maius Dei obsequium, & bonum vniuersale facit, statuatur. Cum hac ergo rectissima ac syncerissima intentione, in Dei ac Domini Nostri conspectu habita, & si ei videbitur, propter deliberationis difficultatem vel momentum, re diuinæ Maiestati, suis & domesticorum orationibus ac Sacrificijs, commendata, & cū aliquo vel pluribus ex eadem Societate, qui videbuntur inter eos qui adfuerint, communicata, statuet per seipsum, num mittere debeat, nec ne: & sic de reliquis circumstantijs; ut ad Dei maiorem gloriam continere iudicabit. Erit autem eius, qui mittitur, officium, nulla ratione se ingerendo ad eundem, uel manendum in hoc loco potius, quàm in

in illo, plenam ac omnino liberam sui dispositionē Superiori, qui eum Christi loco dirigit, ad ipsius maius obsequium & laudē relinquere. Sic etiam, vt alij maneant alicubi, vel alio se conferant, nemo quoquo modo sine consensu Superioris sui, per quem ille in Domino gubernandus est, curare debet.

- 2 Quocunque Superior mitter aliquem, eum plene instruere (& ordinarie in scriptis) debet, tam de modo procedēdi, quam de medijs, quibus eum uti velit ad finem, quem in animo habet. Per crebram etiam litterarum communicationem, quantum fieri potest, totius successus certior redditus ex eo loco, ubi ipse residet (ut personæ, & negotia exegerint) consilio, & aliis auxilijs, quæcunque adhiberi possint, providebit; ut maius seruitium Deo fiat; magisque commune bonum per personas Societatis inuietur: quod tanto maiori cura præstari debet, quanto negotij qualitas (quod vel magni momenti sit, uel difficile) & personarum, quæ missæ sunt (quod consilio, & instructione indigeant) id magis exigit.

DE LIBERA AD HANC

vel illam partem profectioe.

Cap. III.

- 1 **Q**uamuis eorum sit, qui sub Obedientia Societatis uiuūt, se non ingerere directe vel indirecte ad sui Missionem, siue à Summo Pontifice,

fice, siue à suo Superiore, In nomine Domini No-
stri I E S V Christi, mittantur; qui tamen ad re-
gionem aliquam magnam (cuiusmodi esset India;
uel aliæ Prouinciæ) missus esset, si pars eius aliqua;
peculiari limitatione ei assignata nō fuerit, potest
magis, & minus in hoc vel in illo loco immorari;
aut discurrere quacunque, omnibus perpen-
sis (in se, quod ad uoluntatem suam attinet, indifferentiā
sentiendo) & oratione facta, iudicauerit ad Dei glo-
riam magis expedire. Hinc apparet quod (primæ
& summæ Obedientiæ Summi Pontificis non re-
pugnando) multo magis in huiusmodi Missioni-
bus, Superiori ad hanc partem potius, quam ad il-
lam, prout in Domino senserit conuenire, eosdem
dirigere licebit.

- 2 Vbicunque quis maneat, si non est ei iniunctum,
ut medio aliquo limitato utatur, quale esset, lege-
re, uel prædicare; in eo se exercebit, ex ijs quibus
utitur Societas in quarta Parte, capite octauo di-
ctis, & proximo capite dicendis, quod magis con-
uenire iudicabit: atque etiam quod in sexta Parte
deuitandum dicitur, ad maius Dei obsequium etiā
deuitabit.

QVIBVS IN REBVS DOMVS ET

*Collegia Societatis proximum adiu-
uent. Cap. IIII.*

- 1 **Q** Via non solum enititur Societas, discurren-
do per uaria loca, sed etiam in quibusdam
conti

continenter residendo (vt in Domibus, & Collegijs) proximos iuuare; operæ pretium est intellexisse, quibus modis possint animæ in huiusmodi locis iuuari; vt eorum pars illa, quæ poterit, ad gloriã Dei exerceatur.

2 Et primo quidem conferet bonum exemplum totius honestatis ac uirtutis Christianæ; vt non minus bonis operibus, immo magis, quàm verbis eis ædificationi esse, quibus cum agitur, curent.

3 Iuuatur etiam proximus sanctis desiderijs, & orationibus in Dei conspectu pro vniuersa Ecclesia, ac pro ijs præsertim, qui maioris sunt momenti, ad eius vniuersale bonum effusus; ac pro amicis etiam, & bene de nobis meritis viuentibus, & vita functis; siue postulent ipsi, siue non postulent; ac pro illis, in quorum auxilium peculiariter ipsi, & reliqui de Societate in varijs locis inter fideles, & infideles incumbunt: vt Deus omnes ad gratiam suam excipiendam, per debilia huius minimæ Societatis instrumenta disponere dignetur.

4 Missarum etiam Sacrificijs iuuare possunt, & alijs diuinis officijs; nulla pro eis eleemosyna accepta; siue aliqui particulares ea petierint, siue pro sua deuotione quisque ea Deo obtulerit. Et quod attinet ad Missas, præter eas quæ pro Fūdatoribus dicuntur, vna, vel duæ, aut plures (pro numero Sacerdotum, & prout conuenerit) singulis hebdomadis pro benefactoribus viuis, aut defunctis offerrentur; Deum ac Dominum Nostrum rogando, vt pro illis hoc sanctum Sacrificium admittere, &

pro

pro infinita ac summa liberalitate sua, eam beneficentiam remunerari, qua illi erga Societatem nostram ex diuino amore ac reuerentia vsi sunt, æternis præmijs dignetur.

- 5 Poterit iuuari etiam proximus, Sacramentorū administratione: præcipue in audiendis Confessionibus (ad quas aliqui à Superiore, qui eo fungatur officio, sunt designandi) & in sancto Eucharistiæ Sacramento, extra Paschæ tamen festum, sua in Ecclesia administrando.
- 6 Proponatur verbum Dei populo assidue in Ecclesia, in Concionibus, Lectionibus, & in Christiana doctrina, per eos quos Superior probauerit, & ad tale munus destinauerit: & quidem ijs temporibus, & modo, qui eidem ad maiorem Dei gloriā & animarum ædificationem expedire videbitur.
- 7 Potest & hoc ipsum, quod dictum est, extra Ecclesiam Societatis, alijs in Ecclesijs, vel plateis, vel alijs locis præstari; quando ei, qui ceteris præest, ad maiorem Dei gloriam conferre videbitur.
- 8 Curabunt etiam priuatim proximum pijs colloquijs ad meliora promouere; tum consilio, & exhortatione ad bona opera, tum etiam tradendis spiritualibus exercitijs.
- 9 Corporalibus etiam pietatis operibus, quantū spiritualia, quæ maioris sunt momenti, permittēt, quantumque vires patientur, incumbēt; vt infirmis iuandis, præcipue in Xenodochijs, eos inuisendo, & aliquos, qui eis inseruiant, mittendo; & dissidentes ad concordiam reuocando; sic etiam paupe-

pauperes, ac in custodijs publicis detentos, quoad eius fieri poterit, per se subleuando, & vt alij subleuent, curando. Metiatur autem oportet Præpositi prudentia (qui inuitus Dei obsequium ac bonum vniuersale semper ob oculos sibi proponet) quantum in huiusmodi rebus operæ sit ponendum.

- 10 In Collegijs, & eorum Ecclesijs fiet, ex ijs quæ de Dōmibus dicta sunt, quod fieri poterit; prout opportunū fuerit, iuxta Superioris (vt dictum est) arbitrium.

- 11 Qui talento præditus ad scribendos libros communi bonos utiles, eos conscriberet; in lucem edere non debet aliquam scripta, nisi prius Præpositus Generalis ea videat, & legi ac examinari faciat; vt, si ad ædificationem fore videbuntur, & non aliter in publicum prodeant.

- 12 De ijs quæ ad officia domestica, & res alias magis particulares pertinent, in Regulis Dōmorum dicetur: nec ulterius progredientur circa Milliones, vel distributionem eorum, qui de Societate sunt, per vineam Domini Nostri IESU Christi.

OCTAVA PARS

DE IIS, QUÆ CONFERVNT AD eorum, qui dispersi sunt, cum suo ca- pite, & inter se mutuam vnionem.

DE IIS QUÆ IUVANT ad vnionem animorum.

Cap. I.



QUO difficilius est, membra huius Congregationis cum suo capite, & inter se inuicē vniri, quòd tā diffusa in diuersis mūdi partibus inter fideles & infideles sint; eo impensius, quæ iuuant ad vnionē, quærenda sunt: quandoquidē nec cōseruari, nec regi, atq; adeo nec finem, ad quem tendit Societas ad maiorem Dei gloriā consequi potest, si inter se & cum capite suo membra eius vnita non fuerint. Dicitur ergo de ijs, quæ conferunt ad animorum vnionem: Deinde de iis quæ ad vnionem personalem in Congregationibus vel conuentibus pertinent. Et quidem circa animorum vnionem, quædam ex parte subditorum, quædam ex parte Superiorum, quædam ex vtrorumque parte iuuabunt.

- 2 Ex parte subditorum, iuuerit, magnam turbam hominum ad Professionem non admitti; nec quoscunque, sed selectos homines, etiam inter Coadiutores

tores formatos, aut Scholasticos, retineri. multitudine enim magna eorum, qui vitia sua non bene domuerunt, ut ordinem non ferant, ita nec unionem, quae in Christo Domino Nostro tam necessaria est, ut bonus status, ac procedendi modus huius Societatis conseruetur.

- 3 Et quia huiusmodi unio magna ex parte per Obedientiae vinculum conficitur; haec semper in suo vigore conseruanda est: & qui foras ad laborandum in agro dominico ex Domibus mittuntur, quoad eius fieri potest, in eadem sint exercitati: & hac in virtute, qui primas in Societate tenent, bono sui exemplo alijs prae luceant; uniti omnino cum suo Superiore; & prompte, humiliter, & deuote ei obediendo, persistant. Qui autem tam egregium sui specimen in Obedientia non dedisset, certe ei adiungi deberet socius, qui in ea magis esset conspicuus. nam ut plurimum socius qui in Obedientia magis profecit, eum qui minus in ea profecisset, cum diuino fauore, in eadem iunabit. & alioqui, quamuis ad hunc scopum non tenderetur, ei qui cum aliquo munere gubernandi mittetur, Collateralis socius (si Superiori videbitur quod sic melius commisso muneri satisfaciat) adiungi poterit: qui sic se geret cum eo qui alijs praestit, & ille inuicem cum hoc, ut Obedientia ac reuerentia subditorum, debiliior erga Superiorem non reddatur: sed ille potius verum ac fidelem adiutorem, & subleuatorem erga suam personam, & aliorum, qui suae fidei commissi sunt, sibi datum esse in Collaterali experietur.

- 4 ⁱⁿ Ad eandem Obedientiæ virtutē ordo bene ob-
 -seruatus inter ipsos Superiores, quorum alij alijs
 subduntur, & inferiorum erga illos, pertinet: ita
 ut singuli, qui in aliqua Domo vel Collegio versan-
 -tur, ad suum Præpositum Localem, seu Rectorem
 recurrant, & per eū in omnibus regi se sinant. Eis
 autem qui per provinciam aliquam varijs in locis
 diffusi manent, ad Prouincialem Præpositum,
 vel alium Localem viciniorum erit recurrendum,
 prout eis iniunctum fuerit. Omnes vero Præpositi
 Locales, vel Rectores crebra cōmunicatione cum
 Prouinciali utantur, & iuxta eius arbitrium in om-
 nibus se gerant. Eodem modo Præpositi Prouin-
 ciales cum Generali se habebunt. Sic enim, subor-
 dinatione conseruata, vnio, quæ in ea quam maxi-
 me consistit, aspirante gratia Dei, conseruabitur.
- 5 Si quis diuisionis vel dissensionis eorū qui vna
 viuunt, inter se, vel cum suo capite auctor esse cer-
 neretur, diligentissime ab ea Congregatione, velut
 pestis quæ eam potest summopere inficere, si præ-
 tens remedium non adhibeatur, separandus est.
- 6 Ex parte Præpositi Generalis, quæ ad hanc vnio-
 nem animorum conferent, sunt hæc dotes, quibus
 (vt in nona Parte dicitur) cum exornari oportet:
 quibus cum præditus fuerit, erga omnia membra
 Societatis suo fungetur officio: capitis videlicet, à
 quo in illam influxus, ad præfixum ipsi finem ne-
 cessarius, descendat. & sic à Generali Præposito, vt
 à capite, vniuersa facultas Prouincialium egredia-
 tur, ac per eos ad Locales, per hos autem ad singu-
 lares

lares personas descendat. sic etiam ab eodem capite uel saltem eo suam facultatem communicante; & rem approbante) Missiones procedant. De communicatione gratiarum Societatis tantundem sit dictum: quo enim magis inferiores à suis Superioribus pendent, eo melius amor, Obedientia, atque unio inter eos retinebitur.

7 Et ut locus magis conueniat ad communicationem capitis cum suis membris, conferre plurimum potest, ut Præpositus Generalis magna ex parte Romæ resideat: ubi cum alijs omnibus locis Societatis faciliori utetur commercio. Prouinciales item in iis locis diutius uersabuntur, unde cum inferioribus, & cum Supetiori Præposito commodafuerit communicatio; quantum in Domino id effici poterit.

8 Præcipuum utriusque partis uinculum, ad membrorum inter se, & cum capite suo unionem, amor est Dei ac Domini Nostri IESV Christi: cum cuius diuina ac summa bonitate, si Superior & inferiores ualde uniti fuerint, perfacile inter seipfos unientur: idque per eundem illum amorem fiet, qui à Deo descendens, ad omnes proximos, ac peculiari ratione ad corpus Societatis pertinet. Charitas itaque, & ut in uniuersum dicatur, omnis probitas ac uirtus, qua iuxta spiritum procedatur, ad unionem ex utraque parte iunabit; & (quod inde sequitur) omnis rerum temporalium contemptus, in quibus sui ipsius amor, grauissimus huius unionis ac boni uniuersalis hostis, errare solet. Multum

etiam conferet consensio; tum in interioribus, ut est doctrina, iudicia, ac uoluntates, quoad eius fieri poterit; tum etiam in exterioribus, ut est uestitus, cœrimonie Missæ, & reliqua; quantum personarum, locorum, & ceterorum uarietas permittet.

- 9 Magnopere etiam iuuerit litterarum ultro citroque missarum inter inferiores & Superiores, frequens commercium; & crebro alios de alijs certiores fieri; ac audire quæ ex uarijs locis ad ædificationem, & eorum quæ geruntur, cognitionem, afferuntur; cuius rei Superioribus, ac præcipue Generali, & Prouincialibus cura erit; eo constituto ordine, ut quouis in loco, quæ ad mutuam consolationem & ædificationem in Domino, faciunt ex alijs sciri possint.

QUIBUS IN CASIBUS CONGREGATIO generalis fieri debeat.

Cap. II.

AD unionem personalem ut ueniamus, quæ in Congregationibus Societatis fit; considerandum est, quibus in casibus, qui, & per quem; ac itidem quo in loco, quo tempore, & modo debeat congregari; & id definiri, de quo in Congregationibus agetur. Et ut declaretur primo loco, quibus in casibus Congregatio, & Conuentus generalis fiat; illud in primis suppositum sit, quod non uidetur in Domino in præsentiarum expedire, ut certis temporibus, aut crebro fiat: quoniam Præpositus Ge-

tus Generalis adiutus communicatione, quam cū vniuersa Societate habet, & eorū opera qui cū ipso degent, hoc laboris & distractionis vniuersæ Societati, quantū fieri poterit, adimet. Aliquando tamen congregari, omnino erit necessarium: vt ad electionem Præpositi Generalis; siue eligendus sit, qui in demortui locum succedat, siue aliquam ob causam ex ijs propter quas Generalis à suo officio absolui potest: vt postea dicetur.

- 2 Altera causa est, cum deliberari oportebit de rebus perpetuis, ac magni momenti: quales essent (verbi gratia) Collegia vel Domos dissoluere, aut alio transferre; vel res admodum difficiles ad vniuersam Societatem spectantes; vel rationem procedēdi in illa, pertractare, ad maius diuinū obsequiū.

QVI DEBEANT CONGREGARI.

Cap. III.

- 1 **N**ON omnes, qui sub Obedientia Societatis viuunt, nec Scholastici approbati; verū Professi duntaxat, & præterea Coadiutores aliqui, si ita expedire in Domino videretur, sunt ad Congregationem generalem conuocandi: & quidem ex his, non nisi qui commodè venire queant. Non itaque infirmi ac ualeudinarij, nec qui in regionibus remotissimis agunt, vt in Indijs; sed nec illi, qui præ manibus negotia habent magni momenti, quæ absque graui incommodo deferri non possunt, conuenient. Pendebit autem hoc, ex iudicio Præ-

positi Generalis, si is ad Congregationem conuocauerit; vel eorum, qui congregati in singulis Prouincijs fuerint, vt venturos ad generalem Congregationem eligant. Verum vt certa aliqua ratio prescribatur; cum Conuentus celebrabitur ad eligendum Generalem, aut ad deliberandum de ijs quæ ad Generalem ipsum spectant, terni ex singulis Prouincijs veniant; Prouincialis videlicet Præpositus, cum duobus alijs, qui fuerint ad hoc negotium in Congregatione Prouinciali electi; quæ quidē Congregatio in singulis Prouincijs, ante Generalem, ad hunc finem cogetur. Conuenient autem, & suffragij ius habebunt in ea, Professores omnes Prouinciæ, qui interesse poterunt; Præpositi Domorum, atque Collegiorum Rectores, ac Procuratores; vel ij quos tanquam Vicarios illi suo nomine miserint. Cum conuentus ad res alias indiceretur; Præpositus Prouincialis sine Congregatione prouinciæ, duos ex ea eligere poterit, pro arbitrio Præpositi Generalis; cuius erit, pro occurrentium causarum ratione, constituere, num Conuentus prouincialis huiusmodi ad duorum, illorum electionem sit cogendus, an Prouincialis sine Conuentu eos debeat eligere; prout ei videbitur in Domino expedire. His tribus, & generali Congregationi, quicumque in prouincia remanent, suas vices delegabunt. Quod si præter duos electos, quosdam alios Præpositus Generalis designaret, vel Præpositus Prouincialis adducendos iudicaret; eadem erit horum, & aliorum ratio. Sed si Prouincialis præter tres,

aliquos

aliquos eligeret; plures, quàm duos, adijcere non poterit: ita vt ad summum quinque ex vna Prouincia veniant.

- 2 **Ex** Professis qui Congregationi intererunt, vnusquisque suffragium vnicui; solus Generalis duo habebit. sed si numerus par esset; Prouincialis reliquis præferetur: & si inter ipsos Prouinciales esset paritas; pars illa, in quam Præpositus Generalis, vel (si is è viuis excessisset) ipsius Vicarius inclinabit, esset præferenda. Vt enim illis magis est necessarium diuinæ gratiæ auxilium, propter munus quod gerunt; ita sperandum est, Deum ac Dominum Nostrum vberius id illis, ut sentiant & dicant quæ ad ipsius gloriam faciant, largiturū.

AD QUEM SPECTET CONGREGATIONEM GENERALEM INDICERE.

Cap. IIII.



- 1 **C**um ad eligendum nouum Præpositum. priore vita functo, conuentura est Societas; vnus ex Professis, quem suum in hac parte Vicarium, ante mortem Præpositus nominauerit, alios certos faciendos curabit. Hic autem vicarius (vt plurimum) vnus ex ijs erit, qui adesse Præposito, & ipsum iuuare soliti sunt; vel certè ex ijs qui proxime degunt: Huius officium erit, Societatem ad electionem Præpositi faciendam, præscripto tempore, & loco, quo conuenire oporteat, conuocare.

- 2 **Quando non ad electionem Generalis congregatur**

gatur Societas; in alijs euentibus Præpositus Generalis eam conuocabit; præterquam in illis, qui in nona Parte exprimentur: & non congregabit frequenter Societatem, vt dictum est; nisi rerum agendarum necessitas vrgeret. Sed cum generalis Congregatio ad electionem Præpositi conuocata, eum iam elegerit; deinde rebus alijs grauioribus, quam vt à Generali, & ijs qui cum ipso agunt, decidi debeant, tractari poterit.

*DE LOCO, TEMPORE, ET MODO
congregandi. Cap. V.*

Locus, quo cōueniet Societas ad Generalis electionē, videtur ordinarie Curia Summi Pontificis esse debere, vbi plurimum erit ipsius Generalis residentia: nisi Societas, ex composito, conueniendum esse in alium locum, qui commodior omnibus futurus esset, statueret: vt si quis in confinio diuersarum Prouinciarum, in quibus manet Societas, esset constitutus; vel alius, qui magis accommodus videretur. Si Præpositus Generalis est, qui Societatem ad alia negotia congregat; eius erit, eligere ac designare locum, quem in Domino aptiorē iudicauerit.

Spatium temporis, quod cogendæ Societati tribuetur, vbi de electione Generalis agendum est, quinque aut sex mensium erit, à tempore, quo litteræ, quæ de hac re commonefacient, scriptæ fuerint. Prorogari tamen id tempus poterit, cum necessitas

cessitas postulauerit. Cum vero alias ob causas fuerit congreganda; Generalis Præpositus pro suo arbitratu tempus designabit.

- 3 Modus in congreganda Societate seruandus hic erit vt ille, cuius hoc est munus, confestim varijs vijs Prouinciales, & siqui ex Professis sigillatim conuocandi essent, adscripta (quantum sat esse ipsi videbitur) causa, loco, & tempore Conuentus habendi, certiores faciat: admonens quoque, vt vbiq; Missæ celebrentur, & orationes fiant pro fœlici Præpositi electione. Vnusquisque autem Prouincialium (si ipsi soli eligendi potestatem non habuerint) Professos qui in ipsius Prouincia versantur, Rectores quoq; & Locales Præpositos, qui venire possint, conuocabit. Vbi vero ad Congregationem prouincialē conuenerint qui commode potuerint, eligent pluribus suffragijs (Prouincialis sententia pro duobus suffragijs numerata) eos, qui ad generalem Congregationē venient: qui esse ij debebūt, quos magis expediat Congregationi interesse, & quorū absentia minus detrimenti Prouinciæ sit allatura. Ipsi vero, quàm primum poterunt, ad constitutum locum, relictis in suis Prouincijs Vicarijs, & rebus omnibus bene compositis, proficiſcentur.

- 4 Curabūt præterea Superiores, vt omnes, qui sub Obedientia Societatis viuunt, quotidie in orationibus, & in Missarum Sacrificijs plurimum Domino commendent eos, qui ad generalem Congregationem se conferunt; & simul, vt quidquid in ea transi-

transigetur, ad maius obsequium, & laudem, & gloriam diuini nominis cedat.

DE MODO DELIBERATIONIS,

cum de electione Generalis agitur.

Cap. VI.

1 **S**I Conuentus indictus est ad noui Præpositi, qui in demortui locum succedat, electionem; simul atque conuenerint, Vicarius generalis, quatuor dies ante Præpositi futuri electionem, de eadem omnes alloquatur: horteturq; ad eam, prout ad maius Dei obsequium, & bonam Societatis gubernationem conuenit, faciendam. & præter hunc diem, tres sequentes habebunt, ut se Deo commendent, meliusque considerent, quisnam ex uniuersa Societate ad huiusmodi curam maxime idoneus sit futurus; informationem capientes ab eis qui eam benedare poterunt: donec tamen ingrediantur locum electionis, & in eum includantur, non desinant apud se, quem sint electuri.

2 Hoc medio tempore, unusquisque, sub pœna Excommunicationis latæ sententiæ, teneatur Vicario manifestare, uel alicui ex antiquioribus Professis (qui cum Vicario conferret) si sciret aliquem hoc manus affectasse, uel etiam tunc affectare, directe, aut indirecte id procurando, uel signo aliquo id declarando. Qui autem de ambitione huiusmodi cōnictus esset, actiuo & passiuo suffragio priuatur, ut inhabilis ad eligendū alium, & ut ipse eligatur: nec

in

in eam Congregationem; nec in aliam unquam admitti possit.

3 Ipso die electionis, qui hos tres dies consequetur, celebret aliquis Missam de Spiritu Sancto, quæ omnes audiant; ac in eadem Sanctissimum Christi Corpus sumant.

4 Postmodum ad campānæ pulsū, qui suffragium habent, ad locum Congregationis uocentur; & unus eorum concionem habeat; qua in genere (nullo dato signo, quo particularis aliqua persona significetur) ad electionem eius Præpositi, qui ad maius Dei obsequium conueniat, exhortetur. & postquam hymnum illū simul dixerint, Veni creator Spiritus, &cet. in prædictum locum Congregationis, ab aliquo ex Præpositis, uel Rectoribus, uel aliquo quopiam de Societate, cui id officij in Domino Congregationis commissum fuerit, includantur: ita ut nec inde egredi, nec eis aliquid ad uictum, præter panem & aquā, dari possit, donec Præpositum Generalem elegerint.

5 Quod si omnes communi inspiratione, non expectato ordine suffragiorum, quempiam eligerent, ille sit Præpositus Generalis. Omnem enim ordinem, & eligendi formulam, Spiritus Sanctus, qui ad huiusmodi electionē eos mouit, facile supplet.

6 Quando eo modo non peragetur electio, formula quæ sequitur, erit obseruanda. In primis, quisque seorsum orabit Deum; & cum nullo alio loquendo, in Creatoris sui ac Domini conspectu, ex ijs quæ prius intellexit, apud se statuet, quem sit electurus:

cturus: & in charta scribet nomen personæ, quam
eligit in Præpositum Generalem, & suum subscri-
bet; & ad hoc, spatium vnus horæ ad summum
præfigatur: deinde ad sedes suas omnes conueniât:
& Vicarius cū Secretario ad hoc ipsum inter Pro-
fessos electo, & alio tertio qui eis assistat, exurgens
à sede, protestetur nolle se admittere quenquam,
nec excludere, quem non debeat. Det autem omni-
bus absolutionem generalem ab omnibus césuris,
ad hunc canonicæ electionis effectum. Postmodū
inuocata Spiritus Sancti gratia, accedat cum suis
socijs ad mensam in medio positā; & ipsimet tres
prædicti, mutuo suffragia sua alius ab alio petant:
& iuret vnusquisque, priusquam det, quod eum no-
minat, quem sentit in Domino ad hoc munus ma-
gis idoneum: & suffragia in manibus Secretarij si-
mul seruētur: deinde à quolibet eorum, qui in Cō-
gregatione sunt, seorsum, sed tamen coram alijs,
propriū suffragium scripto contentum postulēt;
quod, præiūo eodem iuramēto, eisdem dabit vnus-
quisque. Deinde in medio omnium Secretarius suf-
fragia, electum solummodo nominando, promul-
gabit: ac demum vno suffragiorum numero cum
alio collato, qui plus quàm mediam partem suffra-
giorum omnium habuerit, sit Præpositus Genera-
lis: & ita qui prius eum nominauit, Vel Vicarius
percontetur alios, an suum consensum ei præstent,
quem maior pars elegit: & vtcumque respondeāt,
formabit Decretum electionis, dicendo; In Nomi-
ne Patris, & Filij, & Spiritus Sancti; EGO . N.

nomine

nomine meo, & omnium idem sentientium, eligo.
Nain Præpositum Generalem Societatis IESV.
Quo peracto, statim omnes ad reuerentiam ei ex-
hibendam accedant; & flexo utroque genu, manū
eius osculentur. Qui uero electus fuerit, nec ele-
ctionem, nec exhibitam reuerentiam (memor cu-
ius nomine eam admittere debet) recusare poterit.
Deinde simul omnes dicant, Te Deum laudamus.

7 Si non fuerit qui amplius quam mediam partē
suffragiorum habeat; alia ratio scilicet compro-
missionis, ineatur; electis inter omnes tribus, aut
quinque electoribus (qui nimirum ad id munus
plura habuerint suffragia) & quo maior horum
trium vel quinque pars inclinauerit; ille sit Præpo-
situs Generalis, & promulgetur, eique reuerentia
exhibeatur, & Deo Nostro gratiæ agantur; ut supe-
rius dictum est.

8 Post promulgationem, nulli integrum erit, suf-
fragium suum mutare, nec peracta electione aliam
rentare: & obseruet quæ dicta sunt, qui schismati-
cus ac ruinæ Societatis auctor haberi nolit, & in
pœnam Excommunicationis latæ sententiæ
incidere; aliasque graues censuras subi-
re, pro arbitrio Societatis; cui
vniū & conformitas omni-
moda ad Dei glo-
riam cō-
uenit.

DE MODO IN DELIBERATIONIBUS
 tenendo, quando in Congregatione genera-
 li non de electione Præpositi, sed
 alijs de rebus agitur. Cap. VII.

- 1 **C**um in Congregatione, non de electione Præpositi, sed alijs de rebus grauibus, & ad statū Societatis pertinentibus agitur; inclusio necessaria non erit: licet sit curandum, ut quam expeditissime fieri poterit; quæ tractanda sunt, absoluantur. Sed quia ex prima & summa Sapientia descendat oportet lux ea, qua dijudicari possit quid statnere conueniat; in primis, Missarum Sacrificia offerentur; fietque oratio in loco Congregationis, & alijs partibus Societatis; per totum illud tempus quo congregantur, & quo tractantur res in eo Conuensu de finiendæ, ad gratiam impetrandam; ut omnia ad maiorem Dei gloriam constituentur.
- 2 Deinde semel, aut sæpius omnibus congregatis; Præpositus Generalis, deinde Prouinciales, Rectores, alijsque ad Congregationem vocati; quæ eis tractanda videbuntur, rationesque eorum, quæ sentiunt (postquam diligenter omnia considerauerint, ac Deo & Domino Nostro commendauerint) coram omnibus breuiter proponent. Et postquam proposuerint summam, scriptam in medio relinquent; ut siqui velint, eam legant; & quod ea de re sentiunt, in sequenti Congregatione dicant.
- 3 Rebus agitis hinc inde in vna vel pluribus
 Con

Congregationibus, si nihil manifeste in alterā partem constitui videretur; communi omnium, vel re omnium assensu, quatuor, qui definiant, ex ijs qui interfunt Conuentui; & in eos ius habent suffragij, plurium sententijs (quibus alij se stare velle compromittāt) eligantur: qui quoties opus fuerit, cum Præposito Generali congregati omnia ea, de quibus agitur, decident. Quod si omnes eiusdem sententiæ non fuerint; quo verget maior pars, id præferendum, & à tota Congregatione, vt de manu Domini admittendum erit.

4 Si Præpositus Generalis ea corporis valetudine non esset, vt posset rebus omnibus tractandis interesse, posset alium suo loco substituere; & sic sigillatim, omnibus rebus constitutis, prout maiori parti visum fuerit, quod decretum est, scribetur; & in plena Congregatione legetur; & si etiam tunc alicui visum fuerit, quid ea in re sentiat, dicere ei licebit: sed omnia tandem arbitrio Præpositi cum Definitoribus relinquentur.

5 Consideratis denuo illis; quæ discussa sunt, & modo iam dicto rursus constitutis, Secretarius in libro ad id destinato ea postmodum promulganda scribet.

NONA PARS
DE IIS QVÆ AD CAPVT SOCIE-
tatis, & gubernationem ab eo descen-
dentem pertinent.

QVOD PRÆPOSITVM GENERA-
lem, & quidem perpetuum, dum vixerit,
esse oporteat. Cap. I.



VT In omnibus Rebus pub. vel Con-
gregationibus bene cōstitutis, præ-
ter eos qui ad fines particulares in
eis tendūt, necesse est esse aliquem
vel etiam plures, qui boni vniuer-
salis curam habeant, & vt ad proprium finem, ad
id tendant: sic etiam in hac Societate; præter eos,
qui particularibus Domibus, Collegijs, & Prouin-
cijs etiam, in quibus huiusmodi sunt Domus, vel
Collegia, præsunt, necesse est esse aliquem, qui vni-
uersæ Societatis curam habeat; qui hūc sibi finem
constituat, vt bene gubernetur, conseruetur, & au-
geatur totum Societatis corpus: & hic est Præposi-
tus Generalis; qui cum duobus modis eligi posset;
scilicet, vt ad tempus aliquod definitū, vel vt quan-
diu viuet, Societati præsit: propterea quòd experiē-
tia, & in gubernando exercitatio, & hominum par-
ticularium notitia, & erga eosdem auctoritas con-
fert magnopere, vt bene hoc munus obeat; ad vitā,
& non ad tempus aliquod præscriptum, erit eligen-
dus.

dis. Accedat autem ad cetera hoc commodi ex eo; ut Societas in rebus magni momenti, ad Dei gloriam satis fere semper occupata, vniuersalibus his Conuētibus, minus laboris & distractiōis patiatur.

*QUALIS ESSE DEBEAT PRÆPO-
situs Generalis. Cap. II.*

INter dotes varias, quibus ornari Præpositū Generalem optandum est, omniū prima hæc erit: ut cum Deo ac Domino Nostro quàm maxime cōiunctus, & familiaris, tam in oratione, quam in omnibus suis actionibus sit: ut eo vberius ab ipso, ut boni totius fonte, vniuerso corpori Societatis abundantem donorum, ac gratiarum eius participatiōnem, ac multum valoris, & efficaciam omnibus illis rationibus, quibus ad animarum auxilium utetur, impetret.

2 Secūda, ut vir sit, cuius in omni virtutum genere exemplum, reliquos de Societate iuuet; ac præcipue in eo splendor charitatis erga omnes proximos, & in primis erga Societatem, ac veræ humilitatis, quæ Deo & hominibus amabilem eum reddant, sit conspicuus.

3 Liber etiam ab omnibus inordinatis affectionibus, per gratiam Dei edomitis & mortificatis, sit oportet, ne interius iudicium rationis perturbent: & ut exterius tã sit compositus, & in loquēdo præsertim tam circumspectus, ut in eo nihil, ne verbum quidem, notari possit, quod non ad ædificationem,

- siue eorum qui de Societate sunt (quibus speculi
& exēplaris loco esse debet) siue externorū faciat.
- 4 Nihilominus eo modo didicerit rectitudinem
ac seueritatem necessariam, cum benignitate & m̃a
suetudine miscere, vt nec se flecti sinat ab eo quod
Deo ac Domino Nostro gratius fore iudicauerit;
& tamen filijs suis, vt conuenit, compati nouerit:
eo modo se gerendo, vt etiam qui reprehenduntur,
vel corriguntur, quamuis secundum inferiorem ho
minem quod agitur displiceat, agnoscat nihilomi
nus quod recte in Domino, & cum charitate ille
suum officium faciat.
- 5 Animi etiam magnitudo ac fortitudo est ei per
necessaria, ad infirmitatem multorum ferendam,
& res magnas in diuino seruitio aggrediendas; in
eisque constanter, quando id conuenit, perseueran
dū; non propter contradictiones (licet à magnis, &
potentibus excitatas) animum despondendo; nec
ab eo, quod ratio, & diuinum obsequium postulat,
vllis eorum precibus, aut minis separari se sinēdo;
vt omnibus demum casibus, qui incidere possunt,
sit superior: nec prosperis efferti, nec aduersis dei
ei animo sese permittat: paratissimus, cum opus
esset, ad mortem pro Societatis bono, in obsequiū
IESV Christi Dei ac Domini Nostri, subeundā.
- 6 Tertia est, vt præclaro intellectus, ac iudici
dono polleat; vt nec in rebus ad speculationem,
nec ad praxim pertinentibus, quæ occurrerint,
hoc talento sit destitutus. Et quamuis doctrina
valde ei necessaria sit, qui tammultis viris eru
ditis

ditis est præfutura; magis tamen est necessaria prudentia, & in rebus spiritualibus & internis exercitatio; ad varios spiritus discernendos; ad consilium ac remedium tam multis (qui) necessitatibus spiritualibus laborabunt; adhibendum. Discretionis etiam donum in rebus externis, ac modo res tam varias tractandi, & cum tam diuersis hominum generibus in ipsa Societate & extra illam, agendi, summopere erit ei necessarium.

7 Quarta, & in primis necessaria ad res conficiendas, est vigilantia, & sollicitudo ad eas incipiendas, & strenuitas ad easdem ad finem & perfectionem suam perducendas; vt nec incuria; nec remissione animi, inchoatæ & imperfectæ relinquantur.

8 Quinta ad corpus pertinet; in quo, quod ad sanitatem, speciem externam, & ætatem attinet, habenda est ratio hinc quidem decentiæ & auctoritatis, inde vero virium corporis; quas eius munus exigit; ut in eo fungi officio suo, ad Dei ac Domini Nostri gloriam, possit.

9 Sexta circa res externas est; inter quas, quæ magis ad ædificationem, & Dei obsequium in eo officio conferunt, præferri debent. Huiusmodi esse solent, existimatio ac bona fama: & demum, quæ ex ceteris ad auctoritatem cum externis, & cum ijs qui de Societate sunt, adiuvant.

10 Denique ex eorum numero esse debet Præpositus Generalis; qui in omni virtutum ornatu clarissimus, & de Societate optime meriti; & diu in eadē tales esse perspecti sunt. Et si aliquæ ex dotibus su-

perius dictis deessent; certe non desit eximia probitas, & amor erga Societatem, ac iudicium bonum, quod etiam idonea doctrina comitetur. In reliquis enim, per eos qui ad eius auxilium destinandi sunt (de quibus inferius dicetur) cum auxilio & favore diuino, multa suppleri poterunt.

DE AUCTORITATE PRÆPOSITI

Generalis erga Societatem, ac de officio

eius. Cap. III.

VT bene gubernetur Societas, expedire valde videtur, ut Præpositus Generalis omnem habeat auctoritatem in Societatem, ad ædificationem. quæ potestas (vnde Præpositi officium cognoscitur) hæc erit: primum Præpositus Generalis per se, & per alios admittere in Domibus, vel Collegijs, vel vbiçumq; libeat, poterit eos qui ad Institutum Societatis ei idonei videbuntur, siue ad Probationem, siue ad Professionem, siue in Coadiutores formatos, vel Scholasticos approbatos, admittendos censeat. Poterit etiam eosdem dimittere, & à Societate remouere.

Eiisdem erit, quos mittendos iudicauerit, & quocunque volet, ad studia litterarum mittere. Poterit & eosdem reuocare ante vel post absoluta studia, ac transferre ab vno in alium locum, prout ad ipsorum particulare, & ad vniuersale bonum Societatis magis conuenire in Domino Existimabit.

Totam habebit superintendentiam, & gubernationem

tionem Collegiorū, quod ad Scholasticos, & Præceptores, & Officiales attinet: inter quos primas tenent Rectores, quos constituere, ac remouere poterit; eamque facultatem eisdem communicare, quā senserit in Domino conuenire: & per huiusmodi Rectores, administrationem Collegiorum exercebit in ijs quæ ad ædificia, & temporalia ipsorum bona in Scholasticorū vsum comparata pertinet; vt in litteris Apostolicis continetur.

4 Curabit etiam vt illi rationem officij sui eo modo qui conuenire maxime videbitur, reddant. Et quod de Collegijs dicitur, de Vniuersitatibus Societatis eius curæ commissis dictum intelligatur. Res enim earum quæ ad vitæ ac doctrinæ institutionem pertinent, administrare, Præpositi Generalis munus erit; quod per ministros à se iuxta Constitutiones constitutos, exercebit; &c.

5 Est item penes Præpositum Generalem omnis facultas agendi quosuis contractus emptionū aut venditionum quorumlibet bonorum temporalium mobilium tam Domorum quam Collegiorum Societatis: & imponendi, ac redimendi quoslibet census super bonis stabilibus ipsorum Collegiorum, in eorundem vtilitatem ac bonum, cum facultate sese onere liberandi, restituta pecunia quæ data fuerit. Alienare autem, aut omnino dissoluere Collegia, vel Dōmos iam erectas Societatis, sine generali eius Congregatione, Præpositus Generalis non poterit.

6 De ijs vero quæ Societati ita relinquuntur, vt ipsa

pro suo arbitratu ea disponat (siue bona stabilia illa sint, vt Domus aliqua, vel prædium non alicui certo Collegio ab eo qui relinquit determinate applicatum vel annexum; siue mobilia; cuiusmodi sunt pecunia, triticum, & quæuis alia mobilia) idẽ Generalis disponere poterit, aut vendendo, aut retinendo; aut huic vel illi loco id quod ei videbitur, applicando; prout ad maiorem Dei gloriam senserit expedire.

- 7 Et Præpositi Prouinciales, aut Locales, & Rectores; & alij eius Commissarij eam partem huius facultatis habebunt, quam ipsi Generalis communicauerit. Neq; verò Collegiales ad huiusmodi actus collegialiter erunt congregandi.

- 8 Sicut ad Generalem pertinet curare vt Societatis Constitutiones ubique obseruentur, ita ad eundem pertinebit in ijs quæ accidunt, vbi dispensatione opus est, habita ratione personarum, locorum, temporum, & aliarum circumstantiarum, dispensare: quod minus ea cum prudentia, quam lux æternæ comunicauerit, finem earundem Constitutionum intuendo, qui alius non est quàm maius Dei obsequium, & eorum bonum, qui hoc viuendi Institutum sequuntur, præstabit. Idque tam de experimentis eorum, qui in Probationibus versantur, quàm de alijs rebus, in quibus eam fuisse mentem eorum, qui Constitutiones condiderunt, ad gloriam Dei ac Domini Nostri indicabitur, dictum sit.

- 9 Idem Generalis in Missionibus omnem habebit potestatem; eis tamen nulla ratione repugnando,

do, quæ à sede Apostolica (vt in septima Parte dictur) Proficiſcuntur. Mittere ergo poterit omnes ſibi ſubditos, ſiue Profeſſionē emiſerint, ſiue nō emiſerint (quos imittēdos iudicauerit) ad quaslibet mūdi partes, ad quoduis tempus, vel definitū vel indefinitū, prout ei videbitur, ad quāuis actionē ex ijs quibus vti ad proximorum auxilium Societas ſolet, exercendam. Poterit etiam miſſos reuocare: & in omnibus denique, vt ad maiorem Dei gloriam fore deſenſerit, procedere. Idem, cum talenta hominibus Societatis noſtræ donata cognoſcat, officia Prædicatorum, Lectorum, & Confeſſariorum diſtribuet. De alijs officijs tantumdem intelligatur: & quemlibet eo in munere, quod conuenientius ad diuinum obſequium, & ſalutem animarum obiturus in Domino videbitur, conſtituet.

10. Eius erit, vti facultatibus à Sede Apostolica Societati conceſſis; & eam partem illarum, vnicuique inferiorum communicare, quam in ipſo bene collocatam, ad finem diuini obſequij nobis præfixū, exiſtimauerit. Eiuſdem erit, reuocare eas, vel contrahere, ad eandem regulam diuini beneplaciti omnia exigendos.

11. Eiuſdem Generalis erit, correctionibus vti, ac poenitentias, quæ ad ſatisfactionem quoruncumq; defectuum conuenire videbuntur, habita ratione perſonarum, & aliarum circumſtantiarum, iniungē. Re: quarū conſideratio eius charitati cū prudentia coniunctæ, qua ad Dei gloriam vtetur, cōmittitur.

12. Eiuſdem erit, conuocare Societatem ad generalem

tem Congregationem (quando alijs de rebus, quã de electione Præpositi est agendum) & statuere; vt Prouincialis etiam Congregatio conuocetur, cum expedire iudicauerit; & dirigere eos qui conuenerint; ac suo tempore, ijs absolutis quæ tractanda erant, dimittere.

13 Sine eius facultate & approbatione, nullus possit dignitatem vllam extra Societatem admittere: nec ille facultatem huiusmodi dabit; nec id approbabit, si Sedis Apostolicæ Obedientia ipsum non compelleret.

14 Constituat idem, vt dictum est, per seipsum Rectores Collegiorum, & Vniuersitatum, ac Præpositos Locales Doctorum, quos aptiores fore iudicauerit; Prouinciales itidem Præpositos ad triennium vt plurimum (quatinus & contrahi; & prorogari etiam id spatium temporis possit, quando ad maiorem Dei ac Domini Nostri gloriam id fore videbitur) Quibus etiam eam potestatem communicabit, quam duxerit communicandam.

15 Poterit etiam eam reuocare, restringere, & etiã augere, & administrationis rationem ab eis exigere. Quod si Prouinciali facultatem constituendi Præpositos Locales, & Rectores communicauerit; eiusdem Generalis erit, eosdem confirmare, vel remouere.

16 Idem Officiales reliquos ad gubernationem Societatis necessarios, vt Procuratorem generalem, & Secretarium Societatis, constituet; eam illis facultatem, quam pro negotiorum ac personarum ratione

- tionē conuenire in Domino iudicabit, cōicando.
- 17 Idem poterit, non expectata generali Congregatione, Domos, Collegia, Vniuersitates Societati oblatas accipere; & in Fundatores, cum priuilegijs in quarta Parte dictis, eos quos in Domino admit- tentios duxerit, admittere; & Lectōres, Sacerdotes, & alia quæ occurrerint, prouidere. Erit tamen ei curandum, vt cum huiusmodi conditionibus ad- mittat, ex quibus Societas commoditatem ad pro- positum sibi diuini obsequij finem, & non detri- mentum sentiat. Sed si experimento compertum esset, grauari magis, quam iuari Societatem, nec Præpositus generalis de remedio prospiceret; in prima generali Societatis Congregatione, utrū hu- iusmodi Dōmum, Collegiū, vel Vniuersitatē relin- qui, an teneri cum tali onere expediat, agi poterit.
- 18 Transfere, vel dissoluere Domos, vel Collegia iam erecta, aut in vsum Societatis Professæ red- ditus eorum conuertere, Præpositus Generalis, vt in quarta Parte dictum est, non poterit.
- 19 Cognoscat, quoad eius fieri poterit, conscien- tiās eorum qui sub eius Obedientia sunt; ac præci- pue Præpositorum Prouincialium; & aliorū, qui- bus munera maioris momenti committit.
- 20 Generatim loquendo, in rebus omnibus quæ ad propositum Societati finem perfectionis & auxilij proximorum ad gloriam Dei faciunt, omnibus præcipere in Obedientiæ virtute possit. Et quam- uis alijs inferioribus Præpositis, vel Visitatoribus, vel Commissarijs suam facultatem communicet, poterit

poterit tamen approbare, vel rescindere quod illi fecerint, & in omnibus quod videbitur, constituere: & semper ei Obedientiam ac reuerentiam (ut qui Christi vices gerit) præstari oportebit.

DE AVCTORITATE, VEL PROVIDENTIA, quam Societas habere debet erga Præpositum Generalem:

Cap. II. III.

- 1 **F**acultas, vel providentia Societatis erga Præpositum, (habita semper ratione boni universalis, ac maioris ædificationis) sex in rebus, quæ ad Dei gloriam iuvare possunt, consistit.
- 2 **P**rima ad res externas pertinet, vestitus, victus, & expensarum quarumlibet ad personam Præpositi spectantium: quæ omnia vel augere, vel minuire poterit Societas; prout Præpositum ipsum, ac se decere, & Deo gratus fore indicabit. Et huic Societatis ordinationi Præpositum acquiescere oportebit.

- 3 **S**ecunda ad corporis curam pertinet, ne in laboribus, vel rigore nimio mensuram excedat. Quæ etiam in re ad moderationem se reduci sinet Superior, & Societatis arbitrio acquiescet.

- 4 **T**ertia ad animam eius spectat, cum etiam viris perfectis aliquando huiusmodi cura vel circa personam, vel circa officium sit necessaria. Habeat ergo Societas cum Præposito Generali (& idem cum inferioribus fieri posset) aliquem, qui accedens ad

Deum

Deum in oratione, postquam diuinam bonitatem consuluerit, & æquum esse id iudicauerit, cum modestia debita, ac humilitate, quid sentiat in ipso Præposito requiri ad maius obsequium & gloriam Dei, admonere teneatur; siue ille sit eius Confessarius, siue alius quispiam per Societatem designatus, qui ad hoc negotium aptus videatur.

5 Quarta est, quod, si quis vrgeret (licet eum non obligando sub pœna peccati) vt dignitatem aliquã admitteret, in qua Præpositi officium necessario relinquendum esset, non posset sine consensu Societatis eam admittere. Societas autem, semper intuendo quæ ad maius Dei obsequium & gloriam pertinent, si Obedientia Sedis Apostolicæ non cõpulerit, assensum numquam præstabit.

6 Quinta locum habet, si accideret vt valde negligens vel remissus esset in rebus magni momenti, ad Præpositi officium pertinentibus; propter corporis grauem ægritudinem, aut senium, spe emendationis ea in parte sublata; vnde multum detrimenti publicum bonũ pateretur. tunc enim Coadiutor, vel Vicarius qui Generalis officio fungatur, est eligendus; siue ipsemet Præpositus eum cū approbatione Præpositorum Prouincialium sibi substituat; siue illi cum approbatione duorũ Præpositorum Localium, vel Rectorum vniuscuiusq; Prouinciæ, eum per litteras pluribus suffragijs eligant ad Societatis gubernationem; cum ea facultate, quæ Generali, vel ipsi Societati, si ea eligeret, communicanda videretur.

Sexta

- 7 Sexta locū haberet in quibusdam casibus (quos speramus per Dei bonitatem, aspirante ipsius gratia, nunquam euenturos) cuiusmodi essent peccata mortalia in externum actum prodeuntia; ac nominatim copula carnalis; vulnerare quemquam; ex redditibus Collegiorum aliquid ad proprios sumptus assumere, vel cuius extra Societatem donare; vel aliqua stabilia bona Domorum, aut Collegiorum alienare; vel prauam doctrinā habere. Siquid ergo horum accideret, potest ac debet Societas (si dere sufficientissime constaret) eum officio priuare; & si opus est, à Societate remouere: in omnibus præ oculis habendo quod ad maiorem Dei gloriā & vniuersale bonum Societatis fore iudicabitur.

DE MODO QVO PROCEDERE DE-
bet Societas in ijs quæ ad Præpositum Ge-
neralem pertinent. Cap. V.

- 1 **I**N primis Præpositi Prouinciales, quos Generalis ipse per se constituit, in conspectu Dei considerare & efficere quod vniuersali bono Societati debent in prædictis ad Præpositum Generalem pertinentibus, prout in Domino senserint, teneantur.
- 2 In ijs quæ ad sūptus & curā corporis eius, & res alias minus graues pertinent, Congregatione opus non est: sed vt Societas viros quatuor ei Assistentes, qui discretionem, ac zelo communis boni Societatis polleant, constituat: qui quidem apud Præpositum manentes, in conspectu Creatoris ac Domini sui dicere,

dicere, ac efficere; quidquid circa tria prima in præcedenti capite dicta, ad maiorem Dei gloriam fore senserint, teneantur.

3 . Electio vero quatuor huiusmodi Assistentium, eorum erit qui Præpositum eligent, quando ad id congregantur. Quod si vel mortem obiret, vel à Præposito Generali diutius abesse, propter causas graues, aliquem ipsorum oporteret; non repugnantibus Prouincialibus Societatis, Præpositus Generalis alium substituere, qui cum approbatione omnium, vel maioris partis eorum, manebit in demortui vel absentis loco.

4 . Tertio, si accideret aliquod ex peccatis (auertat id Deus) quæ sufficiunt ad Præpositum officio suo priuandum; simul atque res per testimonia sufficientia, vel ipsius affirmationem constaret; iuramento obstringantur quatuor assistentes ad id Societati denuntiandum, & cum omnium, vel certe trium subscriptionibus Congregationem, id est Præpositos Prouinciales cum duobus alijs, quos singuli ex sua Prouincia secum adducent (qui congregari tenebuntur) conuocandam. Et si res diuulgata, & communiter manifesta esset; non expectata quatuor Assistentium conuocatione, Prouinciales alij alios vocando conuenire deberent. Et ipso primo die, quo in locum huiusmodi Congregationis ingredientur, ubi aderunt quatuor illi qui conuocauerunt, cum alijs congregatis, rem is aggrediatur, cui omnia notiora sunt, & accusatio dilucide explicetur: & postquam auditus fuerit Præpositus, foras egredi

egredi debebit: & antiquissimus ex Prouincialibus simul cum Secretario, & alio Assistente de tota re scrutinium faciat; & primo quidem; an constet de peccato quod obijcitur; deinde an huiusmodi sit, vt propter id priuari officio debeat; & idem suffragia promulget, quæ, vt sufficiant, duas tertias partes excedent; & tunc statim de alio eligēdo agatur: & si fieri potest, non prius inde egrediantur, quam Societas Generalem Præpositum habeat: & si eo die res transigi non poterit, in sequenti, vel quam expeditissime fieri poterit, eo modo quo in octaua Parte dictum est, transigatur.

5 Si defectus deprehensi non fuerint eiusmodi, vt priuandus officio suo, sed tantum corrigendus videretur; quatuor eligantur, quibus cura iniungatur considerandi, quæ correctio ei conueniat: & si non conuenirent, paribus suffragijs existentibus, quintus adiungatur, vel tres alij; ut quid in Domino conueniat constituent.

6 Si accideret Præpositum Generalem ad Societatis gubernationem esse inutilem, re partim coram eo, & partim in eius absentia agitata, dispiciatur an eligi Vicarium absoluta cum potestate, quamuis sine nomine Præpositi Generalis (quāmdiu vixerit qui tunc erat) oporteat: & id, si pluribus quàm dimidiæ parti suffragiorum visum fuerit, sic agendū erit. Si id necessarium fore non iudicarent, uidendum erit an præter ministros illos quorum opera Generalis utebatur, Societas alios providere debeat; ut subleuato magis eo, & adiuto, non desideretur

raretur quod ad gubernationem Societatis conueniret. Et ea in te sequi oportebit quod plus quam media pars eorum qui congregati sunt statuerit. Si ageretur de dignitate, quam ut plurimum pati non potest Præpositi officium, si non compulerit talis Obedientia Summi Pontificis, quæ ad peccatum obligare posset; res in consultationem ne adducatur; sed id omnino tanquam certum tenendum est, nec debere, nec posse consensum ad huiusmodi dignitatem admittendam præstari.

DE IIS QUAE IVVARE POTES-
sunt Præpositum Generalem, ut suo
officio bene fungatur. Cap. VI.

I CVM proprium Generalis officium non sit concionari, nec Confessiones audire, nec alia huiusmodi (in quibus tamen ille, ut particularis persona, videbit quid præstare possit, cum ei per alias occupationes officij sui proprias licebit, & non aliter) sed ita regere universum huius Societatis corpus, ut conservetur, & gratia divina aspirante in bono suo statu, & modo procedendi ad Dei & Domini Nostri gloriam crescat; ad quem sibi propositum finem sua potestate vri debet.

2 Præter dona illa perfectionis magnæ spiritualis ac virtutum, de quibus secundo capite dictum est, bonis etiâ ministris ad munera particularia obeunda opus habet. quamvis enim per seipsum aliquan-

do illis versetur; habeat tamen necesse est Præpositos inferiores (quos viros selectos esse oportet) quibus multum potestatis conferre, & huiusmodi res particulares fere semper committere possit. Eius autem crebrior communicatio inter Præpositos inferiores cū Prouincialibus erit; horum autē cū Rectoribus, & Præpositis Localibus, vt melius subordinatio conseruetur. Aliquando tamen Generalis, vel vt pleniorē rerum omnium notitiā habeat, vel propter alia quæ sæpius accidere solent, ipsemet cum Rectoribus, & Præpositis Localibus, & particularibus etiā personis aget; eisdemque consilio, reprehensione, & si opus est, correctione iuuare studeat: quandoquidem eius est munus, defectus Præpositorum inferiorum supplere, ac cum diuino fauore & auxilio, quod in ipsis perfectum non est, ad perfectionem perducere.

- 3 Ad omnia etiā conferet, si Generalis litteras Apostolicas, & concessionēs omnes, quæ ad institutionem, facultates, vel priuilegia Societatis pertinent, & quoddam eorum compendium apud se habuerit: catalogum itidem vnum omnium Domorum, & Collegiorum Societatis cum suis redditibus; & alterum personarum omnium quæ in quauis Prouincia versantur, non solum Professorum, & Coadiutorum qui formati, ac Scholarius qui approbati dicuntur, sed etiā illorum qui in Probationibus exercentur; vbi eorum nomina, & qualitates scribantur: & hunc catalogum renouandum singulis annis, si conuenire videbitur, curabit, Et demum

demum omnia perspecta habeat; vt in omnibus rebus melius possit quæ ad gloriam diuinam pertinent, prouidere.

4 Quod in vniuersum in sexta Parte capite tertio dicitur, eos qui de Societate sunt, negotijs secularibus, licet pia alioqui essent, implicari non debere; id Generali magis, quam reliquis omnibus, conuenit: ne in eis, vel alijs etiam rebus, pijs quidẽ, sed ad Societatem non pertinentibus, ita occupari se sinat, vt tempus ac vires ad ea quæ pertinent ad ipsius officium (quod quidem magis, quam totum hominem requirit) eum destituant.

5 Sed nec in executione ministeriorum particularium ad Societatem pertinentium, quæ per alios effici possunt, magnopere occupari deberet: cuiusmodi esset peculiaris alicuius Domus cura, quod ad sustentationem temporalem, & gubernationẽ eius attinet: quin potius, vt superius dicitur, suos quouis in loco, etiam vbi ipse residebit, Officiales habeat; in quo si totam curam non reiecerit, subleuetur certe ab eis, & huiusmodi curæ occupatione liberetur.

6 Sic etiam in quauis Prouincia eos habeat Prouinciales tam probatæ fidei, ut qui intelligit magnam ex parte ex his & Localibus bonam gubernationem Societatis pendere. Cum autem illi tales fuerint, laborem cum illis, in rebus quæ id patiuntur, diuidendo, & de omnibus grauioribus certiorẽ se fieri curando, plus otij ac temporis sibi relictũ, vt rebus vniuersalibus vacet, quæ solus ipse obire

potest, intelliget; Plus etiam lucis ad perspiciendū quid in illis facto opus sit, si ipsius intellectus eam lucem, qua donatus est, ex parte nō amiserit; ut eis accidit, qui plus æquo in rebus particularibus, ac exiguis occupantur; vnde opprimi & debilior reddi intellectus acies ad res uniuersales perspicieudas solet.

- 7 Nec solum Præpositus Generalis ad res particulares (vt dictum est) ministris opus habet, sed etiā ad vniuersales, & sui officij proprias; vt eis bene ac suauiter possit satisfacere. Habeat igitur necesse est, qui multa in memoriā reducendo, ac sollicitudinē curādi res tam multas officij sui; qui etiam consilio ad eas ordinandas; demum qui diligentia ac labore ad eas opere cōplendas adiuuet. Id enim compertum est, quōd nec viri vnius memoria tam multarum rerum recordationi satis sit; nec, si id præstaret, vnius intellectus ad easdem bene considerandas & ordinandas satis esset; nec, quamuis & hoc posset, vires unius ad easdem exequendas sufficerent.

- 8 Ad primum illud de solitudine omnia curandi, aliquo ministro ei opus est, qui ordinariē apud ipsum maneat; qui pro memoria, & manibus illi sit ad omnia, quæ scribenda, & tractanda fuerint, ac breuiter ad res omnes officij sui obitundas; qui induat Præpositi personam; & præter potestatem, totum officij eius pondus humeris suis impositū esse existimet.

- 9 Hic Præpositi minister uir esse sollicitus, & discretionis,

cretionis, & si fieri posset, doctrinæ dono, & specie honesta, ac modo agendi uerbo & litteris cum omni hominum genere, præditus esse deberet; quique in primis esset uir, cui confidenter quiduis committi posset; quique Societatem in Domino diligeret: quo utilius eius opera ac ministerio uti Præpositus Generalis ad gloriam diuinam ualeat.

10 Secundum auxilium, uidelicet consilij ad res graues, quæ se offerunt, ordinandas & constituendas, quàm sit Generali Præposito necessarium, ex earum multitudinem; & ex humani intellectus natura, qui tam multas in partes consideratione diuidi nequit, uel certe ad id quod oportet, in eis partibus dispiciendum, ac prouidendum non sufficit, potest intelligi. Videtur ergo pernecessarium, ut aliqui sint apud Superiorem uiri, litteris & omnibus alijs Dei donis clari, qui ei assistant, & considerandi peculiari sollicitudine res uniuersales Societatis à Generali commissas curam habeant; quam illis posset diuidere, quo accuratius res omnes perspiciant: ut unus rerum Indicarum inspiciendarum, alter Hispaniæ & Portugalliæ, & alius Germaniæ & Galliæ, & alius Italiæ & Siciliæ curam haberet: & sic de alijs, quâdo Societas in plures partes spargeretur. Quisque autem ex eis peculiari oratione, & suis in Sacrificijs recordatione, Deo partem illam sibi specialiter commissam commendare debet; & considerare, quid in ea magis, ad id consequendum quod sibi Societas proponit, iuuare posset. Conferendum etiam cum alijs esset, siquid ad rem facere magno-

pere uideretur. Res autem inter se discussas Generali referre possent. Idem etiam attenderent ijs rebus, quæ uel à Præposito, uel etiam à Secretario Societatis proponerentur: ut magis inter ipsos discussæ Superiori referantur. Et in uniuersum in considerandis & tractandis rebus, tam ad doctrinam, quàm ad praxim pertinentibus, quæ altiore considerationem postulant, iuuare Præpositum ac subleuare debent. Præter id autem, & quod rebus multis melius prouideri per illos poterit, Prædicationi, Læctioni, Confessionibus audiendis, & alijs bonis ac pijs operibus ad Dei gloriam & animarum auxilium uacare poterunt.

11. Numero autem huiusmodi Assistentes nunc quidem quatuor erunt; & quidem illi ipsi esse poterunt; de quibus superius dictum est. Quamuis autem res grauiore cum eis tractandæ sint, statuendi tamen facultas, postquam eos audierit, penes Præpositum Generalem erit.

12. In tertio auxilio, uidelicet diligentia ad exequendum uel complendum quod res Societati necessarias fuerit constitutum, cuiusmodi essent negotia, quæ ad Domos uel Collegia pertinent, expedire; tum etiam quæ illorum sunt, defendere: & generatim ad res omnes agendas, multum conferet, immo necessarium est unius Procuratoris generalis Societatis auxilium, qui quidem Romæ resideat, ac prudentia, fidelitate, & dexteritate cum hominibus agendi, & omnibus alijs dotibus polleat; nō tamen Professus sit, nec in Domibus Societatis

Profes-

Professæ habitet; sed in alia (de qua dictum est in quarta Parte) qui suis etiam auxilijs, ac ministris ad ea negotia, quæ solus non potest conficere, necessarijs subleuetur.

13 Cum ergo Præpositus huiusmodi habeat auxilia, tempus (quod quidem valetudo, & vires corporis permittent) partim cum Deo, partim cum Officialibus, & ministris huiusmodi agendo, partim secum seorsum considerando, ac cum auxilio & fauore Dei ac Domini Nostri, quod agendum est statuendo, impendet.

14 Præpositi etiam Prouinciales, & Rectores Collegiorum, vel Præpositi particulares Domorū suis auxilijs pluribus & paucioribus, pro necessitate ac momēto rerum ipsis commissarum, subleuari debent: ac præcipue ad consilium aliquos cum quibus res grauiores quæ occurrunt, communicent (quamuis eis auditis penes Superiores sit statuendi facultas) designatos habeant.



DECIMA PARS

DE MODO QUO CONSERVARI

& augeri totum corpus Societatis in
 suo bono statu possit.



QUAE Societas, quæ medijs huma-
 nis instituta non est, per ea nec cō-
 servari nec augeri potest; sed per
 gratiam omnipotentis Dei ac Do-
 mini Nostri IESV Christi: in
 eo solo sp̃e constitui oportet, quod
 conservaturus sit, & promoturus hoc opus; quod
 ad obsequium & laudem suam, & auxiliū anima-
 rum inchoare dignatus est. Et iuxta spem hanc, pri-
 mum mediū & maxime consentaneum, oratio-
 num & Sacrificiorum erit; quæ hac cum intentio-
 ne sancta offerri, & singulis hebdomadis, mensi-
 sibus, & annis in omnibus locis, ubi Societas resi-
 det, certa ordinatione institui debent.

- 2 Ad conservationem & incrementū non solum
 corporis, id est eorum quæ externa sunt, sed etiam
 spiritus Societatis, atque ad assecutionem finis quē
 sibi præfigit auxilij animarum, ad ultimum & su-
 pernaturalem suum finem consequendum media
 illa quæ cum Deo instrumentum coniungunt, ac
 disponunt, ut à divina manu recte gubernetur, effi-
 caciora sunt, quam quæ illud disponunt erga homi-
 nes. Huiusmodi est probitas & virtus, ac præcipue
 charitas, & pura intentio diuini servitij, & familia-

ritas

ritas cum Deo in spiritualibus deuotionis exercitijs, & zelus syncerus animarum ad gloriam eius qui eas creauit ac redemit, quouis alio emolumento posthabito. Videtur itaque in vniuersum curandum esse, vt omnes qui se Societati addixerunt, in virtutum solidarum ac perfectarum, & spiritualium rerum studium incumbant; ac in huiusmodi maius momentum, quàm in doctrina, vel alijs donis naturalibus & humanis constitutum esse ducant, illa enim interiora sunt, ex quibus efficaciam ad exteriora permanere ad finem nobis propositum oportet.

- 3 Hoc iacto fundamēto, media illa naturalia quæ Dei ac Domini Nostri instrumentum in proximorum vtilitatem disponunt, in vniuersum ad conseruationem & incrementum totius huius corporis conferent; si tamen & addiscantur, & exerceantur sincere ad solum Dei obsequium; non vt illis fiducia nostra innitatur, sed potius vt diuinæ gratiæ, iuxta summæ prouidentię suæ ordinem, per hæc cooperemur; qui ad gloriam suam tam dona naturalia, quæ ipse vt Creator, quam supernaturalia, quæ vt gratiæ auctor donat, vult referri. Et ideo media humana, vel per industriam acquisita, ac præcipue doctrina exacta & solida, & modus eam proponendi populo in Concionibus, & Lectionibus, & forma agendi cum hominibus, eisdemque tractandi diligenter curanda sunt.

- 4 Inuenit etiam magnopere, in suo bono statu ac disciplina Collegia conseruare, & ad id eorum superintendentiam per illos exercere, quibus vtilitatis tem-

ris temporalis nihil ex eis potest accedere. Talis est Societas Professa, quæ in Collegijs eos instituentes curabit in perfectione vitæ, litterisque Christiano dignis, qui talentum ad id sortiti esse videbuntur. hi enim pro seminario Societati Professæ, & eius Coadiutoribus erunt. etsi cum Collegijs, Vniuersitates etiam curæ Societatis commissæ fuerint, obseruato illo modo procedendi, de quo in quarta Parte dictum est, ad finem eundem iuuabunt.

5 Quia Paupertas velut propugnaculum est Religionibus, vt eas in statu suo, & disciplina cõseruet, & à compluribus hostibus defendat (vnde etiã Dæmon enititur illud varijs rationibus euertere) refert plurimum ad conseruationem & augmentum totius huius corporis, procul admodum omnem auaritiæ speciem ablegasse; nullos redditus, uel possessiones, vel stipendia pro verbi Dei Prædicatione aut Lectione, aut Missis, aut administratione Sacramentorum, aut demum rebus quibuslibet spiritibus (vt est in sexta Parte dictum) admittendo, nec ad suam vtilitatē redditus Collegiorū applicando.

6 Erit etiam summi momenti, vt perpetuo **scilicet** Societatis status cõseruetur, diligentissime ambitionem, malorum omnium in quauis Repub. vel Congregatione matrem submouere; ac aditum ad dignitatem, vel prælationem vllam directe vel indirecte querendā in Societate, præcludere. Quod vt fiat, omnes Professi se nihil vnquam ad eam obtinendam acturos; & quos agere animaduерterint, delaturos, Deo ac Domino Nostro voueant: & in-

capaces

capaces ac inhabiles ad prælationem quamvis habeanturij, de quibus probari posset quod eam ambijsent. Promittant etiam Deo ac Domino Nostro ad nullam etiam extra Societatem prælationem, vel dignitatem obtinendam se quidquã acturos; nec ad sui electionem ad huiusmodi munus, quoad eius fieri poterit, consensum præstitturos; si eius Obedientia, qui sub pœna peccati potest præcipere, eos non compulerit: sed unusquisq; videat qua ratione animarum saluti, iuxta nostræ Professionis humilitatem & submissionem, inferuire possit: & ne Societas his hominibus, qui ad propositum sibi finem sunt ei necessarij, priuetur.

Promittat etiam Deo, quod si quando dicto modo compulsus, prælationem aliquam extra Societatem admittet, audiet postea quovis tempore, Præpositi Generalis, qui pro tempore fuerit, consiliũ; vel alicuius, quem ille sibi ad hoc substitueret; quodque, si senserit melius esse quod consulitur, sit illud executurus: non quod habeat qui Prælatus est, aliquẽ de Societate Superioris loco; sed quod sponte in Dei conspectu vult ad id faciendũ obligari; quod ad diuinum obsequium melius esse intellexerit; quodque placeat esse aliquem, qui sibi cum charitate ac libertate christiana ad gloriam Dei & Domini Nostri id proponat.

- 7 : Vt perpetuo totius huius corporis bonus status cõseruetur, confert plurimũ quod in prima, secunda, & quinta Parte dictum est, de turba & hominibus ad nostrum Institutum ineptis, ne ad Probationem

tionem quidem admittendis: & si aliqui Probationis tempore, non esse idonei inuenirentur, etiam dimittendis. Siqui vero deprauatis moribus essent, aut de quorum emendatione parū speraretur, multo minus essent retinendi. Minus etiam apertum ostium esse, debebit ad admittēdos aliquos in Scholasticos approbatos, & Coadiutores formatos: minime vero omnium in Professos: non enim alij, quā spiritus & doctrinæ selectæ viri, & multum diuque exercitati, & in varijs Probationibus virtutis & abnegationis sui ipsorum, cum omnium ædificatione & satisfactione perspecti, ad Professionē admitti debent. Sic enim, licet multitudo augetur, non imminuetur nec debilior reddetur spiritus, dū tales sint qui in Societatis corpus cooptantur.

- 8 Cum bona & mala capitis habitudo in vniuersum corpus redundet, summopere conferet si electio Præpositi Generalis ea sit, quæ in nona Parte descripta est. Et post hanc electionem, illa maximi erit momenti, qua inferiores Præpositi in prouincijs, & Collegijs, ac Domibus Societatis eliguntur, nam fere quales hi fuerint, tales & eorum subditi erunt. Refert etiam magnopere, præter electionē, si Præpositi particulares in sibi subditos, & Generalis in particulares, ac cōtra Societas in Generalē (vt in nona Parte declaratum est,) multum potestatis habeat: ita vt omnes ad bonum omnia possint: & si male agerēt, omnino subiecti sint. Refert etiā vt Superiores, ministros idoneos (vt in eadem parte dictum est) ad ordinationem & executionem rerum

rum quæ spectant ad eorum officium, habeant.

- 9 Quod iunat ad vniionem membrorum huius Societatis inter se, & cum suo capite, multum etiam ad conseruationem boni status illius iunabit: cuiusmodi est in primis voluntatum vinculum, quod Charitas est, & mutus amor, quem crebra communicatio, & rerum mutua notitia, eadem doctrina, & in omnibus, quantum fieri potest, vniiformitas nutriet. Sed in primis id præstabit Obedientiæ vinculum quod particulares cum suis Præpositis, & hos ipsos inter se, & cum Provincialibus, & vtrosque cum Generali vniunt: ita vt inter omnes diligenter subordinatio seruetur.

- 10 Moderatio laborum animi & corporis, & in Constitutionibus, quæ ad neutrum extremum rigoris vel dissolutionis vergant (vt sic melius obseruari possint) mediocritas conferet ad durationem, & totius corporis in suo statu conseruationem.

- 11 Ad eundem finem faciet, generatim curare vt amor & charitas omnium etiam externorum erga Societatem conseruetur: sed eorum, præsertim quorum voluntas bene aut male in nos affecta, multum habet momenti, vt aditus ad diuinum obsequium & animarum auxilium aperiatur, uel præcludatur. In ipsa vero Societate nec sit nec sentiat animorum propensio ad partem alterutram factionis, quæ esset fortassis inter principes vel Dominos Christianos: sed sit potius quidam vniuersalis amor, qui partes omnes (licet sibi inuicem contrariæ sint) in Domino Nostro amplectatur.

Iuuerit

12 Iuuerit etiam moderatus & prudens vsus gratiarum per Sedem Apostolicam concessarum : solius auxiliij animarum sine syncerissime nobis proposito. Sic enim diuina bonitas opus hoc quod coepit, promouebit ; ac bonus odor, qui veritatis bonorum operum innitatur, hominum deuotionem augebit: vt & à Societate ipsi iuuari, & eandem ad propositum sibi finem obsequij & gloriæ diuinæ Maiestatis iuuare curent.

13 Conferet etiam, rationem habere valetudinis; vt ea in particularibus conseruetur; quemadmodum tertia in parte dictum est : & ut demum omnes obseruationi Constitutionum stu-


deant: ad quam, easdem scire, saltem quæ ad quemlibet per-

Quare legere vel audi-

re. easdem singulis mensibus

oportebit.

F. I. N. I. I. S.



FORMULA VOTORUM SIMPLI-
cium, quæ Professi emittunt post Professio-
nem, iuxta Constitutiones; extracta ex
prima Congregatione ge-
nerali, & recognita
à tertia.

- 1 **E**GO .N. Professus Societatis IESV, promitto Deo omnipotenti coram eius Virgine Matre, & tota curia cœlesti, & coram R. Patre Præposito Generali, vel coram .N. locum Generalis Præpositi tenente, nunquam me acturum quacunque ratione, vel cōsensurum, ut, quæ ordinata sunt, circa Paupertatem in Constitutionibus Societatis, immutentur: nisi quando ex causa iusta rerum exigentium videretur Paupertas restringenda magis.
- 2 Præterea promitto nunquam me acturum uel prætensurum, ne indirecte quidem, ut in aliquam prælationem uel dignitatem in Societate eligar, vel promouear.
- 3 Promitto præterea, nunquam me curaturum, prætensurum uel extra Societatem prælationem aliquam, uel dignitatem, nec consensurum in mei electionem, quantum in me fuerit, nisi coactus Obedientia eius, qui mihi præcipere potest sub pœna peccati.
- 4 Tum, si quem sciam aliquid prædictorū duorū curare, uel prætere, promitto illum remq; totā me manifestaturū Societati, uel Præposito eius.
- 5 Insuper promitto si quando acciderit, ut hac ratione

tione in 'Præsidentem alicuius Ecclesiæ' promonear:
 pro cura, quam de animæ meæ salute, ac recta mu-
 neris mihi impositi administratione gerere debeo,
 me eo loco, ac numero habiturum Præpositum So-
 cietatis Generalem, ut nunquam consilium audire
 detrectem, quod uel ipse per se, uel quiuvis alius de
 Societate, quem ad id ipse sibi substituerit, dare mi-
 hi dignabitur. Consilijs uero huiusmodi ita me-
 pariturum semper esse promitto, si ea meliora es-
 se, quàm quæ mihi in mentem uenerint, iudicabo.
 Omnia intelligendò iuxta Societatis IESV Cõ-
 stitutiones & Declarationes. In tali loco, tali die,
 mense, & anno, &c.

L A V S D E O.





